

## رواية عندما يقع العزفي الغرام



متابعين #عشق\_الزين ♡ □ □

علشان خاطر كوا وتفرحوا قررت انا وبكامل قوايا العقليه  
اعملكو نوفيلا لحبيب قلبكوا عز و طبعاً باقي الابطال هايبقو  
موجودين ♡ □ □ بس طبعاً عزله النصيب الاكبر  
نوفيلا #عندما\_يقع\_العزفي\_الغرام نوفيلا تكميله لروايه  
عشق الزين

هاتبقا يوميا الساعه 6 ابتداء من يوم الخميس

ويالا وادي اقتباس

منها \* \* \* \* \*

في مستشفى الجارحي .

زين قام من مكانه : مراد ايه اللي جابك انت كويس .

مراد بنفس ابتسامته الجذابه : انا كويس ، بس يحيى باشا  
مش كويس .

زين : مالك يا يحيى؟! .!

يحيى بهدوء : تعبان .

عز شاوور لكارما تتصرف، وهي قربت منهم ومسكت ايد يحيى :  
الف سلامه عليك يا قمر .

مراد الالفي : انتي الي قمر والله، مين دي يا زين؟! ..

زين غمزه في كتفه وبصله بعتاب : دي دكتور كارما المفروض دا  
اختبار ليها وهايبقى مع يحيى .

مراد الالفي : لا انتي ناجحه باذن لله من غير اي حاجة ، انا ابو  
الواد دا ونجحتك خلاص .

كارما : احم ميرسي يافندم، ربنا يخليك والله، ممكن تسيب  
ايدة اخده على سرير الكشف .

مراد : طب مش عاوزاني، انا ابوه وعادي اجاي .

كارما ضحكت : لا شكرا .

كارما اخدت يحيى على سرير الكشف وبدات تكشف عليه  
بمهنية عالية .. زين ميل على مراد وهمس : طب راعي  
الشعرتين البيض الي في شعرك يا راجل، بلاش تراعي سنك .  
مراد : انت عارف الشعر الابيض دا هو الي بي جذب البنات ليا،  
بالك انت لما بروح المدرسه ليحيى، المدرسات بيقفوا صفوف  
كدا وحياتك .

زين : سارة عارفه بالموضوع دا .

مراد : سارة عارفه عني كل قاذروتي .

زين ضحك على صاحبه الي عمره مايتغير ابداً، وبعدها ...

نوفيللا ( عندما يقع العزفي الغرام ) .

تكميليه لعشيق الزين

نوفيللا ( عندما يقع العزفي الغرام )

### الحلقه الاول.

في منزل بمنطقه راقيه... نلاقي نانا قاعدة على سريرها بتفكر  
في شئ ما، قطع تفكيرها دخول خالتهاااا..مريم : انتي صاحيه  
يا نانا كويس قومي البسي وانا هاجهزلك الفطار.

نانا بضيق : انا مش راичه يا خالتو المستشفي..

مىريم : ليه يابنتي؟! .

نانا بحنق: هايكون ليه؟!، علشان دكتور عز صاحب  
المستشفي بجد دكتور سئيل ورخم وفاكر نفسه دمه خفيف  
وانا مش بطقيه انا مش عارفه البنات في المستشفي  
هايموتوا عليه على ايه؟! .

مريم : ايه حيلك حيلك دا كله عليه؟!، باين عليه شاغل بالك .

نانا : شاغل بالي ايه يا خالتو، مين دا علشان يشغل بالي اصلا،  
بس حقيقي انا بقيت منزعه من طريقته معايا .

مريم : وقفه عند حدة.

نانا : وقفته كتير بس دا ولا هنا كل ما نتجمع في عمليه ولا في  
مكان يرمي كلمه ويضايقني كدا ولا نظراته بتخنقني .

مریم : متضیعیش نفسک علشان خاطر حد، انتی حلمک  
تکبری وتاخدي المنحه اللي بتعملها المستشفي كل سنه  
لالمانيا يبقا اشتغلي على نفسك وسببي الباقي وراكي.

نانا : طب مانا بعمل كدا يا خالتو.

مریم : لا انا مش بشايفه كدا، بشايفكى قاعدة وعامله الحجه  
دكتور عز.

نانا : اوك هاقوم والمرادي لو اتكلم معايا انا هاعرفه مقامه، انا  
مش فاضيه للحب والكلام دا، انا عاوزه ابني مستقبلي واكبر،  
مش عاوزه يكون اعتمادي على راجل وفي الاخر يرميني  
ويطلقني بعيالي واتشرد انا ومالقيش مأوى.

مریم : استغفر الله العظيم يابنتي الرجاله مش زي بعض وانتي  
غير امك الله يرحمها، الفرق بس ان ابوكي محبش وكان  
نفسه يتجوز الي حباها سنين.

نانا بعصبيه : لو سمحتي يا خالتي، متفتحيش معايا الموضوع  
تاني، انا قايمه البس.

\*\*\*\*\*

في منزل زين الجارحي ....

عز خرج من اوضته ولاقى الكل متجمع على الفطار زين وليليان  
ومراد وميرا واوولد مراد ( ادم\_لي\_لي\_دنيا\_زين )، قعد مكانه :  
صباح الخير.

لي لي : صباح الخير يا زيزو.

مراد بحدّة خفيفه : لي لي متقوليش زيزو تقولي عمو عز، عيب  
كدا.

عز : ياعم عمو ايه بلاش جو الخنيق دا، انا زيزو وبس يا حبيبي.  
دنيا : اسطا زيزو ( اسطا يا زيزو ).

مراد بضيق : لا كدا كتير يا بني حرام عليك، انت بتعلم بناتي  
ايه؟! ..

عز : هو انا بشوفكوا يا حبايبي، والله يا مراد انا لو قعدت  
معاهم يومين على بعض هاقلب كيانهم بس المستشفي  
واحدة كل وقتي.

مراد : ما تعمل مستشفي تانيه يا بابا علشان مش عاوزين  
نشوفه خالص .

ليليان شهقت بنعومه : اخص عليك يا مراد، بعد البشر عنه،  
ربنا يخليه ويحميه ويحرسه من العين.

مراد بصلها بتعجب : هو انا قولت ايه لدا كله.

زين بضحك : في قانون امك انت كدا بتدعي على عز، في قانوني  
انا ياريت والله بفكر جديا في المشروع دا.

ميرا بفرحه : بجدي عمو، والله تبقى فكرة هايه ونخليها كلها  
مجاني للمحتاجين لو عاوزاني انا موج....

ميرا قطعت كلامها مع نظرات مراد ليها بتحذير، عز ضحك  
بصوته كله : عاش يا وحش.

ميرا بضيق : بس يا عز.

زين بجديه : انت لو خلصت يا دكتور خلينا نقوم انا محتاج ابص  
على المستشفي واشوف التجديدات فيها .

عز قام : يالا يا زين باشنا انا جاهز من بدري.

زين لاحظ ليليان بتبص لعز بعينون فيها بسعادة وبتمتم  
بحاجات، اضايق منها: ليليان انا ماشي .

ليليان فاقت وقامت ودعته وهو همسها بضيق : ابقى خلى عز  
ينفعك.

ليليان بهمس : دا انا كنت بقراً المعوذتين اصماالله عليه  
ييفكرني بشبابك كدا وحلو ويخطف العين خطف.

زين بسخريه : وانتي كنتي بتقري المعوذتين عليا كل مرا بخرج.

ليليان بضحك : لا انا كنت بقرا الفاتحه على روح اللي تبصلك.

زين : كبرتي واتشقيتي وبقيتي تعرفي ازاي تهربي مني يا لي لي.

ليليان بتمثل الحزن : اخص عليك يا زيني، انا كبرت.

زين بغمزة خفيفه من عنيه : مش عارف لما اجاي نبقا نشوف  
الموضوع دا.

\*\*\*\*\*

عربيه وصلت قدام مستشفى الجارحي وفيها ولد وبنت...

عبد الرحمن : متمشيش لوحداك هاجاي اخداك يا كوكو.

كارما برقه : ربنا يخليك ليا يا ابيه، بس انا بابا قالي انه هاجي  
هو يا خدني.

حمزة : ليه؟! .

كارما : معرفش هو قالي خلى ابيه يوصلك وانا هاجيلك،  
وبعدين روح انت جيب هنا ولا ما من الكليه.

عبد الرحمن نفخ بضيق: عملي الاسود في الحياة، ربنا يزلهم  
قارفيني في عيشتي.

كارما ضحكت بخفه: ربنا يخليك لينا يا ابيه.

عبد الرحمن ميل على خدها وباسها: ويخليكوا ليا يا روح قلب  
الابيه..

\*\*\*\*\*

عز وزين ركبوا عربيه واحده...

عز بضيق: كان لازمها ايه يا بابا الحراسه والسواق ما كنت  
اسوق انا.

زين: كويس انك فتحت الموضوع انا مش هاسكت كثير انك  
تمشي من غير حراسه، وانت الوحيد اللي تاعب قلبي اخواتك  
بيسمعوا كلامي.

عز: على فكرة انا بسمع كلامك وبحترمك، بس انا بحب اكون  
حُر، مبحبش اكون مقيد، وبعدين يا بابا ماهو مراد وادهم اهم  
من غير حراسه.

زين بنفي: لا طول ماهما في اجازتهم عربيه الحراسه وراهم،  
وبعدين هما ظباط ومدربين على اعلى مستوى، مبخفش  
عليهم.

عز: وانا اللي عيل يعني، منا بعرف اضرب نار ومعايا مسدسي،  
وبلاكم كويس وبكسب عيالك الظباط كمان، وبعدين يعني هو  
الناس متربصه ليا انا.

زين : هو انت متعرفيش انت ابن مين، انت ابن زين الجارحي،  
وانا اسمي تقيل في السوق، واكيد ليا اعدائي وانا بخاف على  
كل حاجه تخصني ما بالك بقى بعيالي اللي من صلبى مش  
هاخاف عليكوا، لو سمحت نفذ كلامي.

عز : اوك يا بابا عنيا ليك هانفذ كلامك.

السواق : وصلنا ياباشنا.

زين : انا هانزل امر على المبنى الملحق بالمستشفى هاتيحي  
معايا.

عز : انزل انت وانا هاعمل مكالمه ليهم كدا ايشوف محتاجاني  
في حاجه.

زين : اوك.

زين نزل وعز فضل في العربيه بيعمل مكالمه مع ادارة  
المستشفى في نفس الوقت اللي عربيه عبد الرحمن وقفت  
فيه... وميل عبد الرحمن على كارما وباسيها في خدها، عز رفع  
حاجبه وراقبهم باهتمام، لغايه ما كارما نزلت من العربيه وهي  
لابسه جيبه وشميز وطرحه، راقب توترها بس مش شاف  
وشها حلو من انعكاس الشمس في وشه، لقاها دخلت  
المستشفى... ابتسم بمكر ونزل هو كمان مشي وراها دخلت  
واتكلمت مع الريسبشن وبعدها دخلت الاسانسير دخل  
معاها والباب اتقفل...

كارما برقه : حضرتك طالع انهي دور.

عز اتحقق من وشها : اخر دور.

كارما اتخرجت وبعدها ضغطت على الزر السادس وسكتت..

عز : انتي دكتورة جديدة.



كارما :ايوا في قسم الاطفال .

عز بخفوت : لازم تكوني اطفال .

كارما : بتقول حاجه حضرتك !!

عز : ابدأ، انتي هاتقابلي مين ؟!

كارما بصت في الورقه : هاقابل دكتور عز الجارحي .

الاسنانسير اتفتح وهي خرجت وهو اتكلم : بالتوفيق، انشاء  
الله تقبلي .

كارما بابتسامه بسيطه : ميرسي...

وبعدها اترددت تسأله : هو حضرتك تعرفه، هو ممكن  
يرفضني .

عز بمكر : ممكن جدًا .

كارما وعيونها اتجمع فيها الدموع ووشها بقا كله احمر : ايه  
ليه؟؟؟!، هو بيرفض من الباب لطاق كدا .

عز ابتسم على برائتها : لا متخافيش...

وبعدها شاف نانا جايه عليهم قفل كلامه مع كارما وهي  
لاحظت كدا واتخرجت واستأذنت ومشيت ...

عز : ازيك يا دكتور نانا .

نانا بضيق : كويسه يا دكتور .

عز : اخبار المرض ايه؟!، مرיתי عليهم .

نانا : على فكرة يا دكتور دا واجبي، وانا بعمل كدا كل يوم، مش  
لازم يعني كل مرة تسألني .

عز بحدة : انا بسالك عليشان انا مديرك في القسم، ومدير  
المستشفى الي انتي بتشتغلي فيها وكمان المالك  
للمستشفى دي، انا مش موقفك عليشان جمال عيونك، يالا  
على شغلك يا دكتورة...

نانا مشيت مضايقة من طريقته، وهو همس لنفسه :  
يخربيتك مش عارف بحب فيكي اي!.

سبابها ودخل مكتبه وبعدها السكرتيرة بلغته بوجود كارما :  
خليها تدخل.

كارما دخلت لفته هو نفس الشخص الي كان بيكلماها من  
شوية وشها قلب الوان الطيف واتحرجت واتسمرت  
مكانها...

عز : اتفضلي اقعدي.

كارما قعدت بتوتر: شكرا.

عز برسمية : العفو، اسمك كارما محمد شاهين.

كارما هزت راسها: ايوا حضرتك.

عز : امممم وانتي بقا عندك خبرة ولا جايه تعملي ايه هنا...

عز معطهاش فرصه ترد وكمل هو بحدة..: انا هنا عندي التزام  
وشغل وبس، لولا حاجتنا لدكاترة اطفال مكنتش وافقت  
اشغل حديثي التخرج عندي.

عز مكنش عارف بيكلماها كدا ليه وليه طريقته الحادة دي  
معاها، هي معملتش حاجه ، يمكن نانا ضايقته.

كارما بارتباك واتلعثمت في الكلام : انا ح.. حضرت..

عز قاطعها بحدة : لا انتي هاتتهي انا مش ناقص اعلمك ازاي  
تتكلمي ووتعاملي ازاي مع اهالي المرض والمرضى نفسهم.

حسبت بإحراج جامد، واتخنقت من اسلوبه، قامت واخذت  
الورق بطريقة عفوية منه، وخرجت من الاوضه وقفلت الباب  
وراها بقوة واول ما طلعت عيطت كثير لدرجه ان شهقاتها  
كانت بتزيد الناس لاحظوا كدا، وهي اتخرجت ومشيت بسرعه  
تطلب الاسانسير، اول ما وصل كان فيه زين وبعض المديرين  
زين شافها استغرب، وهي وطت وشها في الارض ، ركبت  
الاسانسير وزين رجع ركب تاني معاها ....

زين : مالك؟! ، بتعيطي ليه؟!..

كارما : مفيش حضرتك، دي حاجه دخلت في عيني.

زين بابتسامه لكدها الابيض : انتي زي بنتي، وفيكي من برائتها  
كثير بتعيطي ليه؟!..

كارما : مفيش والله انا كويسه.

باب الاسانسير اتفتح وجت تمشي زين مسكها من ايديها  
واخدها في ركن اتفاجئت بكم من الاشخاص الحراسه  
حواليهم..

زين : متخافيش قولي مالك حد اساء ليكي هنا في  
المستشفى انا زين الجارحي مالك المستشفى دي.

كارما : اهلا وسهلا بس انا كويسه عن اذنك..

بعدها افكرت كلام ابوها ليها دايمًا وانها تعتمد على نفسها  
رجعت واتكلمت بضيق طفولي : حضرتك يعني ليك كلام على  
مدير المستشفى .

زين : اه ليا كلام مين اللي مزعلك.

كارما : طب ينفع حضرتك، دكتور عز لسه بيعمل معايا انترفيو  
يقعد يبشخط فيا ويكلمني بطريقه وحشه جدا جدا، وانا والله  
مغلطتش معاه انا حقيقي زعلت جدا من موقفه العدائي دا، دا  
لا يصلح انه يكون مدير اصلا ولا حتى دكتور.

عز من وراها : امممم وايه كمان؟!.

كارما سمعت صوته اسبختت ورا زين، وهو قرب من ابوه  
بيحاول يوصلها : ماتقولي يا طفله انا لا اصلح لايه كمان.

كارما : حضرتك انا مش طفله وعيب اوي اوي كدا.

عز : امشي اطلعي برا يابت مبشغلش اطفال.

كارما اتخرجت تاني وحت تمشي زين مسك ايدها : قوليله لا  
هاشغل علشان زين الجارحي هو اللي عيني هنا.

عز بضيق : بابا انا رافض تعينها.

زين : هو انتي دكتورة ايه؟!..

كارما : احم اطفال.

زين : طيب يا عز هي اطفال و حضرتك جراحه مالكتش دعوة  
بيها ليها مديرنها.

عز بعند : اول حاله هاتيحي هاتكشفي عليها وهاقيمها  
بنفسي لو كويسة هاتشغل لو مش كويسة مش تنفعني.

زين بهدوء : اوك روجي قسمك وجهزي نفسك.

كارما هزت راسها بتوتر ومشيت تسال على قسم الاطفال،  
وعز جه يتكلم زين وقفه باشارة : انا قولت اللي عندي وانت  
قولت اللي عندك يبقا مفيش كلام تاني يتقال، بينا امر على بقية  
المستشفى.

\*\*\*\*\*

بعد يوم طويل في مرور زين لبقية اقسام المستشفى،  
وانتظار كارما لأول حالة، لاحظت دخول عزوزين غرفة  
ومعاهم.. بعدها بدقائق اذناها عز بالدخول ودخلت وعز رفع  
السماعة لاستقبال..

عز: ايوا ابعتي اول حالة لقسم الاطفال فوق على اوضة دكتور  
امجد.

عدت دقائق وكانها ساعات على كارما وهي بتحاول تجهز  
نفسها، والباب خبط ودخل مراد الالفي وفي ايده يحيى ابنه...  
زين قام من مكانه : مراد ايه اللي جابك انت كويس.

مراد بنفس ابتسامته الجذابه : انا كويس، بس يحيى باشا  
مش كويس.

زين : مالك يا يحيى؟!.

يحيى بهدوء : تعبان.

عز شاور لكارما تتصرف، وهي قربت منهم ومسكت ايد يحيى :  
الف سلامه عليك يا قمر.

مراد الالفي : انتي اللي قمر والله، مين دي يا زين؟!..

زين غمزه في كتفه وبصله بعتاب : دي دكتور كارما المفروض دا  
اختبار ليها وهايبقى مع يحيى .

مراد الالفي : لا انتي ناجحه باذن لله من غير اي حاجة ، انا ابو  
الواد دا ونجحتك خلاص.

كارما : احم ميرسي يافندم، ربنا يخليك والله، ممكن تسبب  
ايده اخده على سرير الكشف.

مراد : طب مئش عاوزاني، انا ابوه وعادي اجاي.

كارما ضحكت : لا شكرا.

كارما اخدت يحيى على سرير الكئشف وابدات تكئشف عليه  
بمهنية عالية .. زين ميل على مراد وهمس : طب راعي  
الشعرتين البيض الي في شعرك يا راجل، بلائش تراعي سنك.  
مراد : انت عارف الشعر الابيض دا هو الي بي جذب البنات ليا،  
بالك انت لما بروح المدرسه ليحيى، المدرسات بيقفوا صفوف  
كدا وحياتك.

زين : سارة عارفه بالموضوع دا.

مراد : سارة عارفه عني كل قاذروتي.

زين ضحك على صاحبه الي عمره مايتغير ابداً، وبعدها كارما  
خلصت كئشف وعز كان متابعا بعنيه واول ما خلصت بصت  
لمراد : حضرتك هو كويس بس واخذ دور...

وشرحت يحيى عنده ايه بشرح مبسط وعند ذكرها لكلمه  
حقنه، يحيى قام انتفض : لا لا حقنة لا مئش هاخدها يا بابا.  
عز كتف ايده وابتسم بسخرية عليها : اديله انتي الحقنة يا  
دكتورة..

كارما عرفت انه بيعجزها وبيسخر منها راحت عند المكتب  
ورفعت السماعه وسألته على رقم العيادة في المستشفى  
وطلبت الدوا وبعدها راحت عند شئنطتها وطلعت انواع كتيرة  
من الشوكلاتات وزين ومراد مئشغولين ازاي يقنعوا يحيى  
بالحقنة، وعز واقف جنبها بيراقبها وهي محتارة تديله انهي  
شوكلاته...

عز : هو انتي محتارة في ايه؟!.

كارما : هايجب دي ولا دي.

عز : هو عندك انواع تانية في الشنطة دي.

كارما ببراءه : اه بص

وطلعت انواع كتيرة منها وبغفويه عزمت عليه : اتفضل خد واحدة.

عز مد ايده واخذها : حلوة دي.

كارما ونسيت اي حاجة حصلت قبل كدا : اه حلوة جدا بالبندق هاتحبها انا بحبها اوي.

عز حس انه غلط معاها وطلع غضبه وضيقه من نانا فيها، حس بالندم فقرر انه يبطل يضايقها وهي دكتور كويسة وشاطرة وتستاها تتعين في المستشفى..

عز حط الشوكلاته في جيبه : هاكلها بعدين..

الباب خبط ودخلت الممرضة وكارما اخدت الدوا وجهزت الحقنة، وليس له مراد بيكتف يحيى علشان ياخذها غصب، هي رفضت ومدت ايديها بالشوكلاته ليحيى ..

مراد : الله شوكلاته مفيش بونبوني .

كارما : لا والله ممعيش، بس في انواع كتيرة من الشوكلاته ثواني اجبلك.

عز : ادي الحقنه ليحيى الاول يا كارما، وانت يا مراد بطل هزار.

زين : عز عيب على فكرة انا بتعصب لما بتقوله مراد، اسمو...

مراد بسرعه : قولي يا ميمو يا ض يا عز سيبك من ابوك، مبحبش العقد انا يا اخي.

زين : انت قدي يا مراد والمفروض يحترموك .

مراد : انت هاتسوء سمعتي انا اصغر منك بشهرين .

وفي انثغالهم... كارما ميلت على يحيى وهمست له : تيجي اديك الحقنه من غير ما ياخدو بالهم، واوعدك انك مشن هاتقول اي حتى، وهاتبوسني لانك مشن هاتحسن بيها .

يحيى : ولو حسيت .

كارما : مشن تبوسني .

كارما ميلت عليه وعطته الحقنة بمهارة ويحيى مصرخشن ولا عيط ومراد وزين فاقوا وهو بيبوس كارما: انتي شاطرة اوي، كل ما اعوز اخذ حقنه هاجيلك اخدها واديكي بوسه، ماشي .

مراد بفخر : ابني، تربيتي .

عز : ذاك الشبل من ذاك الاسد .

زين ومراد ويحيى شكروا كارما وخرجوا...

عز : مبدئيا كنتي شاطرة في تعاملك مع الولد اعتبري نفسك اتعينتي .

كارما كان نفسها ترفض بس افكرت تنبيهات ابوها وامها انها تعتمد على نفسها وتبقى جريئة وافقت وبعدها خرجت لقت زين ومراد بيخرجوا من المستشفى.. جريت عليهم .

كارما : لو سمحتوا .

مراد وزين لفوا، بصتلهم بابتسامه وعطتهم شوكلاته : ماخدوتش وكل اللي في اوضة اخذ .



مراد بص لزين بمعنى هبله دي ولا ايه؟!، ولكن زين ابتسم  
لعفويتها واخذها منها : شكرا يا....

كارما : كارما محمد شاهين .. ايه دا باباا..

زين ومراد لفوا بسرعة لقوها بتجري على حد وبتحضنه...  
الشخص دا قرب منهم وابتسامه على وشه...

شاهين : مساء الخير ازيك يا زين باشا، ازيك يا مراد باشا...

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة

انتهت الحلقة الاولى

بقلم / زيزي محمد

قراءه ممتعه

مبدئيا كدا دي مش روايه... دي نوفيلا وعدد حلقاتها بيبقا  
بسيط، النوفيلا الابطال كلهم موجودين وهايتظروا

بالترتيب، بس النصيب الاكبر لعز ♡ □ □

نوفيلا ( عندمل يقع العزفي الغرام ).

البارت الثاني ..

كارما : كارما محمد شاهين .. ايه دا باباا.. زين ومراد لفوا  
بسرعة لقوها بتجري على حد وبتحضنه... الشخص دا قرب  
منهم وابتسامه على وشه...

شاهين : مساء الخير ازيك يا زين باشنا، ازيك يا مراد باشنا...

زين : ايه دا شاهين، عامل ايه، اخبارك وفينك من زمان؟!..

مراد بص لزين وبيحاول يتذكر مين شاهين دا، وزين اخذ باله :  
مراد، دا شاهين مدير البنك اللي كنا بنتعامل معاه زمان، انت  
اتقابلت معاه مرة او مرتين..

مراد بسلم عليه : اهلا يا شاهين.

شاهين بابتسامه : افكرتيني، ولا بتمثل انك افكرت اصلك  
ظابط مخبرات وبتعرف تضحك على اللي قدامك كويس.

مراد : لا افكرتك كويس، مش بالامارة سافرنا فرع البنك في  
دبي علشان كان في مشكله هناك في تحويل الفلوس  
لشركه.

شاهين : لا مشاء الله الذاكرة قويه.

زين : وحشتني والله يا شاهين انت من ارجل الاشخاص اللي  
اتعاملت معاهم.

شاهين : الله يعزك يا زين باشنا، وانتوا من انصف رجال  
الاعمال اللي تعاملت معاهم.

مراد : دي بنتك يا شاهين؟!..

شاهين : ايوا كارما.

زين ابتسلمها : ربنا يباركك فيها، انت جاي توصي عليها.

شاهين : لا والله، بس كنت جاي اطمئن واشوفها قبلت ولا لأ.

كارما بهدوء : قبلت يا بابا الحمد لله.

زين : طب ما تروحي تشوفي شغلك يا دكتورة.

كارما : عن اذنكوا، عن اذنك يا بابا.

كارما مشيت وشاهين استناها تمشي بعيد عنه وبعدها  
سسال زين : هي قبلت بجد.

زين : هو انت مش واثق في قدرات بنتك ولا ايه؟!.

شاهين : لا واثق،، بس هي مش واثقه في نفسها، امال انا  
نزلتها بشغل ليه؟!..

مراد : هي باين عليها اصلا اول مرا تشتغل او تحتك بالعالم  
الخارجي.

شاهين : كارما انا غلطت في تربيتها حبيتها اوي، ودلعتها جداً  
وهي اعتمدت عليا في كل حاجة وبقت خجوله وملهاش  
صحاب الا مامتها، ولا بتخرج ولا بتروح ولا بتعمل حاجة غير  
تحضر كليتها وتذاكر وبس، كنت الاول مبسوط بيها كدا، بس  
مع الوقت حسيت ان هي معتمدة عليا في كل كبيرة وصغيرة  
ومبتعرفش تتصرف صح، مع ان كليتها عمليه الا انها  
مغيرتش فيها حاجة وفضلت هي زي ماهي، فكرت بقا انها لو  
نزلت تشتغل هاتتجراً أكثر.

زين : كويس جدا انك عملت كدا، دا انسب حل على فكرة، ولما  
تقعد فترة كبيرة في المستشفى هاتكتسب خبرة في مجال  
حياتها وفي شغلها كمان.

شاهين : بس خايف عليها بيجيلي ميه سيناريو في دماغي لما  
بتبقا لوحدها .

زين : متخافش عز ابني معاها، وحاول تجمد قلبك، انا كمان  
ليان بنتي نزلتها الشغل بس ملحقتش واتجوزت.

شاهين : امم بعرف اخباركوا من الميديا، عليشان كدا لما  
لاقيت ان المستشفى عامله اعلان مكذبتش خبر وقولت لها  
تروح لوحدها تقدم.

مراد : هي خطوة كويسه بس برضوا متسببهاش مرة واحدة،  
خدها خطوة خطوة، وخليك في ضررها، البنت لما بتحس ان  
ليها ضرر وسند بتتظمن اكر.

شاهين : كارما دي حياتي وانا معاها في اي خطوة، وفي  
ضررها.

زين : ربنا يخلها لك تعالي معانا بقا نشرب حازه سوا ونتكلم .  
شاهين : يالا بينا.

\*\*\*\*\*

كارما خلصت شغلها في اخر اليوم، وحست بفرحه جواها انه  
بدات تتاقلم لو بسيط على بعض الدكاترة في القسم، وبدات  
تشتغل، مشيت في الطرقة وهي بتحاول تتصل على اخوها  
والتليفون على ودانها والبيبيسي في ايديها وخبطت في نانا  
غصب عنها والبيبيسي وقع بسيط على هدومها، كارما  
اتخرجت بصت حوالها لقت مجموعه من الدكاترة واقفين  
ومعاهم عز الجارحي متابعين الموقف...

كارما : اسفه والله يا دكتورة مقص...

نانا بغضب وصوت عالي : انتي مجنونه ولا ايه مش مفتحه،  
ماشيه تخبطي في خلق الله، بوظتي هدومي وانا عندي اجتماع  
تاني مهم.

كارما باحراج : مقصدتشن صدقيني، اكيد مشن عاوزة اعمل كدا  
فيكي، انا اسفه جدًا

نانا بسخريه : وانا هاصرف اسفك دا من انهي محل لبس  
دلوقتي يا هانم.

كارما : حضرتك ممكن تيجي معايا دلوقتي وانا هانقيلك لبس  
جديد وعلى حسابي.

نانا بضيق : لا بشكرا، مشن هاخليكي انتي تدفعيلي حق هدومي.  
عز قرب منهم وقبل ما كارما ترد هو رد : روجي انتي يا دكتورة  
كارما، وانتي يا نانا عاوزك لو سمحتي .

عز اتحرك ودخل اوضه ونانا وراه، وكارما اضايقت منه حتى انه  
مدافعش عنها وهي مشن غلطانه فعلاً بصت لمجموعه  
الدكاترة اللي كانوا واقفين لقتهم ببصولها بسخريه، لفت  
وبشها بسبرعه ونزلت السبلا لم وهي بتعيط من الموقف اللي  
التعرضلته...

نانا : خيرا دكتور.

عز : مكنش له لزوم اللي عملتية مع كارما دي دكتورة جديدة  
ولسه متخرجه ولسه دا اول يوم ليها.

نانا : ماليش فيه يا دكتور، ليا انها بوظتلي هدومي وانا ورايا  
ميتينج تاني، احنا هنا مشن في ملهى احنا في مستشفى بيبسي  
ايه اللي مايشيه تشربوا دا.

عزاضايق من اسلوبها العدائي: اهدي بشويه يا نانا، بلاش  
اسلوبك الاستفزازي دا.

نانا بضيق: انت مالكيش دعوة اصلاً، الموضوع بيني وبينها.

عز اتعصب وخبط على المكتب بايدة: فوقي لنفسك واعرفي  
انتي بتتكلمي مع مين، انا عز الجارحي والمستثني اللي انتي  
بتثتغلي فيها دي ملكي، مهما كانت درجه كفائتك والله ما  
تلزميني وتروحي ويجي مكانك عشرة واحسن منك، اذا كنت  
بعديك الاول على كلامك المستفز واللي زي الدبش فا دلوقتي  
لا مش هاعديلك، انا كنت الاول بعاملك كاخت، حطي دا في  
دماغك كويس، انا مش هاستحملك كثير، ومتتكلميش مع  
حد بالاسلوب دا، اتفضلي علشان تلحقي الميتينج بتاعك.

\*\*\*\*\*

كارما اخوها تليفونه مقفول وباباها مبيردش، اتعصبت  
وعيطت... فضلت تمشي وهي بتعيط: انا غلطانه معرفتش  
ارد عليها واهزقها واشتتها كمان، انا غلطانه انا استاهل  
كدا، هزقتني قدامهم، لأ والتاني ما صدق يثمت فيا، انا ازاي  
معرفتش ارد عليها....

حسبت بعربيه ماشيه جنبها وقفت ودقتت فيها لقت عز  
بيشاورلها تركب، اتجاهلته ومشييت... ركن العربيه ونزل  
وراها...

عز: انتي يا ماما، اقفي كدا كلميني.

كارما اتجاهلته وكملت مشيها، عز بضيق: انتي ياماما انتي يا  
حجه اقفي كدا.

لفت مرة واحدة ورفعت السبابة في وشه واتكلمت بكل  
النرفزة اللي جواها : بص حضرتك انا مش مامت حضرتك، ولا  
حجه، انا دكتورة كارما، ليا اسمي، احترميني بقا، ولا كمان  
طفله ماشي ولا لأ.

عز غمز لها وكأنه مش الدكتور عز الجد اللي كان في  
المستشفى من شويه : يا وحش انت، خفت والله، براحه عليا  
قلبي رهيف.

كارما : بطل تريقه بقا، هو انتي شاييني هايغه اوي كدا.  
عز حط ايدة في جيبه وسالها بجد : انتي ازاي مش هزقتيها  
وازاي تستكي كدا، ايه يابنتي الادب اللي انتي فيه دا.

كارما في اللحظة دي انفجرت وعيطت : علشان متخلفه  
مبعرفش ارد، انا بأنب نفسي ازاي اسكتلها ازاي.

عز بخفوت : انا شوفت الشخصيه دي فين قبل كدا، فين..

كارما : انت بتكلم مين بصوت واطي.

عز : مبكلمش حد تعالي اروحك يالا.

كارما : لا شكراً، انا هاروح لوحدي.

عز : يابنتي الدنيا ليل، تعالي اروحك انتي زي اختي.

كارما : لا متشكرة على فاكرة انا شاطرة جدًا وبعرف اروح  
عادي، انا مش طفله.

عز بضحك : هو انتي عندك عقدة من كلمه طفله .

كارما ركزت فيه شويه، ابتسامته حلوة وملامحه... نهرت  
نفسها بسرعه ولفت ومشيت ولا كانها كانت واقفه معاه.

عز : انتي يا ما...، قصدي يا كارما رايحه فين...  
وقفت فاجأه... وابتسمت وبتاورت لحد : اببييييييه، انا هنا.  
قربت عربيه عبد الرحمن ونزل منها متعصب : انتي ازاي تمشي  
يا كارما من المستشفى لوحدا.  
كارما : ماهو يا ابيه تليفونك مقفول والله.  
عبد الرحمن بص لعز وسكت وعز عرف نفسه : انا دكتور عز  
الجارحي مدير دكتورة كارما.  
عبد الرحمن سلم على عز وشكره انه عرض على كارما يوصلها  
وقدر خوفه عليها كاخته ومشيووا.....

\*\*\*\*\*

في منزل مراد الالفي...

سارة عطت ليحيى الدوا وباسسته ونيمته ودخلت لكاميليا  
اوضتها...  
سارة : مقعدتيش ليه يا كاميليا مع بابكي لغايه ما اجاي.  
كاميليا بحزن خفي : عادي يا ماما، كنت بنيم الولاد، انا مس  
عارفه اصريتي ابات معاكوا ليه انهاردا.  
سارة : يابنتي ما دا بيتك وجوزك في الشغل يبقا تباتي معايا  
هنا.  
كاميليا : علشان بس مش ازعج بابا بعيالي وكدا.  
سارة بعصبيه : ايه الكلام الاهبل دا يا كاميليا من امتي ابوكي  
كدا اصلا.



كاميليا عيظت : بابا مشن مهتم بيا ولا حتى باولادي ولما باجي  
هنا كاني مجتئش واهتمامه كله ليحيى وبس وكانه ابنه هو  
ببس وانا مش بنته مثلا، ماما انا لو قعدت باليومين محدش  
هايفتكري غيرك انتي وبس... انا ميتة بالنسبة لابويا ومهما  
اعمل عمري ما ارجع بنته كاميليا المدلله مثلا.

سارة بضيق : كاميليا انتي مأفوره على فكرة، ابوكي بيتعامل  
معاكي جدا، بس مش هايدلعك زي يحيى لانه صغير ومحتاج  
رعايه.

كاميليا بعصبيه : وانتي هاتحسي ازاي وانتي السبب، انتي اللي  
خلتيه يبعد عني اكر من ٢٠ سنه واتحرمت من حضنه وحنيته  
ودلعه انا بالنسباليه ابعء من ولاد اونكل زين ياماما هما اقرب  
له مني انا، جايه تخيرني لما كبرت اكمل معاكي ولا اروحلوا اكيد  
هختارك هو انا اعرف حد غيرك، غلطتي وخلتيني اغلط زيك،  
ودلوقتي انتي بتعيشي حياتك معاه وبتحبيه وهو بيحبك وانا  
فين بعمل ايه نفسي في حضنكوا انتو الاتنين ماهي اتجوزت  
خلاص، وفكرتي في نفسك وجبتي يحيى علشان تعيشوا اللي  
ضاع من عمركوا، طب وانا ،،، حسوا بيا بشويه .

سارة وقفت وبدموع وصوت مهزوز : بس انا بسالتك الاول  
قبل ما اجيب يحيى يا كاميليا ووافقتي انتي اول واحدة اخيرك  
حتى قبل ابوكي.

كاميليا : اعملك ايه وانا حاسه في صوتك الامل انك تعيشوا  
الي فات من جديد ارفض واكسبر قلبك قبل قلبه وابقا انانيه  
تاني يا ماما.

سارة : معلش يا بنتي جيت عليكوا كلكوا، وغلطت و...

كاميليا قاطعتها : خلاص يا ماما دا كان مجرد شعور جوايا  
وظلعته ليكي بس، روجي يالا لبابا وانا هنام.

بسارة خرجت ملقتيش مراد في الصاله ولا في البيت لفته بسايب  
ورقه على التلاجه انه نازل يشتري طلبات من السوبر ماركت،  
لقت نفسها بتلبس وبتنزل ومش عارفه هي راичه فين بس  
كلام كاميليا المها جدا ووجع قلبها..

\*\*\*\*\*

في منزل زين الجارحي...

ليليان دخلت على عز لفته قاعد بيستعد لنوم : صاحي يا عز.

عز : تعالي يا حبيبي، انا صاحي.

ليليان : انت عامل ايه؟! .

عز باستغراب : زي الفل يا قلبي، في ايه؟! .

ليليان : مش عارفه قلبي واجعني قولت اطمئن عليك.

عز : ايه دا وانا قلبك.

ليليان مسكت خدودة : طبعا انت قلبي يا عز.

عز : يا ماما لو حد شافني كدا قيمتي هاتقل والله.

ليليان : هاتفضل دلوعتي يا عز مهما تكبر وتشيب ويبقا عندك  
عيال.

عز : تعالي قوليلي بقا هاتقضي فين القلانتيين انتي وبابا.

ليليان بارتباك : مين انا قلانتيين ايه يا عز احنا ملناش في الكلام  
دا.

عز : يا ماما عليا، دا بابا كل مرة في عيد الحب بياخدك  
وتسافروا وقال ايه بتعملوا فحص طبي في المانيا وامريكا  
وفرنسا ولبنان...

ليليان ضحكت : يا بني احنا كبرنا والله احنا بنعمل فعلا انت  
عارف بابا بيحب يهتم بصحته.

عز : قوليلي بس هاترحوا فين .

ليليان ضحكت برقه وعيونها لمعت بسعادة : مش عارفه  
الصراحه بابا عاملي المرادي مفاجاه.

عز : اشطيا يا ماما،، انا مش بنق على فكرة بس انتي مقضيها.

ليليان : زين ربنا يخلهولي يا عز، كله والله من الراجل او  
الواحدة لو حبوا بعض كل ميثاكل الدنيا بتوهن، ربنا يرزقك  
بالحب الحلال.

عز باس ايديها : يارب يا امي.

ليليان قامت وسابته وهو جه ينام افكر الشوكلاته اللي  
ادتهاله كارما، قام وجابها واكلها وهو بياكلها كان بيتسبم  
تلقائي، وافكرها من اول لحظه بثافها لغايه اخر مرة بسابها  
فيها ابتسبم اكثر، ظهرت صورته المنعكسه في المرايه قدامه  
: ايه الهبل دا انا بضحك عليه ايه؟! ...

\*\*\*\*\*

في جناح زين ...

ليليان : زين.

زين بيقراً في كتاب كعاداته : اممم.

ليليان بحماس طفله صغيرة : هانقضي الثلانتين فين بقا.

زين بصلها بسرعه : فلانتين!!.

ليليان بكسوف : زي ما شباب اليومين دول بيقولوا يا عني.

زين قفل الكتاب وقرب منها : لا يا لي لي انا بحتفل معاكي بيه  
لان اليوم دا انا بشوفتك فيه، فدا عيد حبي انا.

ليليان اتكسفت : طب بردوا هانحتفل فين؟!.

زين غمز لها : ودي تيجي لازم تبقا مفاجاه.

ليليان سقفت : ايوا بقا يا زيني احب المفاجات دي.

زين شدها عليه : ما تيجي كدا اشوفك كبرتي ولا لأ.

ليليان لسبه هاترد التليفون رن...

زين : دي الحراسه اللي تحت خير... الو؟!.

\_ : باشا سارة هانم طالعه دلوقتي ليكوا..

زين : سارة؟!..، طيب اقفل انت.

ليليان بقلق : مالها سارة يا زين?!.

زين : مئش عارف الحراسه بتقول طالعه دلوقتي لينا.

ليليان انتفضت وجريت على الباب : يا حبيبتي يا سارة اكيد فيها  
حاجه انا قلبي كان واجعني.

زين بخفوت وبضيق : قلبك دا بيسيع من الحبايب الف وبيحب  
كل الناس وبيقلق على كل الناس وبيتوجع على كل الناس.

\*\*\*\*\*

في بيت مراد الالفي.

مراد دخل ودور على سيارة في البيت كله مش لاقاها واكتشف  
انها غيرت هدومها ومشييت وفونها مش موجود ولا حتى  
متعلقاتها الشخصيه بسرعه راح لكاميليا وفتح الباب لقاها  
قاعدة بتعيط في صمت ...

مراد : كاميليا مامتك فين؟! .!

كاميليا مسحت دموعها بسرعه : تلاقىها في اوضتها يابابا.

مراد : لا هي نزلت، مش قالتك راحت فين؟! .!

كاميليا وقفت بخضه : مشيت!!، يبقا زعلت مني انا زعلتها انا  
لازم البس وانزل اثنوها فين.

مراد ثناورها : لا خليك انتي وانا هانزل.

كاميليا بلهفه وقلق : لا حضرتك انا زعلتها ولازم اصالحها  
واعذرلها...

مراد بعصبيه : بقولك افضلي هنا، اسمعي الكلام.

مراد سابها وهي اتخضت لما مراد زعلها واتكلم بعصبيه،  
قعدت مكانها وللحظه حسيت باليتم، مسكت تليفونها  
واتصلت على ادهم : الو..

ادهم بقلق : في ايه يا كاميليا؟! .!

كاميليا بعياط : محتاجك اوي يا ادهم اوي.

\*\*\*\*\*

في منزل زين...

ليليان : يا حبيبي اهدي طيب..

زين : اهدي يا سارة خرينا نعرف في ايه؟! .

سارة : مفيش بس ماليش غيركوا اجاي .

زين : دا بيتك وتيجي في اي وقت..

\*\*\*\*\*

في اوضه مراد وميرا...

ميرا : مراد اصحى .

مراد بنوم : اممم .

ميرا : طنط سارة برا ومن شويه سمعت صوت اونكل مراد  
جه، وبابن عليه متعصب .

مراد : بجد!!! واحنا مالنا بقا .

ميرا بضيق : ايه بالبرود دا يا مراد قوم تعال نشوف في ايه يمكن  
اتخانقوا تعال نهدي الموضوع .

مراد : معاهم بابا ودا بسيد العاقلين، نامي يا قلبي .

ميرا : مئش جايلي نوم .

مراد قام وقعد جنبها وغمز لها: لا ميرا هانم مئش عارفه تنام  
نقوم ونصحى ونقعد معاها ونسبليها كمان .

ميرا بفرحه : بجد يا مراد .

مراد : هو انا مقصر اوي كدا!!! .

ميرا : لا بس اهتمامك لعيالك كله وتيجي بليل تنام على طول .

مراد باس ايديها بأسف : مقصدش كدا والله، بس من يوم  
مشكله ادم وانا بقيت احس بالذنب من ناحيته وبحاول العب  
معاهم كلهم وبوزع اهتمامي عليهم علشان ميحسوش  
بتفرقه.

ميرا بعتاب : بس اهملتي يا مراد.

مراد : انا اسف يا قلب مراد.

\*\*\*\*\*

في سيارة مراد...

ساره مبطلتش عياط وهو ملتزم الصمت وسايق العربيه  
بهدوء ...

ساره : مراد انا...

مراد قاطعها بحده : اسكتي دلوقتي يا ساره ولينا بيت نتكلم  
فيه.

ساره سكتت وعرفت ان الليله دي مش هاتعدي على خير...

\*\*\*\*\*

في منزل زين وخصوصا اوضه عز...

عز كان نايم تليفونه رن وقام من نومه رد : الو..

: احنا اسفين يا دكتور، بس محتاجين نوصل بسرعه لدكتوراه  
كارما.

عز : في ايه؟!.

:\_ في اهل طفل كانت كدثفت عليه الصبح وعاوزينها هي  
بالاسم ورافضين اي دكتور تاني يكثف عليه.

عز: طب عندك رقم تليفونها في السبي في اتصل عليها.

:\_ اتصلنا كثير مبردش.

عز: طب اقفل انت وانا هاتصرف...

عز قفل وكان مضايق : ياترى هببتي ايه ياكارما...

الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة

انتهي البارت الثاني

بقلم / زيزي محمد

قراءه ممتع

ياجماعه شاهين ومريم دا كله شخصيات جديدا

دي مش روايه، دي نوفيلا عدد حلقاتها بسيط وهي تكميليه  
لعشيق الزين

نوفيلا عندما يقع العزفي الغرام

الحلقة الثالثة

في بيت زين الجارحي. عز قام وغير هدمه، اتفاجئ بزین  
وليليان قاعدين..



عز: ايه دا ايه اللي مصحيكو متأخر كدا؟!.

زين: مفيش طنط بسارة ومراد كانوا هنا.

عز: في حاجة ولا ايه؟!.

زين: منعرفش جم ومشييو، المهم انت رايح فين؟!..

عز: رايح المستشفى.

ليليان: في الوقت دا يا عز.

عز: انا دكتوريا ماما وعادي ارواح في اي وقت.

زين: روح وخذ الحراسة معاك يا عز.

عز: حاضر..

عز جه يمشي وقف مرة واحدة: بابا انت كنت قولتلي ان ابو كارما انت عارفه.

زين: اه في حاجة؟!.

عز: عاوزينها في المستشفى ضروري وميش عارفين يوصلوا ليها، انا اخدت عنوانها من السبي في بس محرج ارواح على بيتهم واصحيهم في الوقت دا.

زين طلع تليفونه واتصل على شاهين ومع مرور ثواني جاله رد شاهين....

شاهين: الو

زين: اعذرني اني اتصلت عليك في وقت زي دا.

شاهين: لا طبعا اتصل في اي وقت.

زين : متشكر، بس عز ابني دلوقتي بلغني انهم في المستشفى  
محتاجين كارما ضروري واتصلوا كتير ومردتش عليهم.

شاهين : ايوا تلاقي تليفونها صامت هي فيها العيب دا  
تليفونها طول اليوم صامت، هاصحيا واجيبها واجاي.

زين بمكر : لا خليك انت عز هاي عدي عليك وياخدها دلوقتي.

شاهين : شكرا لذوقك يا زين باشا، انا هاخدها وارجعها تاني.

عز : قوله انا هاخدها لان احتمال تبات في المستشفى مش  
عارفين حالة المريض ايه، علشان ميحيش على الفاضي..

زين : خلاص يا شاهين عز هايجي ياخدها هو كمان رايح  
المستشفى وبعدين متخفش دا ابني وتربيتي.

شاهين بتنهيده : اوك هاخليها تجهز.

زين قفل معاه وبلغ عز انه يروح ياخدها، بعد ما مشي ليليان  
قربت منه وسالته بخفوت : هي مين كارما دي يا زين.

زين : دكتورة في المستشفى.

ليليان : حلوة؟!.

زين : اخاف اقولك قمر انتي تتقمصي.

ليليان اتجاهلت مشاكسته علشان توصل لمردها: طب  
مؤدبة كدا.

زين : بنت شاهين وهو راجل محترم، والبنت محجة وثبته  
ليان في توترها كدا مبتعرفش تتصرف، بتعيط على طول.

ليليان : طب وعز بيعاملها ازاي.

زين بمكر : مش عارف بيعاملها عادي دكتور ودكتورة.

ليليان بضيق : هو انت الواحد ميعرفيش ياخذ منك كلمتين.  
زين : احنا مالنا بالناس، خرينا بقى فى حالنا هانقضى عيد حينا  
فين؟!.

ليليان : اخاف اقولك نأجله بشوية علشان نطمئن على مراد  
وسارة تزعل منى، اصل يا زين جت ومثيت من غير ما اعرف  
مالها.

زين باصلها بضيق واتكلم بسخرية : لا وقولى اللي جواكى كمان  
تتطمنى على عزابنك مع الدكتور كارما.

ليليان : ايه دا ايه اللي عرفك.

زين نفخ بقلة صبر : من كتر حبى فىكى خلاص عرفت بتفكرى  
فى ايه واذاى، ليليان اوعى تفتحي موضوع كارما دا مع عزاوكم، انا  
نبهت عليكى اهو.

ليليان : انا!!، هو انا عيلة يا زين اخص عليك، انا مخى كبير.

\*\*\*\*\*

فى بيت مراد الالفى...

مراد وسارة دخلوا الشقة ولقوا كاميليا فى انتظارهم، كاميليا  
شافت الدموع اللي مغرقة وبش امها حسبت بالذنب...

كاميليا قربت منها : ماما انا اسفة والله ما اقصد خالص، انا  
بس... ان..

مراد قاطعها بحدة : ادخلي على اوضتك مشن عاوز كلام كثير،  
ابقي فكري في الكلام الاول قبل ما تقوليه، انا مشن عارف  
قولتليها ايه؟!، بس واضح تأثير كلامك عليها وعلى ردة  
فعلها.

مراد بشد سارة وراه وكاميليا وطت وشها في الارض وسارة  
لاحظتها حزنها ونظرة الحزن اللي في عنيتها غمضت عينها  
بألم هي فعلا السبب في علاقة كاميليا بابوها وبدل ما  
تعوضها، جابت اخ ليها ياخذ الحب والاهتمام هو....

كاميليا لأول مرات حس بقسوة مراد مشن بسبب كلامه ولكن  
بسبب نبرة صوته، حسبت بكرهه ليها، حسبت انه كان يتمنى  
ظهور سارة بس لكن هي لو كانت ماتت فعادي...دخلت  
اوضتها واتصلت على ادهم...

ادهم بقلق : ها يا حبييتي عملتي ايه؟!.

كاميليا بعياط وصوت متقطع : كلمني بقسوة وهي مردتش  
عليا، انا حاسة اني عالة عليهم، عبا، بيكرهني يا ادهم بس  
بيعاملني معاملة كويسة بشفقة، انا حاسة اني يتيمة الاب  
ودلوقتي بقت يتيمة الاب والام، قلبي واجعني اوي اوي.

ادهم بهجوم وعصبية : انتي مشن يتيمة انا موجود اهو، انا كل  
حياتك بلاها ابوكي وامك كمان، انا قولتلك متعبريش حد  
مشن مهتم بيكي، مين يستاهل وجع قلبك والا كسرتة، والي  
مشن عاوزك في سستين داهية، كاميليا انا بقولك اهو بكرة  
الصبح من النجمة تصحي الولاد وهابعتلك السواق وتروحي  
البيت واي حد يسألك قولي ادهم اللي قالي كدا، بيتك وولادك  
وانا اول بيكي، متعيطيش خالص فاهمة ولا لأ.

## كاميليا بحزن : فاهمة .

\*\*\*\*\*

عز وصل تحت بيت كارما، لقاها نازلة مع شاهين، نزل من  
العربية.

شاهين : انت عز ابن زين باشا؟! .

عز : اه.

شاهين : ازيك يا ابني اهلا وسهلا، والله لولا استعجالك كنت  
قولتك اطلع تشرب حاجة معانا.

عز : تتعوض باذن الله، بس حالة المريض مستعجلة وعاوزين  
دكتورة كارما ضروري.

شاهين : طيب اتفضلوا روحوا توصلوا بالسلامة.

كارما ركبت العربية وسباكتة مبيتكلميش، التوتر زايد عندها  
ياترى ليه عاوزينها ومين دا اللي كيشفت عليه الصبح واهله  
طالبيها بالاسم..

كارما : دكتور عز هو مين دا اللي عاوزني.

عز وقف العربية ومرة واحدة اتكلم بهجوم : معرفش بس  
والله يا كارما لو شخصتي غلط والولد طلع تعبان زيادة لارفدك  
مع توصية كدا متشتغلينش في اي مستشفى تاني.

كارما بهدوء وبصوت مخنوق ومكتوم : اوك حضرتك، لو طلع  
تشخيصي غلط اعمل كدا، لو طلع صح اوعدك ان عمري ما  
اشتغل في المستشفى بتاعتك تاني .

بعدت وشها عنه وسكتت، وعز للحظات اضايق من نفسه  
لهجومه عليها..

\*\*\*\*\*

## في بيت مراد الالفى...

مراد جه ينام ويتجاهل سارة بسبب ضيقه منها، قربت هي  
واتكلمت بحزن : مراد.

مراد : في ايه؟!..

سارة : متزعليش مني بس انت مش عارف انا سمعت ايه من  
كام..

مراد قام من مكانه وقعد واتكلم بعصبية : ايا كان اللي سمعته  
منها متكرريش نفس غلطتك تاني يا سارة وتمشي وتسيبي  
البيت، انت متخيلة اني في اللحظة اللي زين كلمني وقال انك  
عنده انا قبل ما يكلمني باللحظة دي بالذات انا اتخيلت كام  
تخيل...، اللي حصل من سنين اتجسد قدامي من تاني، تسيبي  
البيت ليه!، وعلشان ايه؟!، علشان بنتك قالت كام كلمة  
زعلوكي اسنتي واجاي انا اهزقها علشان زعلتك واخليها  
تراضيكى كمان، انتي المفروض تيجي في حضني انا وتعيطي  
وتشكي، مش تروحي للليان، بقى اقرب حد ليكي ليليان؟،  
اقربك مني؟!..

سارة : لا انت اقربلي، بس اقولك ايه وانا الوجع اللي جوايا  
بسببك، انا لو كنت اتكلمت معاك كنت لومتني زيها مكنتش  
هاستحمل، انتوا ليه مش قادرين تنسوا الماضي، انا خلاص  
بكرة ولا بعده هاموت سيبوني اعيش اليومين اللي فاضلينلي  
في حضنكوا، اشبع منكوا، بقى ايه في العمر علشان تلوموني،  
كنتوا عيشوا حياتكوا بعيد عني، كنتوا سيبوني لوحدي، على  
الاقل عذاب ضميري اهون من كلامكوا ليا.

سارة سكتت وعيقت كثير، وهو اخدها في حضنه وطبع بوسه  
على جبينها واتكلم بهدوء : اولا بعد البشر عليكي، ثانيا تعيشي  
لوحديك ايه، انتي هاتفضلي معايا وجوا قلبي، ثالثا هي كاميليا  
قالتك ايه بالظبط ؟!

سارة : مجروحة منك يا مراد انت اهملتها وبتعاملها اقل من  
اي حد، البنت مش حاسة بحبك ولا بحنانك ولا حاسة بيك  
كأب، تصور كاميليا بتغير من يحيى ومن معاملتك له، كنت  
بشوف دا في عنيتها، بس كنت بكذب نفسي لما الاقيها بتلعب  
معاها وبتجبله هدايا وبتحبه، اهتمتني اني السبب في بعدها  
عنك، وان بدل ما اعوضها، لا اجيب يحيى يشاركها فيك.

مراد : طب وهي تقولك الكلام دا ما تيجي وتواجهني وتقولي.

سارة : مراد اسمعني ابوس ايدك اهتم بيها خدها في حضنك  
حسبها بحنانك عليها، هي كدا كاميليا لما بتزعل بتهرب  
من المواجهة بتخاف تنجرح اكثر، علشان خاطر البنت  
تعبانة اوي و حزينة، كلامها تعبني ووجعني وجع قلبي عليها.

مراد : طيب حاضر بكرة هاكلمها في الموضوع دا، بس ياريت  
ردة فعلك متكرررش تاني .

سارة : حاضر.

\*\*\*\*\*

في مستشفى الجارحي.

كارما انتهت من شغلها.... عز استناها اول ما تخلص وان دفع  
في الكلام لاهل الطفل.

عز بصرامة وحدة : اظن انا استنيت لما الدكتور تخلص  
علشان اتكلم مينفعش ابدأ يا مدام تبقى الدكتور مفهماكي  
تعليمات كويس والسخونية لو اتكررت عملي ايه، وتيجي  
حضرتك انتي علشان السخونية جت ثاني بعد ٦ ساعات  
تنزلينا من بيتنا مستعجلين وترفضي اي حد من الاستقبال انه  
يكشف على ابنك وتصري على الدكتور كارما.

والد الطفل : اصل بودي كان رافض ياخذ الحقنة الا من ايد  
الدكتور كارما، ايديها خفيفة جداً ما شاء الله.

عز بغضب : يا شيخ قول كلام غير دا، انت بتهزريا جدع انت  
تنزلنا من بيوتنا علشان بودي رافض ياخذ الحقنة.

كارما بهدوء : خلاص يا دكتور حصل خير.

عز : لا مش حصل خير طبعا، انت مقدر شغل الدكاترة  
علشان استهتار حضرتك يافندم، هو احنا بنشتغل تحت  
ايدك ولا ايه.

والد الطفل بسماجة : الله مش مستشفي خاص ودافع فيها  
من حقي اطلب الدكتور اللي هايريح ابني.

عز الغضب اتملك منه وفي لحظة هجم على والد الطفل، كارما  
حاولت تشده بعيد عنه، جت تشده اندفعت لورا وقعت،  
راسها اتفتحت ...

كارما بالم : اه، راسي .

عز سباب الراجل وراح ناحيتها يطمئن عليها، اما والد الطفل  
اخذ ابنه ومراته وطلع جري من المستشفى كلها...

كارما : اه.



عز : حاسبي بس، خليني اشوف جرح سطحي ولا محتاح  
خياطة، الزفت هرب مني.

كارما بضيق : انت الي همك الي هرب منك.

عز : قومي معايا خليني نروح اوضتي.. خليني اطهرلك الجرح دا.

كارما بحرج : شكراً انا هابعت لاي ممرضة تطهروا ليا، انا  
محجبة.

عز : براحتك.

سبابها ومشي وهي اضايقت من اسلوبه طلبت ممرضة  
تتطهر ليها الجرح وكان سطحي، بعدها اخدت قرار وكتبت  
استقالتها وطلعت توصلها لعز...

خبطت ودخلت...

كارما دخلت وحطت الورقة على المكتب ومتكلمتش وحت  
تمشي النور فاجأة قطع..

كارما بخوف : عز...دكتور عز.

عز بملل : انا هنا.

كارما : النور قطع حضرتك.

عز : تلاقي في عطل ما هو يوم اسود.

كارما : طب اتصل عليهم يالا، انا هافضل واقفه كثير في  
الضلمة.

عز فتح النور بتاع تليفونه واتحرك ناحية الباب : استني ما  
اشوف العطل في انهي دور بالظبط علشان ابغ مشيت وراه  
وعز لسه بيفتح الباب بسمع صوت برا الباب بيتكلم...

\_ دي اوضته ومفيش في الدور دا كله الا مكتبه ومكتب زين الجارحي وبدام ملقتش الورق في مكتب زين يبقى في مكتبه هو، انا شوفت الموظف جاي من الشركة من يومين وطلع على مكتب دكتور عز.

المجهول : طيب اوعى.

\_ استن هو لامؤاخذه الورق دا ضروري اصل الدكاترة ملهمش سيرة الا الارض دي.

المجهول : يخربيت رغيك يا شيخة، اه يا فضولية الارض دي داخلين بيها في مناقصة كبيرة والباشا هايموت عليها، وعاوز يعرف زين الجارحي مقدم عرض ايه للوزراة، فهمتي ولا لا.

\_ طب اللي هاموت واعرفه... ليه الورق جه هنا وايه عرفكوا؟!.

المجهول :\_ جه هنا عليشان اللي مقدم المشروع هو عز الجارحي، والورق جه هنا عليشان يمضيه سيبني بقى ادخل اشوف ورايا ايه؟!..

عز كان طول الوقت بيسجل بتليفونه طفى النور بسرعة وخذ كارما ووقف ورا دولاب في اوضته له زاوية دخل كارما بسهولة ودخل هو جنبها..

كارما : يالهوي مين دا حرامي.

عز : شيشيشش، متتكلميش.

الباب اتفتح والشخص دا دخل ومعاه نور كان لابس ماسك عز معرفش يتحقق منه... كارما خبت وشها في دراع عز من الخوف وارتعشت.

الشخص دا دور في كل مكان وملقائش في حاحه، مشي ناحية  
الدولاب بخطوات بطيئة... وكارما ضربات قلبها بتزيد وتقريباً  
عز كان سامعها، ولسه بيفتح الدولاب...تليفونه رن.

المجهول : الو في ايه؟! .!

:\_ انزل بسرعة عز الجارحي هنا.

المجهول : ايه هنا فين؟! .!

:\_ مش عارفة بس هو في قسم الاطفال بسرعة انزل.

المجهول : يادي النحاس دا الباشا كان عاوز الورق بتاع الارض  
ضروري، دا الباشا هاينفخني، انا نازل اميني.

المجهول خرج برا الاوضة وعز استني خروجه ومفيش ثواني  
النور جه، بص يمينه لقاها دفني وشها في دراعه بخوف.

عز : كارما.

رفعت وشها براحة وهي مغمضة عين ومفتحة عين : مشي.

عز : اه يا خوافة.

كارما اتنهدت : يالهوي الحمد لله، كنت هاموت والله.

عز بضحك : ايه يابنتي جو الاكشن دا، دا واحد جاي ياخذ ورق  
امال لو جاي يقتل كنتي عملتي ايه.

كارما : كنت موت قبل ما يقتلني اصلاً.

عز بضحك : والله ضحكيني وانا ماليش نفس اضحك.

كارما : انت مبلغتيش ليه يمسكوه؟! .!

عز: عاوز اعرف مين بييساعده هنا في المستشفى غير البت  
دي.

كارما هزت رأسها: اه طب ربنا يعنك بقى يا دكتور انا ماشية.  
عز: رايحة فين في الوقت دا اقعدى قضي اليوم دا وبكرة روجي.  
وكمل كلامه وهو قاصد يخوفها، مكنش عارف ليه عاوزاها  
تقعد معاه، وجودها بيرريحه، وشها بيديله شعور مختلف،  
وصوتها له بحة غريبة ومميزة، دايمًا بترن في ودانه كأنها  
نعمة حلوة....

عز بمكر: وبعدين ممكن الواد يكون متربص لينا ولا حاجة.  
كارما بخوف: لينا؟!، لا انا معرفكش.

عز بضحك: بعيني مع اول قلم، اقعدى وانا هاجبك بشكولاته  
وببيسي.

كارما قعدت ونسيت في لحظة اسلوبه معاها في العربية: انت  
ايه عرفك اني بحبهم.

عز راح قعد قصادها: واضح اوي يا كارما المستشفى كلها  
عرفت ياماما.

كارما ببراءة: بس انا ملحققتش اجيب وانا نازلة بابا كان  
بيستعجلني.

عز: هاجبك يا ستي، وبالمره اعتبريه اعتذار عن اللي قولته  
ليكي في العربية اصل انا بعيد عنك ببقى قفل وانا صاحي من  
النوم.

كارما : انا زعلت من حضرتك جداً، اوع تكون فاكراني معرفتش  
ارد على حضرتك بس انا سببت شغلي يرد عليك.

عز طلع تليفونه : اه منا واخذ بالي..

قال جملته وضحك.. وبعث رسالة كاملة لمراد مفصلة عن  
اللي حصل.. ومراد رد عليه في ثواني... انه هايجليه بكرة  
المستشفى وهايشفوف الموضوع بنفسه وانه اتصرف  
كويس، عز نسي انه كارما قاعدة معاه وفضل يتكلم مع مراد  
رسايل...

عز: امال ايه مصحيك ياشقي.

مراد : بس يا سافل يا حقير انا اخوك الكبير اتم.

عز شاف رسالة مراد ضحك بصوته كله وفي الاخر لاحظ كارما  
اللي قاعدة بتبصله وابتسامه هبلة على وشها.. حب يناغشها  
قام من مكانه... وقعد على الترابيزة قريب منها...

عز : امال بتضحكي زي الهبلة كدا ليه يا كارما.

كارما بخجل وتوتر : ها؟!،،، انا... اصل يعني.

عز : خلاص يا كوكو متتوتريش كدا.

كارما بتعجب : كوكو!!!.

عز : اه انا عز وانتي كوكو، اسبتي بقى اطلب بشوكلاته وبيبيسي  
واقولك الراجل دا جاي عاوز ايه؟!، الفضول هاينط من  
عينك....

الشوكلاته والبيبيسي وصلوا وعز لهاها ومتكلمتش في موضوع  
الحرامي واتكلم معاه في حياتها وهي كانت مطيعة وبتجاوب

ببساطة وتلقائية، محببش بوقته معاها ولا هي حسبت،  
اتكلم وضحك وهزر كثير معاها ولا حسوا ان الصبح هل  
عليهم ولاهما فصلوا كلام وضحك.

\*\*\*\*\*

في بيت مراد الالفى...

سارة بان دفاع : مراد اصحى كاميليا مشيت من البيت.

مراد قام انتفض : مشيت فين؟!.

سارة بدموع : اتصلت بيها ردت بعد اتصالات كثير وقالت انها  
روحت الصبح وبتقولي محدثش عاوزني وانا ثقيلة على قلبكوا  
بيتي اولى بيا، ولما شديت معاها في الكلام فهمت ان ادهم اللي  
قالها كدا.

مراد بعدم فهم : قالها ايه؟!..

سارة : انها تسيبنا وتروح بيتها وهو اولى بيها مننا.

مراد بغيط : ماشي يابن زين، ماشي، أوعي كدا علشان  
الموضوع دا اخذ اكبر من حجمه.

سارة مسكت ايده : لا هو كبير فعلا يا مراد، كاميليا محتاجلك  
اوي، ارجوك حل الموضوع بهدوء.

\*\*\*\*\*

في بيت ادهم الجارحي...

ادهم قاعد وكاميليا في حضنه بتعيط : معلش بقي يا كوكو  
انسى اللي حصل، انا قايلك اصلاً متروحيش هناك تاني ولا  
تروحي الا لما هو يتصل بيكي ويكون مشتاقلك.

كاميليا بدموع : ولا عمره هایتصل بيا، انا بروح علشان انا اللي  
بشنتقاله وبحبه ونفسي اشوفه.

ادهم : معلش يا حبيبتي، ان شاء الله الامور تتظبط.

كاميليا بعدت عنه : اسفة من وقت ما جيت وانا بعيط، بس  
مصدقتش نفسي لما لاقيتك قدامي وخصوصاً اني كنت  
محتاجك طول الفترة اللي فاتت دي.

ادهم باس جبينها : صوتك وجعني اوي، مقدرتش استحمل  
واخذت اجازة وجتلك.

كاميليا مسحت دموعها وابتسمت : هاقوم اجهزلك فطار.

ادهم : ماشي بسرعة لاني عاوز اروح اسلم على بابا وماما  
وبعدها اخذك انتي والولاد نقضي اليوم في اي مكان وتغيري جو.

كاميليا باسسته في خده : ثواني ويكون كل شئ جاهز.

\*\*\*\*\*

في مستشفى الجارحي...

عمر ومراد دخلوا المستشفى...

مراد : لينو عاملة ايه.

عمر : كويسة الحمد لله، وصلتها عندكوا هي والبنات.





كارما صحيت بكسيل : في ايه.

عز : قومي يالا، اخويا جاي .

كارما بخجل ازاي نامت وفي اوضة واحدة مع عز زعلت من نفسها ووشها اتورد بخجل : احم انا اسفة، طب سلام.

وفتحت الباب لقت مراد وعمر في وشها اتكسف وحطت وشها في الارض ومشييت بسرعة نانا شافتها خارجة من اوضة عز، حسيت بالضيق قربت من كارما ووقفتها...

نانا : انتي .

كارما وقفت : انا.

نانا بضيق : اه.

كارما حسيت انها بتقلل منها : اسمي دكتورة كارما، انا زميلتك على فكرة مشن بشتغل تحت ايدك.

نانا بسخرية : انتي هاتجيبني قسم اطفال لجراحة يابنتي انا اعلى منك علماً وفكراً.

كارما بصتلها بتعجب : انتي عاقلة ولا ايه؟!، احنا الاتنين دخلنا نفس الكلية بنفس المجموع بس كل واحد وطموحه وحب يتخصص ايه.

نانا اتجاهلت كلامها : انتي كنتي بتعملي ايه عند دكتور عز.

كارما : كنت بعمل....

سكتت مرة واحدة وبعدها اتكلمت : وانتي مالك، وجودي عنده يخصك في ايه?!.

كارما سابقتها ومثييت وبعدها نانا اتفاظت، نانا كانت حاسية  
بشعور الغروران عزميال ليها وبابن عليه حبه ليها، حتى لو  
هي مئش بتحبه ورافضة فكرة الجواز، ولكن شعور اللي كانت  
بتحسبه من ناحية افعال عز كان بيرضي غرورها، من يوم ما  
جت كارما وهي ملاحظة انه تجاهلها وبيجتمع كتير بكارما،  
ودفاعه عن كارما قبل كدا، ضايقها، حسيت انها نفسها  
تتملك عز حتى لو مئش هاتتجوزه او تحبه على الاقل، احساس  
انها تدوس على قلب راجل دا هايريحها كتير، بسبب اللي  
شافته من ابوها .

\*\*\*\*\*

في مكان تاني في المستشفى....

كارما شايقة ان الكل مرتبك وبعض الناس في ايديها  
اوراق...وقفت حد وسالته...

كارما : هو في ايه؟!..

:\_المستشفى هاتعمل الدخول ببصمة الوش والصوت  
للعاملين بالمستشفى دكاترة وممرضين وكل العاملين حتى  
البوفيه والمطعم و الادارة.

كارما عقدت حواجبها : ايه؟!، بصمة!!!..

:\_ايوا دكتور عز بيطور المستشفى ودا امر طبيعي، روي بقى يا  
دكتورة فوق في الاوضة ٥٣، تسجيل هناك.

كارما اتنهدت : طيب.

\*\*\*\*\*

في شركة الجارحي...

مراد الالفى دخل بان دفاع على زين وبغضب وصوت عالى : ادهم  
ابنك فين يا زين.

زين رفع حاجبه من هجومه المفاجئ....

\*\*\*\*\*

في مستشفى الجارحي....

نانا وقفت عز واتكلمت بهدوء بعكس طريققتها معاه كالعاده  
: دكتور عز.

عز مش قادر يفتح عينه من التعب : نعم.

نانا : حضرتك كويس؟!.

عز استغرب طريققتها : اه كويس في ايه؟!..

نانا : اممم كنت بظمن عليك.

عز لاحظ كارما خارجه من باب المستشفى...اضايق منها..

عز : معلش يا نانا مضطر امشي بس نكمل كلامنا بعدين.

بسابها من غير ما يسمع ردها، وخرج ورا كارما..

عز : كارما.

كارما لفت له : نعم؟!.

عز : هو انا مش بعثلك مع الممرضة قولتلك تجهزي علشان  
تمشي وتستيني ازاى تمشي كدا.

كارما وهي لسبه خجلانة منه : اه ماهو حضرتك قولت اروح  
الدنيا مثل ليل اوي وعادي اركب اي تاكسي.

عز : لا ياستي مثل عادي، زي ما اخدتك من بيتك هاروحك يالا  
تعالى.

كارما بصت على الشنطة اللي في ايده، وعز ضحك...

عز : الفضول قاتلك دي فيها اوراق مهمة هانقلهم البيت، يالا.  
كارما : اوك..

ركبوا العربية وعز وهو سايق... لاحظ عربية جيب متفيمة  
ماشية وراه... طلع تليفونه وكلم مراد.

عز : انت لسبه في المستشفى؟!..

مراد : اه في حاجة؟!.

عز : في عربية ماشية ورايا؟؟؟.

مراد : كنت متأكد من الخطوة، حاول تهرب منهم يا عز  
وبسرعة انا نازللك اهو.

عز : طيب .

كارما بصت ورا وبقلق : في ايه؟!..

عز ضحك : لا ابدأ، مكتوبلك تعيشي مغامرة جديدة معايا.

كارما بصوت مهزوز : دول تبع الحرامي.

عز : اه ويالا اربطي حزام الامان ويالا استعدي علشان هازود  
السرعة.

كارما بخفوت : يالهوي ياريتني ماعرفتك.

الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة

انتهى البارت الثالث

قراءة ممتعة.

بقلم / زيزي محمد

نوفيلاً عندما يقع العزفي الغرام...

البارت الرابع..

في شركة الجارحي...مراد دخل بان دفاع على عز وبغضب  
وصوت عالي : ادهم ابنك فين يا زين.

زين رفع حاجبه من هجومه المفاجئ : ايه دا، في ايه ماله  
ابني؟!.

مراد بغيط : ينفع ابنك العاقل يعصي بنتي عليا ويقولها ممش  
ضروري امك وابوكي، ويخليها تمشي من بيتي، دا بدل ما  
يهديتها بيثعللها حضرته.

زين بهدوء : اقعد واحكي لي ايه اللي حصل وايه سبب مجي  
سارة عندنا في الوقت دا.

مراد اتنهذ وقعد وحكى لزين لانه محتاج يحكي ويتكلم مع  
حد...

زين : خلصت .

مراد : اه.. ينفع بقى ادهم يعمل كدا؟

زين : انا مش ثنايفه غلطان ادهم اتصرف بدافع حبه ليها، ثنايف مراته منهارة وابوها مش مهتم بيها، هايقولها ايه يعني هايقولها انا دنيتك ومرتزعليش، اصل اوقات الرزق دا بيحي في الزوج يا مراد.

مراد قام واتعصب : قصدك ايه يا زين بكلامك اني مهمل بنتي وبكرها، فادهم بقى هو الرزق والحنية.

زين : دا اللي انا ثنايفه من اللي انت حكيت، انا كنت هاتصرف نفس تصرفه، انا لما ليليان اهلها عملوا فيها كدا منعتهما عنهم ، حتى في سنين كانت بتحن لعمها ويوسف وتصلح الامور بس كنت برفض.

مراد اتعصب من اسلوب زين : انت ازاي اصلا تقارني باهل ليليان، في ايه يا زين؟!.

زين قام بهدوء وراحله وقف قصاده : اهدا انا بحاول افهمك انه معذور في اي كلمة قالها، مراته وبيحبها وهي بتتوجع قدامه من حقه يقولها كدا.

مراد بسخرية : اه انا جاي اشكي لمين، لزين اللي لا يمكن يطلع اولاده غلطانين ولازم يكبر بيهم.

زين بضحك : طبعا مش ولادي.

مراد : ياخي هامسك في زماره رقبتك مش هاسيبك، انا مش طايق نفسي وانت بتدافع عن ابنك.

زين ضحك : اهدا بس على نفسك متبقاش غلطان وتمسك في كلمة ابني قالها في وقت حنية لمراته.

مراد : انا ماثني.

زين مسكه بسرعة : اهدا يا مراد.

مراد : اهدا ازاي وانت بتقولي انا غلطان.

زين : مراد انت مش شاييف نفسك انك مهمل البنت فعلا، انت  
سامحت سارة رغم انها كانت السبب في كل حاجة وبعدت  
بنتك عنك وبتعيش معاها اجمل ايام حياتك ويحيى بتعوض  
فيه اللي فات ونسيت بنتك، ليه بتعاقبها هي، ليه؟!، انا عمري  
ما بشوفتك حضنتها كدا، دايم بتعاملها بجفا وبحدود كانها  
بنت حد تاني، مراد انت جايب الذنب عليها، وهي كانت واقعة  
بين نارين ابوها وامها اختارت امها بدافع الفطرة، حرام عليك  
اوقات بشوف في عينها نظرتها بالحرمان لما بعامل ليان بنتي  
قدامها.

مراد دمع : مش قادر اتعامل معاها معشتتش معاها غير  
خمس سنين وبعدها مشيت، لكن سارة كانت حاجة تانية،  
منكرش اني فرحت برجوع سارة، بس كاميليا كانت بالنسبالي  
عادي، مش عارف احضنها، ولا اتعامل معاها ازاي، فاجأة دي  
بنتك ولازم تحبها، طب يحيى ربيته وشفته بيكبر وحبه كبر في  
قلبي، لكن حبها هي فضل ووقف عند الخمس سنين اللي  
سببتني فيهم.

زين : الحب في قلبك تلقائي دي بنتك ومن صلبك، بس عقلك  
رافضها، طب اقولك افرض عرفت ان عندها مرض خطير  
وهاتموت هاتلاقي نفسك تلقائي بتقول ادفع عمري وتشفى  
هي، بدليل انك رافض مواجعتها لانك عارف انك هاتضعف  
فعقلك رافض للفكرة دي.

مراد : انا زعلت من نفسي اوي بعد كلامك دا يا زين اوي.

زين : روحلها وعوضها يا مراد حتى لو بحضن واحد لو بضحكة  
واحدة في وشها.

الباب خبط ودخل ادهم واول ما دخل وبناف مراد كشر...

مراد : وليك عين تكشريا بجح.

ادهم : انا مش هارد علشان انت قد ابويا.

مراد وقف قدامه : لا يا شيخ رد، زعلتها مني، سخنت الموضوع  
اكثر.

ادهم : ايوا مراتي وزعلانة ومش بس الايام دي لا من زمان، يبقى  
اجاي عليها واقولها استحملي ليه، هي عاوزة ايه من الدنيا دي  
غيري.

مراد هجم عليه ومسكه من هدومه : انا ابوها، وهاتعوزني انا  
وانت ولا حاجة، انا اللي متعوضش يا ادهم، لكن انت تتعوض  
عادي.

ادهم : لا ماهو باين لما عوضتها بيحيي.

زين فصل ما بينهم : يحيي دا كان رغبة سارة انها تعيش اللي  
باقي من عمرها مع مراد بجو الاسرة ، خصوصا بعد انت ما  
اتجوزت بنتهم الوحيدة يا ادهم، يحيي برا الحسابات دي اصلا..  
وبعدين مراد عاش كتير في عذاب مش من حقه لو للحظة انه  
يعيش اللي فات من عمره، والاب والام مبيتعوضش يا ادهم،  
مهما كان درجة حبك لكاميليا عمرك ماتقدر تعوضها عن  
حنان وحب ابوها او امها، الحضن دا مفيش حاجة بتتعوض  
بيه، فهمتني ولا لأ، فياريت نحكم عقلنا بشوية، وبلاش  
عواطفنا تسوقنا هي.



ادهم فهم كلام ابوه انه بيقوله انه غلط في كلامه لكاميليا بس  
بطريقة مبطنه.

مراد بغيظ : ياخي انت مستكبر تقوله انه غلطان.

زين ضحك : هو غلطان يا سيدي ارتحت.

زين بجدية ووجه كلامه لادهم : اعتذر من مراد لانك كلمته  
باسلوب مثل كويس ودا قبل ما يكون عمك واخو ابوك دا  
حماك.

ادهم باحترام لكلام زين : متزعليش يا ميمو، بس مراتي بقي  
وقلبي واجعني عليها.

زين بضيق : تصدق انا بتعصب لما بسمعهم يقولوك ميمو  
دي.

مراد بص لادهم : بص كلهم يقولوا ميمو الا انت تقولي يا عمي  
او يا حمايا.

ادهم : مثل لايق عليك الجودا ، انت ميمو وبس.

مراد بلامبالاة : على رايك ميمو ميمو، قولي كاميليا فين ؟.

ادهم : في البيت.

مراد : طيب انا رايجلها.

ادهم باندفاع : اسنتني هاجاي معاك.

مراد : انا ابوها وممثل هاكلها.

مراد مشي...

زين : متحاوليش تقف بين اب وبنته يا ادهم.

ادهم : يابابا انا...

زين : حطها في دماغك كويس، انت مثل هاتقدر تعوضها عن  
حب ابوها وامها، الحاجة دي مبيتعوضش، انت في حد  
يعوضك عني.

ادهم باندفاع : لا طبعا، ربنا يخليك لينا، وتفضل السند  
والعون، ويفضل حسبك في الدنيا ومنور حياتنا.

زين ابتسم : هي كمان محتاجة تدعي كدا لابوها، المهم عدت  
على أسر.

ادهم : اه وكانت هناك خناقة بينه وبين هنا على السكرتيرة  
والي عرفته انها طردتها، أسر متعصب اوي.

زين بضحك : والله، الله يكون في عونك منها، هنا غيورة بشكل  
رهيب، ممشية فوق العشرين واحدة لغاية دلوقتي.

أدهم : أسر مدلعا.

زين : ما يدلعا وماله انا اتبسط لما يدلعا ويريحها ويثبت  
حبه ليها، زي مانت بتثبت حبك لمراتك بالظبط.

ادهم : احنا بنعمل كدا لاننا اتربينا على حبك وتقديرك  
واحترامك لماما.

زين : امك دي جوهرة ومفيش منها اتنين.

ادهم بضحك : ايه دا هي مثل عشق الزين بقت جوهرة.

زين سند ضهره لورا واتكلم بشرود : ليليان دي حبت حاجات  
فوق بعض كدا، لا كلام الدنيا يقدر يعبر عن اللي جوايا، ولا في  
كلمات تقدرها وتقدر قيمتها جوايا.

\*\*\*\*\*

في عربية عز...



عز: لا واقسيم بالله انتي ما طبيعية يابنتي، اموتك ايه انا لسه  
عارفك اول امبارح.

كارما طلعت قعدت على الكرسي و عيطت : امال انت عاوز مني  
ايه.

عز بصلاها بتعجب : هاعوز منك ايه يابنتي، انتي الي بومة وحظك  
نحس وقعتي بقي في مغامرتين زي الفل، أنا بس هاموت  
واعرف هو ايه الي عرفه ان الاوراق معايا، ومين بييساعده في  
المستشفى.

للحظة سكتت وهي سكتت وهو تأملها اوي، فبعدت بجسمها  
: لا والله انا ما اعرف الحرامي، وربنا ما اعرفه.

عز بتركيز: في وسط الزرع دا بيت هناك منور تعالي ننزل  
ونروح هناك، قعدتنا في العربية غلط عليكي ..واتنهد ..وعليا.

كارما : طب انت مصدقني اني ماليش علاقة بالحرامي.  
عز برقلها ورد بتهكم : انا كل الي مصدقه انك هبله، يالا يا  
ماما.

كارما وهي نازلة من العربية : بس متقوليش ماما بس.

عز بغيط : لا بقي في حد داعي عليا انهاردا تليفوني فصل، يادي  
الزفت.

كارما :طب اسبتنى انا معايا فوني.

كارما فتحت شنطتها ودورت فيها مفيهاش تليفونها:  
يالهوي تليفوني فين؟! ..

عز : معرفش انتي بتسأليني انا.

كارما : لا افتح العربية ندور تليفوني فين.

عز فتح العربية وهي اتشقلبت في العربية ملقتوش...

كارما : ياترى تليفوني فين ؟!.

عز نفخ بضيق : كارما ممكن اسالك سؤال ؟!..

كارما : اتفضل.

عز : انتي كنتي فين طول اليوم انهاردا.

كارما : في المستشفى ليه ؟!!.

عز بيجز على اسنانه : يبقى ايه ياكارما.

كارما : ايه ؟!.

عز : لا كدا كتير عليا والله، يابنتي انتي نسيتيه في المستشفى.

كارما اتنهدت : بدام نسيتيه هناك يبقى تمام.

عز : ممكن الهانم تخلص بقى علشان نتزفت نروح نتصرف ونستخبى.

كارما : اه يالا حضرتك اتفضل.

عز وكارما مشيوا في الارض الزراعية لغاية ما وصلوا للبيت  
وخبطوا....

فتح راجل بسيط : نعم.

عز : السلام عليكم.

عبد الحميد بص لهدوم عز وكارما لقاهم اغنيا : وعليكم  
السلام ياباشا.

عز : انا عربيتي عطلت هنا على الطريق اللي هناك دا، واحنا بليل  
ومعايا مراتي وخايف عليها.

كارما كانت بتهز راسها في كل كلمة عز كان يقولها مع  
ابتسامة، بس لغاية ماجت كلمة مراتي وبرقت وابتسامتها  
اختفت...الراجل باصلها باستغراب من حالتها.

عز حاوطها بايده : معلىش اصل مراتي مخضو....

مكملش كلمته لانها شهقت بقوة وعينها برقت اكثر،  
الراجل عقد حواجبه باستغراب من الحالة اللي هي فيها .

\*\*\*\*\*

في بيت ادهم...

كاميليا قعدت مستنية ادهم، اتأخر جدا، كل شوية تفكيرها  
بيروح لابوها، بس حاولت متركز زى ما ادهم قالها،  
الجرس رن، راحت بسرعة وهي مبتسمة تفتح الباب، شافت  
مراد واقف قصادها وفي ايده ورد وعلبة شوكلاته، ابتسامتها  
اتلاشت بسرعة وحل مكانها نظرة حزن.. وسعت واتكلمت  
بهدوء...

كاميليا بهدوء : بابا اتفضل حضرتك.

مراد دخل خطوة وبعدين وقف وباصلها واتكلم بتردد بطريقة  
حسن انها صعبة عليه : هو انتي مئش هاتحضيني، تستقبليني  
بحضن يعني.

كاميليا فضلت واقفة ثواني بتستوعب الكلمة بشوية .. وبعدها  
اندفعت لحضنه تدفن نفسها فيه وتعيط.

مراد حضنها بقوة، وزعل من نفسه انه وصلها لاحتاسها  
دا، مكنتش تستاهل منه كدا....

\*\*\*\*\*

عند كارما وعز..

كارما في الحمام ...

واقفة بتكلم نفسها : قال مراته قال ، وخط ايده عليا ، ناقص  
ايه يبوسني ، لا لازم احط حدود ، اه ، اهدي يا كارما ..

اما عند عز...

عز قاعد وقصاده عبد الحميد ومراته وعياله...

عبد الحميد : لامؤاخذة يعني يا استاذ هي مراتك مالها؟! ..

عز : مالها!! ..

عبد الحميد : حركاتها كدا غريبة وبقالها ساعة في الحمام  
الولاد سامعينها بتتكلم مع حد .

عز كان هايضحك بس اتحكم في نفسه واتكلم بمكر : معلش  
ياراجل ياطيب اعذرها اصلها ملبوسة عليها عفريت .

سنية مرات عبد الحميد : يالهوي بسم الله الرحمن الرحيم ،  
يارب احميننا ، هي بتكلمهم في الحمام .

عز هزراسه واتصنع الحزن...

عبد الحميد : ربنا يعافياها يارب ، الله يكون في عونك يا استاذ .

كارما خرجت من الحمام ومن اول ما خرجت سنية مسكت في  
عبد الحميد وكلهم باصولها برعب ، باصلتهم باستغراب ..

قعدت وبصت لعز وهو ابتسم بمكر... سننية قامت مرة واحدة  
واخذت عياله ودخلت اوضة وعبد الحميد استأذن منهم...





عز شدها وراه وشكرهم وطلع ومشي وهي وقفت بعصبية ..

كارما : ممكن افهم انت قولتلهم ايه عليا؟! ..

عز : يالا يابنتي خلينا نمشي نطلع على الطريق.

كارما بعند : مشن هامشي الا لما تقول.

عز : قولتلهم انك عليكي عفريت وملبوسة.

كارما شهقت : اخص عليك ازاي تطلع عليا سمعة وحشة زي دي، انت ليه بتسوء سمعتي.

عز : انتي هبلة يا كارما انا كدا بسوءت سمعتك فين.

كارما : بص متكلمنيش وامشي يالا وانا هامشي لوحدي ومع السلامة ومشن عاوزة اعرفك تاني.

عز وسعلها : امشي يا طفلة، امشي .

كارما مشيت لوحدها وهو وراها وفاجأة ظهر قدامهم شباب  
شاربين مخدرات...

شباب واحد : الله مزة.

كارما من كتر خوفها اندفعت ورا عز.

شباب تاني : تلزمننا دي يا شبح.

عز : امشي يلا من وشي احسنلك.

كارما : انت لسه هاتقولهم امشي طلع المسدس واضربهم.

عز : الله يخربيتك يا شيخة.

واحد منهم قرب من عز وهو بيضحك باستهزاء : مسدس  
مية دا ولا غرز.

\*\*\*\*\*

## في مستشفى الجارحي.

شاهين واقف في الاستقبال...

شاهين : يعني ايه ماشية من الصبح.

موظف الاستقبال : يافندم هي خرجت من الصبح مع دكتور عز.

شاهين : طيب اديني رقم دكتور عز.

موظف الاستقبال : ممنوع يا افندم ندي رقمه الشخصي لحد.

شاهين نفخ بضيق.. واتصل على زين..

شاهين : الو .

زين : ازيك يا شاهين.

شاهين : مئش كويس يا زين باشنا، كارما خرجت مع عز من الصبح ولغاية دلوقتي مرجعتش ولا هي بترد ولا انا عارف اوصله.

زين : طيب اهدا اكيد في مكان، انا هاتصل على عز.

زين اتصل على عز كتير وتليفونه مقفول... اتصل على مراد.

مراد : ايوا يابابا.

زين : عزاخوك فين!..

مراد : انت عرفت ولا ايه؟!.

زين : عرفت ايه؟!؟.

مراد بعصبية : ابنك الشياطين الذكي اديله شنطة اوراق وهمية  
علشان يتوه العربية الي وراه لغاية ما نقدم ورق الارض، ياخذ  
واحدة معاه في العربية ولا وكمان اقوله توهم عادي، يدخل في  
طرق زراعية وطرق تتوه اصلا.

زين بقلق : وانت فين؟!، وهو فين؟!!

مراد : انا رايعله اهو انا وعمر مش تعلق،، قربت اوصله.

زين : طيب وصل كارما عند المستشفى، وفهم ابوها اي  
حكاية علشان ميقلقش على بنته.

مراد : حاضر.

زين كان بيتكلم وقفل وهو بيشتتم في عز لقي ليليان واقفة  
بتعيط.

زين : لا ابوس ايدك متفتحيش في العياط.

ليليان : معيطش ازاي وابني في حد عاوز يقتله... عمر قال  
ليليان... اه يا حبيبي يا بني.

\*\*\*\*\*

عند كارما وعز....

كارما واقفة مبرقة وبتبص عليهم وهما واقعين في الارض  
بيتالموا.... وفي لحظة سقفت بجنون... والشباب دول قاموا  
هربوا بسرعه

كارما : برافو يا عز.... براااا انت موتهم ضرب.

مراد من وراهم : برااا فويا تشبح، بقى انت هنا بتضرب وبتموت  
وانا بدور عليك.

عز ل ف بسرعة : مراد دا كله عليشان توصل.

مراد قرب منه ومسيكه من هدومه : انا قايلك ايه يا عز قايلك  
حاول تهرب منه صح، بقى بسايب كله الطرق دي وداخل في  
حته مقطوعة.

عز : اعملك ايه يعني مشيت كتير لاغيت مادخلت هنا.

مراد : طب وايه جابها معاك، انا مش قايلك قبل ما تنزل من  
المستشفى انه احتمال يمشي وراك حد.

عز : اهو قولت احتمال، قولت هايمشي ورايا حد ليه، والورق  
اصلا اتقدم الصبح .

مراد بص لعمر : قولي ماتعصبش يا عمر.

عمر بيكتم ضحكك : متتعصبش يا مراد.

\*\*\*\*\*

في بيت ادهم...

مراد قاعد وكاميليا في حضنه والاتنين ساكتين، ولا هي عارفة  
تتكلم وتضيع اجمل لحظة واحلى شعور ممكن تحسبه، ولا هو  
عارف يقول ايه؟؟ ، بعد معاملته ليها... بس هي قررت تقطع  
الصمت دا وتتكلم وتشبع من صوته كمان مش بس حبه...

كاميليا : بابا.

مراد وهو بمشي ايده على شعرها بيلمه بثوية ويفرده بثوية :  
نعم.

كاميليا : بابا انا اسفة على اللي حصل الصبح وامبارح مكنتش  
اقصد.

مراد باس جبينها : اللي عملتية دا فوقني عن حاجة انا كنت  
دايس فيها ومكمل، انتي متزعليش مني على معاملتي ليكي،  
وقساوة قلبي في بعض الاحيان، بس كنت عاوز اعاقبك على  
بعدك عني.

كاميليا باست ايده وعيطت : كفاية عقاب بالله عليك انا  
مبقتش عارفة انام من كتر عذاب ضميري.

مراد : خلاص يا حبيبي انسي اي حاجة، انتي من حقت تشبعي  
مني وانا من حقي اشبع منك.. كاميليا مهما كان وجود يحيى  
في حياتي عمره ما يآثر على حبك في قلبي.

كاميليا : والله انا بحبه اوي، وبحسه اخويا فعلا، وعمري  
مافكرت فيه غير كدا، علشان كدا حسيت بغيرة منه، هما  
الاخوات مش اوقات بيغيروا من بعض.

مراد : بس خليكي متأكدة انك اغلى حد عندي، انتي كاميليا مراد  
الالفي انتي اول فرحه واول حب.

كاميليا ابتسمت بفرح وسعادة وبعدها بصت للورد  
والشوكلاته : ايه دول بقي .

مراد : فكرت كثير اصالحك ازاي قولت اجبلك ورد يكون ذكرى  
حلوة ليكي، وشوكلاته تنسيكي مُر الايام اللي عشتها بسببي.

كاميليا : مفيش حاجة تنسيني مُر الايام دي غير حضنك  
واهتمامك بيا بابا.

مراد : ربنا يقدرني واقدر اسعدك وافرحك.

\*\*\*\*\*

في بيت زين...

زين : كل الحكاية ان في رجل اعمال كبير اسمه عادل الفيومي  
عاوز الارض اللي جنب المستشفى يعمل عليها مصنع ودا  
هايضر المستشفى طبعا، وعز من ناحية تانية عاوز يطور فيها  
وعاوز الارض دي، لقيته باعتلي مدير اعماله بيساومني يديني  
ارض غيرها مقابل انه مقدمش عرض واكسبها رفضت  
طبعا، عز هو وأسر جهزوا العرض والمشروع وقدموه، هو  
بقي قرري يسرق الورق، بصي يا ليليان دا رجل اعمال خايب وياما  
بيقابلنا رجال اعمال زيه، هو لسه نازل من قطر وعمله  
قرشين وفي كام واحد من الكبار مساعدينه، فاكر انه هو  
ممکن يجي على زين الجارحي، وحيات غلاوتك عندي قبل ما عز  
ابنك رجله تدب في البيت دا، عادل دا هابتقرص قرصة العمر  
علشان يفكر يعمل كدا تاني.

ليليان بعياط : ربنا يرجع هولي بالسلامة يارب.

زين : ياسستي هو مش كلمك من فون مراد وكويس وجاي في  
الطريق خلاص بقى .

\*\*\*\*\*

في عربية مراد.

مراد : راجل اهل فاكر انه كدا بينتقم يعني، واحد غشيم لسه  
مجمع كام قرش ونازل فاكر نفسه محدش قده.

عز : يعني انت مسسكت البت .

مراد : اه تسجيل الصوت اللي ادهوني طبقتة مع اصوات  
الممرضات وطلعت بت كدا خايبة الواد الي كان بيحاول يسرق  
الورق معشمها بالجواز، في ثانية بعته ودلتي عليه.

عز : طب لما هو عرف اني قدمت العرض، باعت ورايا حد يضرب  
نارليه.

مراد : بيهوش يا عز كارت احمر، فاكر اننا هنخاف، ابوك وقعله  
نص اسهمه في الارض، وخلي الكبار الي واقفين معاه، قلبوا  
عليه، وزمانه قاعد بيندب حظه.

عمر بضحك : زين الجارحي لما بيلعب مبيهز رش.

كارما قاعدة جنب عز ورا مش فاهمة حاجة وبتحاول تجمع  
الاحداث وتربطهم، حسبت انها في عالم تاني، غير العالم  
بتاعها اللي رسمت له حدود، فاجأة الحدود دي اتشالت، وبقت  
لوحتها في عالم كبير وغريب، بس اللي هي مستغرباله انها  
حبت العالم دا بتفاصيله، بصت لعز مرة واحدة، حسبت انه  
العالم الغريب عنها دا هي حاسة فيه بالامان لوجود عز  
فيه...عز!!

كارما بصوت عالي : لأ طبعا مش ها يحصل.

كلهم باصولها باستغراب ....

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة

انتهى البارت الرابع.

قراءة ممتعة

بقلم / زيزيمحمد

نوفيلاً عندما يقع العز في الغرام..

البارت الخامس.

مراد : بيهوش يا عز كارت احمر، فاكر اننا هنخاف، ابوك وقعله نص اسهمه في الارض، وخلي الكبار الي واقفين معاه، قلبوا عليه، وزمانه قاعد بيندب حظه. عمر بضحك : زين الجارحي لما بيلعب مبيهز رش.

كارما قاعدة جنب عز ورا مش فاهمة حاجة وبتحاول تجمع الاحداث وتربطهم، حسيت انها في عالم تاني، غير العالم بتاعها اللي رسمت له حدود، فاجأة الحدود دي اتشالت، وبقت لوحدها في عالم كبير وغريب، بس اللي هي مستغرباله انها حبت العالم دا بتفاصيله، بصت لعز مرة واحدة، حسيت انه العالم الغريب عنها دا هي حاسنة فيه بالامان لوجود عز فيه...عز!!.

كارما بصوت عالي : لأ طبعا مش هايحصل.

كلهم باصولها باستغراب، وهي اتخرجت.. عز ميل عليها وهمس بمكر : شكلكه حضر صح.

جت ترد عليه،، مراد وقف بالعربية قبل المستشفي ولف وشبه ليها.

مراد بجدية : دكتورة كارما، والدك في المستشفي ياريت متحكيش عن اللي حصل، طبعا علشان هو هايخاف عليكي وممكن متنزليش الشغل.



كارما : لأ طبعاً انا لا يمكن اكدب على بابا، وبعدين عادي اللي حصل وانا كدا كدا هاسيب الشغل اصلاً مش فارقة كثير، انا متشكرة جداً لىكو، عن اذنكو.

مراد باصلها باعجاب على تفكيرها وقوتها انها متخبيش على ابوها حاجة، لكن عز اضايق ميعرفيش يمكن من نظرة مراد ولا من فكرة انها هاتسيب الشغل، المهم انه عنده شعور غريب هو رافضه...

كارما نزلت من العربية وعز نزل معاها ومشى جنبها...

عز : انتي ليه بقى عاوزه تسيبي الشغل.

كارما وقفت مرة واحدة وباصتله وهو اتحقق من ملامحها الرقيقة وهي اتكلمت بحزن: عليشان حاسه اني عاملة عبأ على حضرتك، و حضرتك مش واثق في قدراتي واي غلطة بتتهمني على طول، بس هي دي كل الحكاية .

عز سكت للحظة ومعرفيش يرد عليها... وهي جريت على شاهين حضنته..

شاهين بخوف : انتي كويسة يا حبيبتى.

كارما : كويسة الحمد لله متخافيش والله.

شاهين بص لعز : هو ايه اللي حصل.

عز : محصلش كان سوء تفاهم.

كارما : بابا هاحكىلك كل حاجة في البيت ممكن نروح بقى انا تعبانه جداً.

شاهين سلم على عز واخذ كارما ومشى وهو تابعها بنظراته لغاية ما اختفت .

\*\*\*\*\*

## في منزل الجارحي..

عز دخل واول ما دخل ليليان اخدته في حضنها وعيطت : يا  
حبيبي يا بني حمد لله على سلامتک.

عز باصلهم واتکلم بسخرية : دا على اساس مخابرات واسرار  
وانتو فتننوا اهو.

مراد بسخرية : لا دا احنا بنقول لماما بطولاتک علشان تفرح  
بيک يا بطة.

عمر ضحك بصوته كله : هاموت من كتر الضحك.

ليليان نهرتهم : اسکتوا احسنلکو اصمالله عليك يا حبيبي  
تلاقيک اتحسدت والله.

عز : اهي طريقته دي بتخليهم يقصفوا جبهتي يا حبيبي انا  
كبرت والله انتي ليه مش مراعية اني كبير.

زين كان واقف مربع ايده وساکت وبيتابع الموقف بهدوء،  
ليليان اخدت عز على اوضته....

ليليان : انت کويس يا عز؟!.

عز : اه يا ماما کويس جداً، متقلقيش يا قلبي.

ليليان : امال ليه حاساک مدايق کدا.

عز : لا مفيش انا تمام..

ليليان بمکر : طب کارما کويسة؟!.

عز لف ليها بسرعة : وانتى مين حكاك على كارما مراد ولا بابا،  
اه اكيد زين باشنا.

ليليان : متوهش، انت مدايق ليه؟!، هي كارما دي مزعالك، مع  
انى اشك، بابك قالي انها عسل اوي ومؤدبة وقمر، اكيد  
المواصفات دي متزعلش.

عز : اه انتو بتتفقو بقى انتى وبابا..

زين كان رايح يطمئن على عز سميع ليليان وهي بتسأله على  
كارما وهو كان منبه عليها متجبش سيرتها، اضايق منها  
لمجرد انها مسمعتش كلامه، ونفذت اللي في دماغها.

\*\*\*\*\*

في منزل شاهين.

كارما : بس يا بابا هو دا اللي حصل.

شاهين اخدها في حضنه : انا كنت غلط لما شغلتك، انتى  
قعدتك في البيت بالدنيا.

كارما : بابا حبيبي بالعكس انت مكنتش غلط، انا اتعلمت  
حاجات كتير في اليومين دول، وحاجات في شخصيتي كتير  
اتغيرت، وانا حاسة انها للاحسن، وبعدين الحمد لله رغم انى  
كنت في خطر بس والله دكتور عز كان عنده استعداد يحميني.

شاهين : دول تربية زين الجارحي.

كارما هزت راسها كتير وابتسمت وسكتت، وبعدها شاهين  
سألها: هو انتى ليه عاوزه تسيبي المستشفى؟!.

كارما بكذب : عادي مثل حاسة نفسي فيها، هادور على بشغل  
في مكان تاني بدام اخدت الخطوة يبقى سبيني بقى.

بشاهين هز راسه وسبكت وهي بعد خروجه،،، زعلت انها  
كدبت عليه بس مكنش ينفع تقوله انهت اعجبت بعز و بدأت  
تحبه، فكرت تسبب المستشفى وتنساه، هو دايم بيعاملها  
كانها طفلة ، مثل انسة وناضجة ... فكرت كتير و اتأكدت ان  
دا القرار الصح، افكرت كلامه ليها في بيت عبد الحميد  
وحسبت بشعور بالسعادة وشعور مختلف وجديد عليها،  
نامت وغمضت عنيا بتستعيد ذكريات اليوم من اوله وتصرفه  
معاها.

\*\*\*\*\*

### في بيت الجارحي..

ليليان قعدت بتسرح بشعرها وسرحانة في السبب اللي مخلي  
عز قالب وشه ومدايق، هي امه واقرب حد له وبتفهمه من  
نظرة عينيه، ولكنه اكثر واحد واخذ من زين الجارحي في  
شخصيته كتوم لدرجة كبيرة، ومحدثش بيعرف ايه اللي  
جواه.... لاحظت زين قاعد وراها بيصلها بضيق ونظرات عتاب  
لفتله وسألته بابتسامه : مالك يا زيني.

زين قام مرة واحدة وسالها بحدة : هو انا مثل منبه عليك  
وقايلك متجبيش بسيرة كارما مع عز، عصتيني ومسمعتيش  
كلامي.

ليليان : عصيتك!!، ايه يا زين فيها ايه لما اسأله عليها، هو  
مثل ابني زي ما هو ابنك.

زين اتكلم بصوت عالي نسبياً : يحكيك هو، لكن ميعرفيش ان ابوه هو اللي حكي ، وبعدين انا بتكلم في نقطة واحدة ازاى اصلاً متسمعيش كلامي.

ليليان اتنرفزت : لا بقى يا زين الحكاية مش كدا، الحكاية انك عاوز ولادك لوحداك، بتحبهم لنفسك، عاوز تكون اقرب حد ليهم، وانا على الرف، عاوز تعرف عنهم كل حاجة وانا لأ يخبو عني، علشان انت تفضل الحزن الحنين وانا لأ، ماليش فيهم حاجة .

زين قرب منها واتكلم بغضب : زمان سامحتك لما اتهمتيني بالانانية، وقولتي انه غلطة زلة لسان وانا عديتها، لكن دلوقتي انتي بتقوليتها تاني وبتفسريها كمان، زمان سامحتك على اتهامك دا، لكن المرة دي مش هاسامحك ابداً، انا لو كنت بعمل كدا معاكي ومعاهم، علشان انا بفكر بعقلي، لكن انتي بتفكري بعواطفك، شفتي الفرق، بس معلش اصل انا اناني. قال الكلمة دي بنرفزة جه يمشي هي مسكت ايده واتكلمت بأسف : زين انا والله ...

قطع كلامها بحدة : ولا كلمة لسانك ميخاطبش لساني.

زين راح مكتبه وقفل على نفسه ووقف في نص الاوضة، اتنفس بسرعة، غضب فعلا من كلامها، هي مقالتيش كلمة اناني بلسانها بس قالتها بعنيها بكلامها اللي كان بيوحى بكدا، لأول مرة يزعل منها ....

ليليان اتأكدت انها غلطت جامد، هي في العادي مبتغلطش في حق حد، ويوم ما تيجي تغلط، تغلط في حق روحها وحبيبها زين الرجال، الكلمات خانتها، هي بتحس بالغيرة من قرب اولاده منه ومنها هي لأ... قعدت مكانها وعيطت بقله حيلة،

زين صعب حد يراضيه، هاتراضيه ازاي، مقدمهاش غير تنزل  
تعتذرله، اخدت نفس طويل ونزلت ولكن عينها جت على  
المطبخ بنظرة سريعة، جتلها فكرة وابتسمت من بين  
دموعها وراحت وقفت وجابت كوباية لبن وراحت خبطت عليه  
وجت تفتح الباب لفته مقفول..

ليليان بخفوت : زين.

حاول يمنع ابتسامته، كان متأكد انها هاتيحي وتراضيه... رد  
عليها بخشونة : عاوزه ايه؟!..

ليليان برقة : افتح الباب.

زين بقوة : لأ.

ليليان : الولاد هايصحوا ولو يسألوني هاقولهم وتبقى فضيحة  
بقي.

زين فتح ليها وهو مكشتر : عاوزه ايه؟!..

وبعدھا شاور على كوباية اللبن اللي في ايديها : ايه دا؟!..

ليليان زفته ودخلت وقفلت الباب : اولاً انا اسفة، ثانياً مش  
كنت زمان بتعاقبني بكوباية اللبن.

زين بتهكم : اه وعلى اساس كدا هتعاقبي نفسك، لا كتر  
خيرك بجد.

ليليان قربت منه : لأ، انا هختار العقاب الثاني.

شبتت على رجليها وباسسته في خده : حقك عليا يا زيني والله ما  
كنت اقصد.

زين : دا على اساس كدا ان هارض...

قاطعته ببوسة على خده الثاني : خلاص بقى يا زين الرجال  
مبيقاش قلبك اسود.

زين : قلبك اسود!!!.. انتي جاية تكحليها والا تعميها يا ليليان.  
ليليان بغيض : اعمل فيك ايه بقى بصالحك بقالي كتير وممش  
راضي.

زين : وكمان بتتكلمي بنرفزة.

ليليان دخلت في حضنه غصب عنه : متزعلش مني بقى، انا  
اسفة، مكنتش اقصد، بس انا بحس بغيرة منك.

زين رفع وشها وسالها بعد فهم : بتغيري مني ازاي بقى.

ليليان بغضب طفولي : دايما بيتكلموا معاك، وبيحكولك كل  
حاجة وانا لما بدخل بيسكتو، انا عاوزة ابقى زيك كدا يحكولي  
وياخدو رأي.

زين ابتسم وفي ثانية غضبه راح : عاوز اسال سؤال وتوعديني  
انك تردي بصراحة.

ليليان : انا عمري ما كدبت عليك في حاجة .

زين : انتي عندك شك في عقليتي او في رأي، يعني لما حد فيهم  
ياخد رأي شاكة مثلا اني هاوجه في الطريق الغلط.

ليليان باندفاع : لا طبعا، عمري ما شكيت في رأيك، انا من اول  
ما شوفتك وفي اللحظة اللي بقيت فيها على اسمك وانا  
سلمت حياتي ليك، وعمرك ما خذلتيني.

زين ابتسم على اجابتها العفوية الصادقة : يبقى ايه يا حبيبتى،  
ليه الغيرة، انا بقرب منهم علشان انا الاب دا دوري، دوري اكون  
سندهم وفي ضرهم، وعمري ما كنت بصورة مباشرة، دايما

بوجههم بس من بعيد لبعيد، وحتى لو جه واحد فيهم ياخذ رأي عمري ما غصبت حد فيهم على حاجة، انا بسبيلهم حرية الاختيار دايمًا، انا مربى عيالي على انهم يكون رجالة، وعيالك دول رجالة يسدو عين الشمس، متخافيش عليهم، انتي شوفتيني اني دخلت وقولتلك اشمعنى ليان بتيجي تحكيك وتسرك وأنا لأليه؟!، لان طبيعة البنت تبقى ميالة لامها، مشاكلها انا واثق انك هاتوجيها صح، علشان واثق في حكمتك كويس، لكن الاولاد مشاكلهم اصعب واوسع مشاكلهم مجالها واسع، فمممكن ياخذو رأي ومبيقاش دايمًا على فكرة.

ليليان رفعت ايده وباسستها: متزعليش مني، حقك عليا انا خربطت في كلامي بس دا كان شعوري وانت فهمتني دلوقتي اهو، بس اللي انا مش فاهماه ليه تزعل ان اسال عز على زميلته.

زين: انا زعلان من الفكرة يا لي لي، ان اقول حاجة وانبه عليك متقوليش ومتسمعيش كلامي.

ليليان: منا اتأسفت اهو، بس قولي ليه بردو مش عاوزي اجيب سيرتها.

زين اتنهد: ياستي علشان عاوزه هو ياخذ باله منها، مش حد يقعد يسال عليها ولا ننبهه عليها، بصي يا ليليان انا لما روحت المستشفى كذا مرا حسيت من نظرات عزانه معجب بواحدة هناك اسمها الدكتورة نانا، هي بنت كويسة وكل حاجة بس محسستهاش لعز مش عارف ليه، بس طبعا انا ماليش حق اني ادخل في حياته، ولو جه وقال انا عاوز اخطبها هاوافق على طول، بنظرتي وخبرتي حاسس ان كارما دي



نصيبه بس ماليش دعوة طبعاً، انا عاوزة يحبها بقلبه، مش  
بكلام حد تاني فهمتي.

ليليان : اقولك حاجة وامتزعلش مني.

زين : قولي يا حبيبتي.

ليليان : انا مش مقتنعة يا زين، انا بقى غيرك مبحبش اوجع  
قلب اولادي انا في ايدي الخيار اللي يريحهم ليه مريحهمش  
من الاول.

زين ابتسم : اهو شوفتي بتفكري بعواطفك زي ما قولت.

ليليان : طب ممكن اطلب منك طلب واتمنى بجد انك توافق.

زين : انا عنيا دي ليكي.

ليليان : يسلملي عيونك يا زين الرجال، انا عاوزة اتعامل مع  
ولادي زي مانا عاوزة انا كبيرة وعاقلة وبفهم، سيبني اتصرف  
براحتي اوك.

زين ضحك بصوته كله : حاضر يا ليليان هانم اي اوامر تانية،  
بس بلاش خططك بتتقفش بسرعة.

ليليان دفنت وشها فيه : مفيش حد بيقفشني غيرك اصلاً.

زين باس راسها بحب، وزين الرجال مكملش غضبه، ولا كمل  
زعله، زين الرجال يزعل من الدنيا كلها وقلبه يشيل الا من  
حبيبته وعشقه الوحيد ليليان...

ليليان رفعت وشها : انت لسبه زعلان مني.

زين : اه ولازم تتعاقبي.

زين بسابها وقعد على كرسي المكتب واتكلم بحب ومكر :  
قدامك عقابين تشربي اللبن ياما تيجي هنا وتبوس...  
مكلمش كلمته بسبب اندفاعها عليه وبتتعلق في رقبته  
وتقعد على رجله وعلى وشها ابتسامه حب .

\*\*\*\*\*

## في بيت أسير الجارحي.

هنا دخلت مرة واحدة وباندفاع : أسير.

أسير نفخ بضيق : يانعم ياخير.

هنا : انت بتكلمني وكانك مخنوق مني كدا ليه؟!؟.

أسير : مخنوق يا هنا عليشان والله لو فتحتي معايا موضوع  
السيكرتيرة دا تاني لاقوم واسبلك البيت كله.

هنا : طب بص انا قررت قرار ماشي.

أسير خبط على وشه بقلة صبر : ارغي يا هنا.

هنا قربت منه : بص بما اني انا السبب في طرد السيكرتيرة، فانا  
بقي قررت ايه قررت اني اشتغل مكانها واهو اساعدك،  
وشغل الشركة ميتعطلش.

أسير : لأ.

هنا : لأ ليه بقي هو انا منفعش ولا ايه،، ولا اكمني تخنت حبتين  
فخلاص مبقتش واجهة للشركة ولا شكلي كويس.

أسر : واجهتك وشكلك الكويس ليا انا بس، مش للبشركة،  
وبعدين انتي مش تخنتي انتي والله جسمك ظبط وبقيتي احلى  
من الاول.

هنا عيطت : لا انت بتضحك عليا بتاخدني على قد عقلي، انا بقيت  
وحشة، جسمي بقا وحش، انا مبقتش هنا بتاعت زمان.

أسر قعدها قصاده واتكلم بهدوء : يا حبيبتى والله انتي كويسة  
خالص وشكلك جميل ، وهاتفضلي اجمل واحدة في عيوني، ولا  
مية سكرتيرة هاتيحي وتخطف عيني زي مانتى بتخطفيها في  
ثواني.

هنا : بس انت بتجاملني، انا اللي شايقة نفسي مش حلوة.  
أسر : وانا مرايتك يا هنا، وبعدين انا قولتك انتي عندك اكتاب  
مابعد الولادة .

هنا : وانت عرفت منين انه عندي كدا.

أسر : سألت دكتور في المستشفى، هنا انتي كنتي بتعملي فيا  
حاجات وانتي حامل تشيب راسي، هنا انتي كنتي بتشكي فيا وانا  
نايم جنبك، دا غير انك لسه والدة بقالك ٦ شهور، وطبيعي  
جسمك يكون مش متظبط بس مش معنى انه كدا مش  
عاجبني بالعكس دا عاجبني اكر من الاول، بصي تيجي نروح  
لدكتورة عليشان تتعالجي من الاكتاب.

هنا : هو انا مجنونة، متعصبنيش.

أسر وقف وزعق واتكلم بنرفزة : وانتي متجننيتش، انا خلاص  
فاض بيا، هو انا هافضل كام مرة اقولك اني بحبك، وان الحب  
عمره ما كان بالشكل، انا بحبك عليشان انتي هنا، مش  
عليشان بشكلك، فوقي بقى ، عليشان تخنتي كام كيلو قالباها

مناحة في البيت وفي الشركة مבוطة نص بشغلي، والله انا  
بقيت مكسوف من ابويا واخواتي من عمايلك دي، دي مش  
عمايل ناس عاقلة ابدأ.

هنا وقفت وعيونها دمعت : شكرا يا اسر على كلامك.  
وسابتله الاوضة وخرجت.

أسر كلم نفسه : لا انا مش هاروح وراها هاجمد قلبي،  
علشان تفوق بقى.

\*\*\*\*\*

تاني يوم وكان يوم جمعة والكل بيتجمع فيه عند زين...

ليليان دخلت على ميرا اوضتها : ميرا هو انتي شوفتي زين  
الصغير.

ميرا كانت قاعدة بتقيس حرارة دنيا: اكيد مع اونكل زين.  
ليليان قربت منها : هي مالها دنيا.

ميرا : من امبارح درجة حرارتها مرتفعة بشوية، ادتها خافض  
ونزلت، بس جت تاني.

ليليان بقلق : طب ايه نطلب دكتور.

ميرا ابتسمت : دكتور؟؟ واتنين دكاترة في البيت ياعمتمو  
متقلقيش.

ليليان باسست دنيا ولسه بتقوم جاتلها فكرة، قعدت تاني  
واتكلمت باندفاع : بقولك ايه اتصلي على المستشفى يا ميرا.

ميرا : ليه؟!..

ليليان : اطلبي دكتورة اطفال .

ميرا : يا عمتو متقلقيش والله هي كويسة .

ليليان : اسمعي بس كلامي ، هاتي تليفونك واتصلي علي  
المستشفى .

ميرا : حاضر مع اني مش فاهمة في ايه؟! ..

\*\*\*\*\*

في مستشفى الجارحي .

كارما دخلت اوضتها في المستشفى لقت تليفونها : الحمد  
لله لقيتك .

اخذته وطلعت من الاوضة وحت تخرج من المستشفى  
افتكرت انها مقدمتش استقالتها ، رجعت تاني وراحت  
الاستقبال طلبت ورقة وقلم وبدات تكتب استقالتها ....

التليفون رن موظف الاستقبال رد : الو .

ليليان : معاك ليليان الجارحي .

موظف الاستقبال : أومريني يافندم .

ليليان : الامر لله ، دكاترة الاطفال موجودين .

موظف الاستقبال : اه كلهم موجودين .

ليليان : طيب عندك دكاترة بنات حاليا .

موظف الاستقبال : اه دكتورة كارما واقفة قدامي اهي .

ليليان ابتسمت بمكر لأنها نالت اللي هي عاوزاه بسهولة،  
وكارما سابت القلم وباصتله بتركيز..

ليليان : طيب لو عندك وصلني ليها.

موظف الاستقبال : حاضر ثواني.

الموظف كتم سماعه التليفون، واتفكلم بخفوت لكارما :

دكتورة كارما ، مدام ليليان الجارحي عاوزكي.

كارما بخفوت : ليليان الجارحي!!

الموظف : اه تبقى مرات زين باشا الجارحي ووالدة الدكتور عز.

كارما هزت راسها وبعدها بسالتة : طب هي عاوزني في ايه؟!..

الموظف : معرفتش والله، خدي ردي عليها.

كارما مسبكت السماعة وحطتها على ودانها بتوتر : الو.

ليليان في سرها : الله صوتها حلو.

وبعدها ردت عليها : ازيك يا دكتورة؟!..

كارما : الحمد لله يافندم.

ليليان : طبعا انا سمعت عنك من عمك زين وقد ايه انتي  
شاطرة، ودنيا حفيدتي تعبانة اوي ممكن تيجي بس تكشفي  
عليها وتطميني.

كارما: اجاي فين؟!.

ليليان : البيت عندي.

كارما اتخرجت تروح فين دي لسه بتكتب الاستقالة وتروح ازاي  
عندهم، اتوترت ولكنها معرفتش ترد غير ب : اوك ماشي.

ليليان بسعادة : متشكرة جدا يا حبيبي اديني بقى حد من  
الاستقبال عندك.

كارما : حاضر.

موظف الاستقبال : ايوا يافندم.

ليليان : توفر عربية بسواق لدكتورة كارما وتجييوها على هنا  
واكيد معاك عنوان البيت، متأخرش.

موظف : حاضر.

كارما بعدت واتصلت على بابها وهي مرتبكة من فكرة انها تروح  
عند عز في بيته ما هو يمكن يكون مش بيته وبيت حد من  
اخواته.. شاهين رد : الو.

كارما قررت متكديش وتقول الحقيقة : بابا حضرتك هنا في  
المستشفى عازوني.

شاهين : يعني قررتي تفضلي في الشغل.

كارما : لا بس الظاهر حد من احفاد اونكل زين تعبان وطالبني  
اروح بيتهم اكشف عليه.

شاهين بقلق : ياسا اتر يارب روجي وانا هاتصل اطمن.

كارما بان دفاع : لا يا بابا لو سمحت متتصلش علشان ميقاش  
اسمي فتننت وجريت وقولتلك ودي اسرار شغل المفروض انا  
هاروح وادي واجبي زي اي دكتورة وامشي...

شاهين ابتسم لنزوجها واحترم قرارها ووافق على وعد انها  
تطمنه.. وقفل معاها.

\*\*\*\*\*

## في بيت زين الجارحي.

ليليان : بس ياستي انا بقى عاوزة اشوف كارما دي حلوة ولا لا  
ومؤدبة كدا وتليق بعز ولا ايه.

ميرا ضحكت :الله عليكى يا عمتو يا جامد، ايه التخطيط دا كله.

ليليان : بس متقوليش لمراد، ها يروح يقول لزين وتبقى ليلة  
مهيبة عليا.

ميرا بحماس : لا ابدأ، احنا نقول دنيا تعبانة وطلبنا دكتورة  
اطفال.

ليليان : اوك، بس بصي انا عاوزة عز هو اللي يفتحها عاوزة  
اشوف ردة فعله.

ميرا : اول ما اسمع جرس الباب بيرن، هاقوله يفتح هو  
ونسختبي ونشوف.

ليليان : اوك ، بس يارب تيجي وسارة هنا تقولي راياها كمان  
سارة ليها نظرة.

ميرا : اسالك سؤال يا عمتو، هو اشمعنى عز اللي عملتي معاه  
كدا.

ليليان : عز دا روجي قلبي كدا، معرفتش قلبي متعلق بيه اوي  
ونفسي اطمئن عليه زي باقي اخواته، نفسي اشوف ذريته،  
وبعدين هو بيضحك وبيهزر ومبعرفش ايه جواه، كتوووم  
اوي، كل واحد من اخواته اخذ اللي بيحبها واللي قلبه اختارها،  
لسة هو نفسي قلبي يطمئن عليه بقى.

ميرا : ان شاء الله.



الجرس رن... ليليان : دي اكيد سبارة هاروح افتحلها.

ليليان خرجت وميرا سرحت في اخر كلامها، كل حد اختار  
حبيبته ادهم اختار كاميليا واسر اختار هنا، وليان اختارت عمر،  
لكن هي اتفرضت غصب على مراد، معقول مراد مبيحبهاش  
واخذها حب عشرة..

\*\*\*\*\*

في بيت اسر...

أسر: يالا هنا اجهزي علشان نروح عند بابا.

هنا: لأ مش هاروح، روح انت وكارما ويزن.

أسر: يالا ياهنا واخزي الشيطان.

هنا بعصبية: مش رايحة، انت مش سببتي امبارح الليل كله  
اتقهر من العياط ونمت ولا كانك سامعني، وبعدين معلش  
ماليش وش ان اروح هناك وانا كاسفك اوي كدا ومخلياك  
وشك في الارض من عمايلي.

أسر اتعصب من طريققتها ولاول مرة يتعصب ويعلي صوته:  
اتفلعي، ان شالله عنك ماروحتي، دي عيشة تغم.

وسابها ومشني وهي قعدت وعيطت اكر...

هنا لنفسها: معقول يا اسر عشتي بقت تغم، واتفلق عادي  
كدا...

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة

انتهى الفصل الخامس

قراءة ممتعة

بقلم / زيزي محمد

نوفيلاً عندما يقع العزفي الغرام.

### الحلقة السادسة

أسر لسه بيركب العربية وبيمشي قلبه مش طاوعه،  
ومهنش عليه يسبها كدا زعلانه ومقهورة وخصوصاً انه  
عارف انها بتعاني من فقدان الثقة بنفسها، ومن اكتئاب بعد  
ولادتها ليزن...قرر يرجع ويراضيها، دخل الفيلا تاني لقاها  
قاعدة مدياله ضررها وبتعيط وكارمن حاضنها...كارمن:  
معلش يا ماما، انا ها خاصم بابا والله متعيطيش.

أسر: من غير ما تخاصميني ياست كارمن انا رجعت والله.

هنا لفت له بسرعة وباصتله بعتاب وسكتت، وهو قرب منها  
وباس جبينها: لا وحياتي بلاش النظرة دي، ضايقني براحتك  
بالكلام، بس بلاش تبصيلي كدا.

هنا بصوت متقطع وهي بتعيط: انت مبقتش تحبني يا أسر،  
بقي بيهون عليك زعلي وقمصتي عادي.

أسر بضحك: طب كويس انك عارفة انك بتتقمصي.

هنا لكزته بخفة في كتفه....وهو مثل انه اتوجع

أسر: اي، ايدك ثقيلة.

هنا : ينفع كدا تزعلني .

أسر : ايه دا كارمن يزن بعيط روجي بسكتيه .

كارمن جریت علی فوق ... وهو استناها تطلع وقرب منها  
واتكلم بصوت حاني وهادي: انا عمري ما زعلتك، بس انتي يا  
حببتي اللي بتدوري على المشاكل، هنا ابوس ايدك بسببي  
حياتنا كدا تمشي طبيعية من غير مشاكل، عاوزاني يا ستي  
اجيب سكرتير راجل ماشي حاضر، عاوزة تروحي الجيم  
وتخسي براحتك مع اني حابب جسمك وانتي كدا، تيجي نغير  
مود حياتنا، بابا بقى يروح الايام دي الشغل ممكن ابقى ازوغ  
ونخرج بليل في سهرة حلوة، نتفرج على تلفزيون، نقضي وقت  
مع كارمن ويزن، في حلول كتيرة اوي تخرجنا وتبسطننا وتغير  
مودك بس انتي اللي قافلة حياتك، انتي مثلا مبتاخديش الولاد  
وتروحي عند ليان ليه، مش دي صاحبك روجي فكي معاها  
اتبسطي، انا عاوزك تتبسطي معايا ومش معايا، المهم انا  
تعبت من حالتك دي وانا مش عارف اطلعك منها، ملقتش  
بقي غير ان اكش فيكي علشان تتعدلي .

هنا مسحت دموعها : لا وحياتي متزعقش فيا تاني، انت عمرك  
ما عودتني على الزعيق دا .

أسر : يبقى توعديني انك تتغيري وترجعيلي هنايا وهنا ايامي ..  
هنا باسته في خده برقة : اوعدك، ارجع هنا حببتيك، انا بحبك  
اوي وبقيت اخاف تروح مني .

أسر : اروح منك فين هو انا ورايا غيرك، وفي حد قاعد هنا  
ومربع غيرك ... وشاور على قلبه وهو بيتكلم .

هنا باست قلبه : ربنا يباركلي فيك ويخليك ليا يارب .

آسر ضامها لحضنه بقوة وحنان : ويخليكي ليا ياهنايا.

\*\*\*\*\*

عند كارماا..

كارما: هو لسه بعيد يا عم محمد.

محمد السبواق : لا قربنا اهو يا دكتورة، بس انتي يعني باين  
عليكي عيلة الجارحي بتثق فيكي اوي.

كارما : ليه بقي ؟!.

محمد : اصل هما مبيد خلوش حد البرج اللي هما قاعدين فيه  
هناك الا اشخاص محددة كدا.

كارما بصدمة : ايه دا هما ساكنين في برج مئش في فيلا.

محمد : لا برج، كان الاول فيه ناس بس حاليا زين باشا خلاه  
من كل السكان، بيقولو بيوضبه علشان يقعد ولاده معاه،  
اصل اللي اعرفه انه ساكن في بثقة كدا في اخر البرج ومعاه  
ابنه الكبير، اما ولاده التانيين قاعدين برا في بيوت لوحدهم، دا  
احنا لما نوصل هتتفأجي من كم الحراسة اللي موجودة البرج  
متلغم لامؤاخذة وتفتيش.

كارما : تفتيش !!.

محمد : اه طبعا محدش بيعدي بالساهل منه، اهو وصلنا  
يا دكتورة استناكي.

كارما وهي بتابع كمية الحراسة : لا هابقي اروح لوحدي، اتفضل  
انت.

الغريب ان الحراسة عاملوها بلطف لان ليليان ادت اوامر بكدا  
واستغربت عيلة بغناهم يسكنوا في برج... طلعت وهي متوترة  
وبتدعي انها متشوفيش عز ولا تقابله..

كارما : يارب مش عاوزة اشوفه، كل ما بييشوفني بيخرجني  
بكلامه ليا، يارب مش عاوزة اشوفه.

\*\*\*\*\*

في بيت الجارحي...

ليليان واقفة بتحكي لسارة وكاميليا وليان وميرا واقفة معاهم  
وبيتكلموا بخفوت...

كاميليا : اسكتي يا طنط لتكون دي الدكتوراة الي شوفتها  
هناك، وانا بكشف على المرارة تا عيني بعد الولادة،، قابلتني  
واحدة هناك كانت واقفة مع عز رجمة اوي وردودها وحيثة  
جدا.

ليليان : لا دي دكتوراة اطفال وليسه جاية من يومين.

سارة : متخافيش بصي احنا هانعصرها اسئلة .

ليان باستغراب : تعصروا ايه يا جماعة، هو اصلا كان حبها.

ليليان : قلبي بيقولني انه اعجب بيها.

ليان : قلبك ايه ياماما، دي ليسه مبقالهاش يومين هايلاحق.

ليليان : انتي بتحبطيني ليه يا ليان.

ليان : مش عاوزة قلبك بس يتعلق بامل، عزممكن يكون

بيحب واحدة تانية خالص...

وهما بيتكلموا الجرس رن، انتفضوا كلهم وراحو عليشان  
يستخبوا ويتابعوا الموقف، عز خرج من التراس وراح عليشان  
يفتح... واتفاجئ بكارما واقفة...

كارما بصدمة : ايه دا انا كنت بدعي بالمشقلب ولا ايه.

عز : كارما!!، ايه جابك هنا.

كارما اتوترت : ماهو حضرتك والدتك اتصلت وقالت عاوزني  
اجاي اكشف على حفيدتها.

عز بصدمة : امي انا اتصلت عليك.

عز بص وراه بسرعة اتخيل بحد واقف ورا حيطه بيبيض ولكنه  
اختفى بسرعة،، رجع بص بسرعة لكارما لما اتكلمت

كارما : لا اتصلت على المستشفى.

عز : وانتي كنتي بتعملي ايه في المستشفى.

كارما : كنت باخد تليفوني وبكتب استقالتي.

عز بمكر : ولما انتي استقالتي جاية ليه؟!

كارما اتوترت ووشها اتورد : عليشان دا واجبي وفي حد مريض.

عز غمز لها بخفة : يا واد انت يابتاع الواجب.

كارما بصتله اوي من طريقته كانه شخصين في شخص واحد،  
اخذت بالها من لبسه انه لابس تيشيرت ابيض وبنطلون جينز  
وشبشب!!!، ركزت على الشبشب.

عز : لو عاجبك خديه.

كارما رفعت وشها له بسرعة : ايه دا!..

عز : الشبشب اصله حلو ولا صوابي اللي حلوة .

كارما كانت هاتضحك بس كتمت ضحكتها واتكلمت بجدية :  
احم فين بقى المريضة.

عز واسعالها واول ما دخلت اتكعبلت في طرف السجادة  
كانت هاتقع لولا عز الي مسكها بسرعة، تقريبا كانت في  
حضنه، رفعت وشها تبصله وهو باصلها ودقق في ملامحها  
واحمرار خدودها الي من اقل كلمه بيتوردوا على طول والاتنين  
سرحوا ثواني،، اما البقية اللي بتابع الموقف من اوله كان  
مرسوم على وشهم ابتسامة هبله ... جه زين من وراهم..

زين : انتوا بتعملوا ايه؟! ..

كلهم صوتوا واتخضوا وطلعوا من مكانهم بخوف،، كارما  
بعدت بسرعة عن عز لما شافتهم ظهرها فاجأة.. وعز بعد  
بصعوبة رغم انه كان مشبث فيها، قربها منه بيجننه وفي كل  
لحظة بيثوفها بيبقى حابب يقرب منها،، الوضع اتوتر  
واتكهرب من بين نظرات من عز بعدم فهم، لكارما الخجولة،  
لابتسامات مرتبكة من البقية لزين اللي بيصلهم بحدة...

ليان غمزت ليليان واتكلمت بهمس : اتكلمي يمامي.

ليليان بصوت لزين بخوف : اتكلم اقول ايه وقعتي سودا.

زين بص لكارما ورحب بيها : اهلا وسهلا يا دكتورة شرفتي.

كارما : ميرسي يافندم، هي مين بقى مدام ليليان.

زين وهو بيبتسم غصب عنه : ليليان!!.

كارما : اه ماهي كلمتي اجاي علشان اكشف على حفيدتها.

زين : حفيدتها، ردي يا ليليان.

ليليان بصت لزين بخوف ولتاني مرة بتضرب بكلامه عرض  
الحائط....

زين بحدة خفيفة : ليليان.. ردي.

ليليان : اه انا حاضر، ازيك يا حبيبيتي...

ليليان قربت منها وباسستها ومسكت خدودها زي ما بتعمل  
لعز: قمورة اوي.

كارما استغربتها ولكن جذب انتباها جمالها واناقتها،  
معقولة تكون دي ام الدكتور عز...

عزميل على ليان : قولي لامك تسبب خدودها، البت اصلا  
مخضوضة منكو.

ليان وهي بسرحانة وبتدقق في كارما وللحظة حسيت بشعور  
ان دي تبقى مرات اخوها : ماتسيبها تدقق فيها براحتها.

عز: نعم !!!.

ليان : ها انا قولت حاجة، انت سمعت انا قولت ايه، قولت ايه،  
قول كدا.

سارة : ليليان يالا بينا نطمئن على دنيا.

ليليان اخدت كارما في ايدها وكله وراها،،، وكانها واحدة منهم  
مش دكتورة، وزين واقف بيضحك على ليليان وتفكيرها  
المقفوش.... عز قرب منه وساله : بابا هو انا ليه شمام جو  
شغل ماري منيب كدا.

زين بضحك : ربنا يسترها على كارما دي طب والله صعبانة  
عليا، دول متفقين عليها، لا وليليان وسارة الله بقى على  
التخطيط.



عز بتهكم : انت هاتقولي دول عليهم دماغ.

زين قرب منه وضحك بمكر : فاكريا عز زمان لما عملت معاهم  
خطة ، انا لغاية دلوقتي كل ما فتكر مبطلش ضحك.

عز : اسكت يا بابا متفكر نيش ازاي رضيت على نفسي اعمل  
كده.

زين ضحك جامد : لا وايه كنت فاكرا انك لعيب بقى ومحدثش  
عارف.

عز ضحك : وطلع الكل عارف ، بابا خليها في سرك بقى انا  
بحاول انسى ان عملت كدا في نفسي اصلا.

زين : يابني انت زعلان ليه دا انت كانت نيتك خير ، بس فلتت  
منك وكنت هاطلقهم.

عز : ايام ما كنت اهيل بقى.

زين ميل عليه وهمس بمكر : نصيحة مني روح وراهم علشان  
دول انا مش واثق فيهم ، اهي مش ليليان دي حياتي وعارفها  
كوييس بس ردود افعالها مبضمنهاش.

\*\*\*\*\*

اما عند كارما.....

كارما كيشفت على دنيا واستغربت ان وضعها كوييس  
ومكنتش محتاجة دكتور ، بس عملت الي عليها وكشفت  
وبعدها خلصت وكتبت دوا بسيط..

كارما : اتفضلي الدوا دا تمشي عليه وان شاء الله هاتكون  
كوييسه .

ميرا : ميرسي تعبانكي معانا.

كارما : ولا تعب ولا حاجة عن اذنكو .

كلهم وقفوا بسرعة وقالوا في نفس واحد : لا استني .

بصلهم بعدم فهم ،، وليليان اتكلمت بسرعة : اقعدني معانا  
شوية .

كارما قعدت محرجة وبعدها سارة سالتها : اشمعني اخترتي  
قسم الاطفال يا كارما .

كارما : بحب الاطفال اوي من صغري لدرجة اني كنت عاوزه  
اشتغل في اجازتي مس في حضانة بس بابا مرضيش .

ليليان ميلت على سارة بهمس : ياروحي قلبها ابيض وطيب .  
كاميليا : انتي عندك اخوات .

كارما : اه ابيه عبد الرحمن ظابط شرطة، وهنا ولما اخواتي في  
كلية صيدلة وهندسة اصغرمني .

ليليان ميلت على سارة بهمس : ياروحي مؤدبة بتقول ابيه .  
ليان : طب انتي مخطوبة .

كارما بخجل : لأ .

سارة : ولا بتحبي حد .

كارما استغربت كم اسئلتهم بس جاوبت ب : لا بردوا .

سارة : طب ليه انتي ما شاء الله جميلة ودكتورة مفيش حد  
حاول يظهر اعجابه .

كارما بخجل : انا طول عمري كنت لوحدي وماليش اصحاب  
اوي ودماعي في التعليم وبس، مكنتش بطلع كتير ولا ليا  
احتكاك بحد اوي.

ليليان بنفس الهمس : لا بقى انا حبيتها اوي.

سارة : عسل اوي يا كارما احنا مبسوطين اننا اتعرفنا عليكي.

ليليان : طب انتي ايه رايك في عزيا كارما.

عز كان واقف بيسمع كلامهم واول ما ليليان قالت كدا برق  
بصدمة ...

كارما بخجل : رأي في ايه؟!.

ليليان : شكلكه شخصيته يعني رايك فيه ككل.

عز وهو برا : يالهوي علياااا.

كارما : دكتور عز كويس ومحترم ربنا يباركلك فيه.

ليليان : يارب يا حبيبتي، عز ابني دا احلى اولادي حقيقي انا مش  
بجامله، دا قمر وشكلكه وسيم ومؤدب وعسل ودمه خفيف...

عز : يانهار اسود دي بدلل عليا، ليه كده.

كارما سكتت معرفتش ترد عليها وبصلتهم لقتهم

مبتسمين وبيوصلها وبيغمزوا لبعض.

كارما : طيب عن اذنكوا انا بقى.

ليليان : لا والله ابدأ، انتي لازم تتغدي معانا، وتقضي اليوم كله

كمان احنا عيلة حلوة اوي وهانعجبك.

عز : اه بتحاول تقنعها بالعيلة، انا منفعتش بتغريها بالعيلة.

كاميليا : اه احنا بنحب الهزار والضحك وبيبقى يوم لطيف وكلنا  
بنسنتاه كل اسبوع، اقعدى معانا احنا حبناكي.

ليان : اه اقعدى وهنا مرات اسبر اخويا جاية ونبقى اصحاب بقى  
بما ان مالكيث اصحاب.

ليليان باندفاع : اسبنتى انا مش عرفتك علينا، انا مامت عز،

ودي ليان بنتي ومتجوزة عمر ومعها فيروز ولارا، ودي كاميليا  
بنت بسارة دي ومتجوزة ادهم ابني ومخلفة سيلا ومازن  
ومالك، ودي ميرا متجوزة مراد ابني وهي تبقى بنت اخويا  
ومخلفة بقى آدم ولي لي وزين ودنيا، وفي هنا بقى مرات اسبر  
ومخلفة كارمن ويزن، ودي بقى طنط بسارة صاحبتى واختي  
ومرات عمو مراد صاحب زين جوزي وعندها كمان يحيى  
صغير، هي دي عيلتنا.

كارما كانت تايهة مش ملاحقة ترد عليهم من كمية ردوهم  
واسئلتهم،،، وتاهت اكثر مع كمية الاطفال والاشخاص

كارما : ربنا يبارك فيكوا.

بسارة بمكر : وعقبال عز هو الي ناقص والعيلة تكمل.

ليليان بمكر : لا ما خلاص ياسارة انا لقيت العروسة .

عز : لا اوعي تقوليها، ربنا يسامحك ياماما.

هنا جت من وراه : انت بتكلم نفسك يا عز.

عز لف بسرعة : هنا ابوس ايدك افتحي الباب عاوز ادخل.

هنا : تدخل فين وانت بتتصنت على مين.

عز : انتي مالك متعصبينيش زيهم، افتحي الباب يالا.

كارمن اتعلقت في رجله : زيزو شلني .

عز شالها وباسها : حبيبة زيزو انتي والله.

هنا خبطت وفتحت الباب ودخلت ودخل وراها عز، وكارما اول  
ما بشافته اتكسفت، وهما لاحظو كدا وابتسموا .

عز بحدة : كارما يالا تعالي علشان اوصلك..

كارما وقفت وليليان قعدتها تاني : لا كارما هاتقضي معانا اليوم  
ياعز وبليل ابقى روحها.

كارما : لا يا طنط ميرسي والله، انا لازم اروح، وخليك انت يا  
دكتور براحتك انا هاعرف اروح لوحدي.

عز بسخرية : اه منا واخذ بالي.

هنا واقفة مش فاهمة حاجة وبتحاول تجمع،، ليان  
همستلها : دي تبقى عروسة عز.

هنا بصوت عالي : اااااه دي عرووووسسس..

ليان كتمت صوتها بسرعة وبصلتهم وهي بتحاول تكتم  
ضحكتها وعز نفخ بضيق.. زين جه من وراهم.

زين : ايه ليليان احنا مش هانتغدى ولا ايه؟! .

ليليان : حالا هو، قول بس لكارما تقعد تقضي معانا اليوم.

زين : انا اصلا كلمت بابكي وطمنته على دنيا واستأذنته انك  
تقعد معانا وتقضي اليوم مع البنات وهو وافق بس بيقولك  
الغي الصامت ياكارما.

كارما بصت في تليفونها بسرعة : اه تليفوني صامت صح .

ليليان : طيب يالا يا جماعة علشان الغدا...

كلهم خرجوا وكارما استنتهم يطلعوا وتطلع وراهم وهي  
خجولة محرجة ومتعرفيش ليه شاهين وافق،، عز فضل  
شاييل كارمن واستنى لما الكل خرج وجت هي تخرج، سد  
طريقها...

عز بضيق : شوفي حل في خدودك دي، انتي كدا ممكن حد  
يشك فيكي.

كارمن حطت ايدها على خدودها : ليه في ايه .

ميل عليها وهمس في ودانها : بيحمرروا يابنتي، وبيجذبوا نظر  
اي حد .

كارما بتوهان : ها!..

عز بضحك : هاييين....

الكل اتجمع على السفارة وكارما حسيت بشعور مختلف،  
شعور انها من العيلة دي فعلاً، وشعور لا ايه دا انا ايه اللي  
جابني هنا... كان باين عليها الخجل والتوتر،،،...

مراد ميل على عز : اعزم على كارما تاكل كويس.

عز ضغط برجله على رجله : طلعتني من دماغك يا مراد.

مراد بمكر : يا ض امك دلوقتي بتفكرها تعملوا الفرحة فين .

عز باصلها لقاها مبتسمة وعمالة تحط الاكل لكارما ومهتمة  
بيها : لا وانت الصادق دي بتتخيل منظر عيالي وها خلف كام  
واحد .

مراد : ابوك مبسوط منها اوي، بص نظرتة ليها تحس انها  
بتعمل انجاز.

عز همس وهو بيجز على اسنانه : ياخي مستكتر يقولها بس  
ايه اللي انتي بتعمليه دا لا سايبها وبضحك، انا هاولع منهم.

كارما : كفايا حضرتك أكل، انا مش ه أكل دا كله.

ليليان : لا طبعا كُلي يا حبيبي انتي أكلتك ضعيفة خالص وانتي  
رفيعة خالص.

مراد لاحظ ميلا مبتاكلش، بتلعب في الاكل وساكتة : مالك يا  
ميرتي.

ميرا انتبهت له : مفيش.

مراد : انتي كويسة يعني.

ميرا هزت راسها بمعنى اه وسكتت... اما ادهم لاحظ ان  
كاميليا مسكت ايده مرة واحدة وشدت عليها...

ادهم : مالك يا كاميليا.

كاميليا بألم : مفيش تعبانة شوية.

ادهم : ايوا يعني مالك حاسبة بايه.

كاميليا : بطني بتوجعني هاقوم اخذ مسكن...

كاميليا استأذنت منهم وقامت ومراد لاحظها قام وراها...

وقفت في الاوضة بتدور في شنطتها على مسكن بتاعها  
ملقتوش،،، أنت بصوت ضعيف.

مراد جه من وراها : مالك يا كاميليا.

كاميليا لفت له : كويسة يا بابا.

مراد : لا مش كويسة، مالك في ايه؟!.

كاميليا : دا المرارة يا حبيبي بيجلي مغص كل شوية بسببها..

مراد بقلق وخوف عليها : طب تعالي نروح لدكتور .

كاميليا : يبقى معايا اتنين في البيت عز وميرا واروح لدكتور، انا بس هاخذ مسكن وابقى كويسة.

ميرا خبطت ودخلت : مالك يا كوكو .

كاميليا : لا انت كلكو هاتيحو انا كويسة والله، بس عندك اي نوع مسكن.

ميرا : اه عندي ثواني.

كاميليا مسكت بطنها ومراد جه جنبها وحاطها بايدة من غير مايتكلم.... وهي افكرت.

( فلاش باك .. )

ميرا : لازم عملي العملية في اسرع وقت يا كاميليا كدا خطر والمسكنات مش حل.

كاميليا بدموع : خايفة.

ميرا : من ايه بس دي عملية بسيطة .

كاميليا عيطت : مش خايفة منها، خايفة اموت واسيب بابا وانا لسه مشبعتش من حضنه، واسيب ماما، واسيب ادهم وولادي، انا عندي احساس اني هاموت فيها.

ميرا : بعد الشتر عنك، وبعدين الموت دا بيد الله وكل واحد وعمره ياقلبي، وصدقيني الاحساس دا بيجلي وانا نايمه في حضن مراد بس بتجاهله طبعا اصل انا ليا اجل هايحي هايحي وبعدين قولتلك العملية بسيطة اوي، الوجع كله بيبقى بعدها.





زين ضحك : انت مجنون، دا ابوها يعني بتحبه حب تاني كدا  
غيرك اصلا، انت مالكش الحق انك تغير، من حقها تحبه  
وتتمنى قربه، انت اكثر واحد عارف انها بتعاني قد ايه من بُعد  
ابوها، يابني اللي هي عشته مكنش سهل ابدأ، صعب واحدة  
في سنها بتتحايل على ابوها علشان يحبها، ولا انت بتغير  
علشان اهتمامها راح لابوها.

ادهم : ايوا والمفروض اني عارف كل الكلام دا بس مش قادر،  
يعني في تعبها دا انا عاوز اكون جنبها مش هو .

زين بحدة خفيفة : اللي بتتكلم عليه دا يبقى ابوها، وهو احق  
يكون جنب بنته اكثر منك، بالك انت لو ليان دي فيها حاجة، انا  
اول واحد واحق واحد اخدها في حضني مش عمر، بطل بقى  
شعورك الغبي دا، واوزن نفسك انا مش عاوز كاميليا تيجي في  
يوم تتهمك أنك السبب في بُعد ابوها، ابوها مش وحش يا  
ادهم، مراد دا مفيش منه اتنين ولا في حنيتة ولا في طيبة قلبه،  
الانسان اللي يسامح مراته وبنته على اللي عملوه فيه يبقى  
انسان يستحق انه يتعمله تمثال، مش هاتكلم تاني في  
الموضوع دا، بس هاسيبك تحبس بعد كام سنة كدا وتشوف  
لما اموت كاميليا هاتعوضك عني، وابقى تعال على قبري واقف  
كدا واقولي اه يابابا عوضتني ولا لأ.

زين جه يمشي، بس ادهم مسكه بسرعة : بعد البثر عنك  
ياريت متقولش كدا تاني، احنا منتخيلش حياتنا من غيرك .  
زين ربت على ايده : لا تخيل لاني مش هاعيشلكو العمر كله،  
ياريت تفهم كلامي وتعقل ردود افعالك كويس.

ادهم : حاضر.

\*\*\*\*\*

هنا قعدت مع ليان و كارما .. و كارما استغربت ازاي هما الاتنين اصحاب، ليان هادية في كل حركة بتعملها، اما هنا فيها كمية صخب و شعنونة بطريقة تجذب اي حد ليها بسرعة ..

هنا : بس بقى يا كارما قوليلي على دكتور تغذية كويس اروحله علشان اخس.

كارما : تخسي ايه!!، على فكرة انتي وزنك كويس جداً، هو انتي كنتي ارفع من كدا.

ليان : ايوا كانت ارفع من كدا، وكلنا بنقول ليها جسمها حلو جداً حالياً احلى بكثير كمان بس هي مش مقتنعة.

هنا : انا بشايفة نفسي تخينة كدا وعاوزه اخس.

كارما : على فكرة دا ممكن يكون اكتئاب ما بعد الولادة كنت درستها قبل كدا.

هنا : يوووه منا عارفة والله، بس انا عاوزه اخس.

ليان : هي دي بقى هنا لما بتصر حاجة لازم تعملها.

كارما : هاسالك على دكتور حلو واقولك.

هنا : هاتي رقمك بقى

من بعيد ليليان قاعدة جنب سارة : بشوفتي البنات حبوها ازاي.

سارة : هي تتحب اصلا، بتفكرني بيكي.

ليليان : ادعي يا سارة تبقى من نصيبه.

سارة : هو فين عزا!

ليليان : في اوضته.

سارة : اه طيب تعالي نفكر نجمعهم ازاي.

\*\*\*\*\*

يحيى دخل ولقى كاميليا نايمه ومراد بيمسد على شعرها  
طلع على السرير وهمس في ودن مراد..

يحيى : كوكي مالها .

مراد : عيانه شوية.

يحيى : اخدت دوا.

مراد : اه ادعي بس تكون كويسة.

يحيى : انا عارف حاجة هاتخليها كويسة، هاروح واجاي  
بسرعة.

مراد بصله لقاه مشي وخرج من الاوضة، ابتسم على تفكيره  
الطفولي....

\*\*\*\*\*

يحيى : كارمن.

كارمن : ايوا يا يحيى .

يحيى : بقولك ما تنادي طنط كارما وتجببها هنا لغاية ما اجيب  
شوكلاته واجاي.

كارمن : ليه؟! .

يحيى : علشان عاوزها تدي كاميليا اختي حقنه وتديها  
شوكلاته وتخف زي مانا خفيت، بس دا يبقى سر ما بينا.  
كارمن بطفولة : طب هاجبها واخببها في اوضة عز ماشي.

يحيى : ماشي يالا بسرعة.

كارمن راحت واصرت انها تقوم معاها وقامت معاها وكارمن  
دخلتها اوضة عز...

كارما : ايه دا في ايه يا كارمن.

كارمن: يحيى قالي اخبيكي هنا.

كارما ضحكت : وياترى ليه؟!.

كارمن : هو قالي ان دا سر هو يقولك بقى، اوعي تمشي لغاية  
ما اجيبه .

كارما : اوك حاضر، هاستنى .

كارمن طلعت من الاوضة وسابت كارما،،، كارما بصت على  
الاضوة هادية وفريشها جميل ومريحة اتجولت فيها دخلت  
اوضة تغير ملابس اكتشفت انها لراجل خمنت انها لعز  
اتوترت جت تخرج، رجعت تاني وتلقائيا راحت على برفانته  
وبقت تفتح وتنشم فيها وتدور في حاجته زي الطفلة وكانها  
عاوزه تستكشف كل حاجة تخصه وتعرف عنه حاجات كثير...  
وهي واقفة حسبت بايد تخبطها على كتفها لفت لفته عز  
واقف رافع حاجبه وببصلها وسباكت....

كارما بارتباك : طبعا انا لو قعدت احلف ان جيت هنا غلط  
ومكنتش اعرف مش هاتصدقني صح.

عز اتقدم وهي رجعت بضرها لورا، وملامحه كانت جامدة،  
ومفيش اي تعبير على وشه، هي اتوردت واتوترت، رجعت  
بضرها وخبطت في هدومه ومبقاش في مفر ترجع تاني وهو

اتقدم اكثر منها ومبقاش الا في بسنتي واحد بينهم..في  
اللحظه دي كارما كانت هايغمي عليها.....

الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة

انتهى البارت السادس

قراءة ممتعة

بقلم / زيزي محمد

ملحوظه بس      

عز كبر وبقى بشخص مسؤول اكيد هايغير ومبيقاش بتاع  
المقالب، بس روح الفكاهه هاتبقى فيه بس متظهرش الا في  
اوقات معينه... عز الدين الجارحي مينفعش يبقى تافه

ياجماعه    

نوفيلاً عندما يقع العزفي الغرام

الحلقه السابعة

كارما وهي واقفة حسيت بايد تخطها على كتفها لفت لفته عز  
واقف رافع حاجبه ويبصلها وساكت...كارما بارتباك : طبعاً  
انا لو قعدت احلف اني جيت هنا غلط ومكنتش اعرف مش  
هاصدقني صح.

عز اتقدم وهي رجعت بضرها لورا، وملامحه كانت جامدة،  
ومفيش اي تعبير على وشه، هي اتوردت واتوترت، رجعت  
بضرها وخبطت في هدومه ومبقاش في مفر ترجع تاني وهو  
اتقدم اكر منها ومبقاش الا في سنتي واحد بينهم.. في  
اللحظة دي كارما كانت هاغمي عليها...

عز بهمس : انتي عاوزه مني ايه؟!.

كارما وتقريبا تاهت : ها؟!.

عز ركز في ملامحها وركز على شفايفها وفي لحظة جنون  
وعقله اتغيب ميل براسه ناحيتهم، هي بعدت بوشها بعيد  
وخدودها بقوا كتلة من الطماطم...

كارما : حضرتك عيب ابعده.

عز بخفوت : حضرتي ايه وزفت ايه في اللحظة دي.

كارما : هاعيط وربنا، انا مينفعش اصوت، باباك ه aizعل منك،  
لو صوت ودخلوا هاقولهم انك عاوز تبو...

كارما بلعت باقي كلامها وسكتت، وهو ابتسم بخبت.

عز : طب سيبني اعمل كدا وصوتي براحتك حتى لما اتمسك  
متلبس يبقى بجد.

كارما وهي بتحاول تزقه بعيد عنها: يا دكتور عز اعقل وارجع  
لعقلك.

عز وقف مرة واحدة وبص حواليه، وهي استغربته : في ايه؟!..

عز : بحاول ارجع لعقلي.

كارما بصتله بغيظ وحت تمشي... هو مسكها تاني

\*\*\*\*\*

اما برا الاوضة.

كارمن بتشيب بتحاول تفتح الاوضة .. جه اسر من وراها.

أسر: كارمن بتعملي ايه؟.

كارمن: بفتح اوضة عز.

أسر: ليه مش عيب كدا ازاي نفتح اوضة حد وهو مش موجود.

كارمن: هو كدا عيب؟.

أسر: اه طبعا لازم نستأذن الاول.

كارمن: طب ممكن ادخل اخدها وامشي.

أسر: ايه دي يا حبيبي انتي عاينة حاجة جوا.

كارمن: اه خبيت كارما جوا لغاية ما اجاي.

أسر: نعم!!، كارما جوا.

كارمن: اه يحيى قالي خبيها وانا خبيتها جوا.

أسر: تخبي مين يا حبيبي؟!

كارمن: كارما يابابي.

أسر: لاهي مش جوا يا حبيبي تلاقيها برا مع تيته ومامي.

كارمن: لاهي مش برا، انا ها قول ليحيى يكون خباها في حته

تانية، بس يابابي دا سر اوعى تقول لحد، باي بقى..

كارمن مشيت وهو ضحك عليهم و على تفكيرها قرب منه

ادهم ومراد....



مراد : بتضحك على ايه يا أسير.

أسير : البت كارمن ويحيى قال ايه خبوا دكتورة كارما جوا.

ادهم بضحك : دماغ عيال، بس الاقولي عزفين مختفي يعني .

مراد سكت ثواني ووبعدها سأل أسير : هي بنتك قالت انها  
خبثها جوا هنا.

أسير : اه في ايه؟!!

مراد : وعز مختفي... اه ياشقي الواد دا بيعمل حاجات وانا في  
سنه كنت بعملها في الدرا مش علي كدا.

ادهم : في ايه يابني ما تفهمنا.

مراد : اصبر بس....

وحاول يفتح الباب لاقاه مقفول بالمفتاح.. باصلهم وضحك  
بمكر : مش قولتلكوا دا شقي.

\*\*\*\*\*

اما في الداخل....

كارما بتحاول تشد ايدها : يا دكتور سيب ايدي عيب كدا.

عز : بحس بمتعة رهيبه لما بضايقك.

وبعدها سمعو الباب حد بيحاول يفتحه...، وبعدها صوت مراد  
ظاهر : افتح يا عز.. افتح يا عز الشباب.

ادهم : انت يا ض افتح احسنلك.

كارما : يالهوي اتفضحت .

عز بضيق وبصوت خافت: اكنمي دلوقتي يا كارما.. تعالي ورايا.

كارما بخفوت: اجاي وراك فين؟!؟

عز بخفوت: اخبيكي .

كارما : تخبيني ليه؟! .

عز : انتي هبله انتي مش من ثانية كنتي بتقولي يالهوي  
اتفضحت، وبعدين لكي ان تتخيلي ان اخواتي يدخلوا يشوفكي  
معايا وقافلين باب الاوضة علينا وخدودك حمرا كدا هاي فهموا  
غلط على طول.

كارما برقت : غلط ايه، لا طبعا انا ها قولهم الحقيقة ها قولهم  
كارمن هي الي جبنتي هنا.

عز : بتعشقي الحقيقة قد عنيك، يابنتي يالا تعالي .

كارما : لا طبعا انا لا يمكن اكذب.

وراحت عند الباب : اصلا مين قفل الباب...

عز في ثانية كتم صوتها وشالها وودها في الحمام وهو بي قفل  
عليها : مسمعش حسك فاهمة ولا لأ معنديش استعداد  
يلبسوني في واحدة هبله زيك.

كارما بشاورت على نفسها بصدمة : يلبسوك في واحدة هبله.

وبعدها سمعت صوت اخواته حطت ودانها على الباب  
وسمعت.

عز : في ايه بتخبطوا كدا ليه؟! .

مراد بمكر وعينه بتتجول في الاوضة : بنظمن عليك ياباشا.



ليليان بزهبق : بقولكو ايه اسكتو.. من حق يا عز بشوفت كارما  
من وقت ما كارمن اخدتها وهي مختفية .

التلاتة ضحكو بصوت عالي وهي استغربت : في ايه؟!  
مراد : ابدأ يا ماما اسنتي ادخل ادور عليها في اوضة عز كويس،  
يمكن هنا ولا هنا.

عز في ثواني كان رزع الباب في وشهم...

ليليان : انتوا بتضايقو اخوكو من ناحية كارما عيب على فكرة  
هو حُر ويختار اللي هو عاوزاها.

مراد : طب ماتقولي لنفسك ياماما، انتي بشغالة من الصبح  
تخطيط على راس عز.

ليليان كشرت : مالكووش دعوة.

ومشيت وسابتهم وهما كمان مشيوا، عز اول ما سمع انهم  
مشيوا، راح فتح لكارما لقاها قاعدة على طرف البانيو وبتعيط  
في صمت...

عز : ايه دا كله علشان حبستك، يابنتي انا خايف عليكي.

كارما قامت وقفت ودموعها على وشها واتكلمت بصوت  
حزين وملامح زي الاطفال لما بتعيط او بتحزن : كتر خيرك  
وشكرا اوي يا دكتور على خوفك على سمعتي، بس حضرتك انا  
مش اي حد ولا انا هبله علشان يدبوسك فيا، انا بسكت  
ومبردش على حضرتك وعلى اهانتك ليا، علشان انا متربية،  
بس اظاهر حضرتك عاوز اللي يتكلم معاك باسلوب مش  
كويس، انا ماشية من هنا علشان انا مبحبش اتعامل مع اللي  
زي حضرتك الناس اللي مبتخافش على شعور غيرها،  
مبتأقلمش معاهم،، عن اذنك...

ولكنها رجعت وقالت بنبرة اكثر حزن : مئش ذنبي اني  
مبعرفش ارد على حد بقلة زوق، انا كدا .

عز مسك ايديها بسرعة : ايه كل الكلام دا، على فكرة انا  
مقصدتش كل اللي قولتية دا، انا قولتك بحب اناغشك .

كارما : مفيش مناغشة بكسرة نفس ولا قلب، انت قللت مني  
كثير اوي، وانا مبحبش كدا، لو سمحت سيبني .

\*\*\*\*\*

في المطبخ.. ميرا واقفة بتعمل عصير سرحانة في كلام  
ليليان، قلبها وجعها من فكرة انها مغصوبة على مراد، طب  
ليه هي ظهرت في حياته، من حقه كان اختار بشريكة حياته،  
معقولة يكون بيحبها حب عشرة او بيكمل معاها علشان  
ميزعلش زين، ممكن ليه لأ، مراد بيعمل حساب لزين  
وحساب زعله، الشيطان وسوس ليها في حاجات كثير، لغاية  
ما وصلت انه ممكن يكون له علاقة تانية، وليه لأ مراد ظابط  
مخابرات ويقدر انه يعمل كدا ويخبي كويس، معقول مراد  
ممكن يكون بيخونها... حسبت بايد على كتفها، لفت بسرعة  
وبخضة...

ميرا : خضتني يا مراد .

مراد : سلامتك من الخضة سرحانة في ايه..

ميرا بتنهيده: في حاجات كثير..

مراد : زي ايه؟! ..

ميرا : مئش وقته.. ساعدني بقا نطلع العصير دا .

مراد بضيق : براحتك بس افتكري اني سألتك اكثر من مرة  
وانتي اتهربتني..

ميرا : مفيش حاجة قولتك، يالا بينا.

\*\*\*\*\*

ليليان ماسكة في كارما على الباب : يابنتي ايه مخليكي عاوزه  
تروحي فاجأة كدا اقعدي معانا.

كارما وهي بتحاول ان دموعها متنزليش : لو سمحتي ياطنط انا  
قعدت كتير اوي، بس حاليا عاوزه اروح، وميرسي اوي على  
العزومة اللطيفة دي.

زين : كارما انا قايل لبابكي انك هاتقضي معانا اليوم، يبقى  
اقعدي معانا.

كارما خلاص هاتنفجر كلام عزبيرن في دماغها ونظرات نانا  
ليها بالا حتقار بتيجي في خيالها، عزت عليها نفسها....

كارما وهي بتحاول تمنع دموعها: انا عاوزه اروح الحمام ممكن

ليليان بصت لزين بعدم فهم.. وزين رد بسرعة : اه طبعا  
ممكن اخر الطريقة على ايدك الشمال.

كارما مشيت من قدامهم بسرعة ودخلت الحمام واول ما  
دخلت عيطت كتير، مفيش ثواني ولقت خبط على الباب.

كارما : احم حاضر ثواني..

غسلت وشها ولكن اثار دموعها لسه باينة على وشها،  
فتحت الباب اتفاجئت بعزبيشدها بسرعة ودخلها التراس  
في مكان بعيد عن اللي هما قاعدين فيه....

عز : على فكرة انا مبحبش اجرح حد ولا اضايق حد ولا هو من  
طبعي، ولا هو من اسلوبتي، ولا انا اتربيت على كدا ياكارما، كل

الحكاية اني بحب اناغشك واضايك، بحب اطلع النرفزة اللي  
جواكي لانك بتبقي...

عز سكت بشوية وبعدها اتنهذ وكمل كلامه : بتبقي حالة كدا،  
حالة غريبة على بعضك من ملامحك لحركات جسمك  
لكلامك اللي كله طفولة ..

جت تتكلم وترد، قرب منها وخط ايده على شفايفها يمنعها  
تكمل وهي شالت ايده بسرعة: الطفولة اللي جواكي مش  
حاجة وحثنة بالعكس حافظي عليها ياكارما، لانها حاجة  
نضيفة وحلوة، متزعليش مني انتي زي ليان اختي كدا وبقيتي في  
معزتها.

كارما في اللحظة دي كانت عاوزه تعيط بجد، زعلت من نفسها  
لأنها بصتلها بنظرة تانية نظرة حبيب اعجبت بيه بكل تفصيلة  
فيه، لكن هو شايها زي ليان اخته... صحيح هايحبها ازاي  
وهي طفلة ...

عز كان بيدقق فيها بيثيوف ردة فعلها على ملامحها، ولكنه  
سمع دوشة برا، خرج بسرعة لقاهم...

مراد الالفي : عز بسرعة كاميليا تعبت تاني، بتأن جامد  
والمسكن معمولش حاجة.

عز : طب بسرعة هاتوها على المستشفى كدا المرارة لازم  
تتشال باسرع وقت، هاكلهم يجهزو العمليات.

كلهم نزلوا وسابوا هنا وليان مع الاولاد ...

ركبوا عربايتهم وعز شد كارما من ايديها معاه في عربيته..  
كانت عاوزه تقوله سيبني اروح مش عاوزه اشوفك تاني،

ولكنها سبكتت ونظير للعزومة دي تقف معاهم في محنتهم  
فاقت من تفكيرها على صوت عز بيتكلم في التليفون...

عز: قولي لدكتورة نانا تجهز انا جاي مسافة الطريق.

كارما فاجأة وبدون مقدمات وكانها كانت زلة لسان : هو انت  
بتحب الدكتورة نانا.

عز باصلها : نعم!.

كارما بارتباك : اقصد يعني بينكو حاجة، اصل حسيت كدا،  
وسمعت كلام في المستشفى.

عز: انا اللي معجب بيها لكن هي معرفتش.

كارما سبكتت واتكلمت في سرها : طبعا يكون بيحب الدكتورة  
نانا، شخصية جميلة وليها كيائها، وكمان جراحة زيه،  
هايحب فيكي ايه يا كارما انتي يا بتاعت الطفولة ، وقال ايه  
حافظي على الطفولة اللي جواكي، علبشان تقعد تضحك عليا.

وصلوا كلهم المستشفى ومراد ملامحه خوف وقلق، وادهم  
ماسك فيها عز جه ياخذها .

ادهم ميل عليه : مش عاوز راجل في العمليات ولا حتى انت  
عاوز ميرا هي اللي تعملها العملية.

عز باصله ثواني بيحاول يستوعب غيرة اخوه ازاي في مواقف  
زي دي ولكنه سبكت وميرا فعلا دخلت العمليات مع نانا....

زين ميل على ليليان وهمسلسلها : ابنك عنده غيرة قاتلة بيغير  
من ابوها عليها، وبيغير من اخوها، كدا مينفعش.



ليليان باصتله ثواني وبعدها اتكلمت بنفس همسه : وياترى  
طالع لمين يازين، مش ليك، هو انت مش فاكر كنت بتعمل  
ايه فيا.

زين بيمثل الصدمة : مين اناا، ابدأ.

ليليان : لا كنت بتغير زمان اوي وبطريقة مجنونة، بس انا لما  
كبرت بطلت تغير.

زين شدها شوية لورا وهمس : وحياتك وليس مجنون بيكي،  
وبغير عليكي، انا بطلت اغير عيشان قدرت اخلي حياتك  
مقتصرة عليا انا وبس مفيش غيري، مفيش حد اغير منه،  
اغير من نفسي يعني.

ليليان ابتسمت برقة ، زين فعلا قدر بذكائه يقصر حياتها عليه  
وهو ولاده والغريب انها حابة كدا....

زين : بلاش الابتسامة دي يا لي لي.

ليليان : انت لازم تسبكت عيشان احنا في المستشفى، والبنت  
في العمليات.

كارما قاعدة جنب سارة بتحاول تهديها هي ومراد : هتبقى  
كويسة والله، دي عملية بسيطة.

سارة : يارب .

ممرضة جت عليهم وميلت على كارما... وبعدها كارما  
استأذنتهم ان في حالة وعاوزينها ضروري..

\*\*\*\*\*

في بيت الجارحي...



هنا : هما متصلو بش طمنونا على كاميليا ليه؟؟؟.

سيلا جت بتعيط: عمتو ليان.

ليان : بتعيطي ليه ياروحي.

سيلا : مامي فين؟!، انا عاوزها.

ليان : مامي بطنها وجعتها بابي وجدو اخدوها عند الدكتور  
يدوها حقنة ، مش انتي لما تتبعي بتروحي عند الدكتور.

سيلا : اه بروح.

ليان : وهي جاية يا حبيبتي تعالي بقى في حضني..

على جنب تاني....

يحيى قاعد بيعيط لما شاف كاميليا بتتوجع قدامه، وكان قاعد  
معاها لارا وفيروز بنات عمر، وكارمن بنت هنا، لي لي بنت  
مراد.. جه ادم عليهم وفي ايده كوباية عصير..

ادم : اتفضل يا يحيى.

يحيى رافع راسه : دا ليا؟!..

ادم : اه ليك اشربه وهاتكون كويس، تيته ليليان على طول وانا  
مضايق بتعمله وبتخليني اشربه.

يحيى : بس انا مش مضايق.

لارا : امال انت مالك زعلان يعني.

يحيى : انا خايف على كاميليا اختي.

فيروز طبطت على ايده براحة وبهدوء كعادتها : انا سمعت  
مامي بتقول لسيلا انها عند الدكتور بتاخذ حقنة وهاتيحي  
بس سرعة مش تخاف احنا معاك.

ادم : اشرب يالا العصير.

\*\*\*\*\*

في مستشفى الجارحي.

كاميليا خرجت من العمليات واتنقلت اوضة ..

ميرا بضيق : عزانت ازاي مستحمل نانا دي يخربيت الكبرياء  
اللي فيها، انا كنت هامسبك فيها كذا مرة جوا.

عز بضحك : هي كدا اسلوبها كدا مع الكل حتى معايا بشخصيا  
كانها هي مديرة المستشفى مش انا .

ميرا : لا غلط كدا، المفروض تخف من حدتها بشوية، لو هي  
بتتعامل كدا مع الدكاترة اللي زيها مابالك بقى بالمرضى  
والمرضى، ياريت تكلمها تخف من اسلوبها بشوية، انا  
استحملت اسلوبها العدائي معايا لاني مبيشتغلش هنا لكن  
والله لو بشتغل ماهعديها على خير.

عز : ايه دا اول اشوفك بتتكلمي بالطريقه دي، له حق مراد  
اخويا يمنعك من الشغل.

ميرا بضحك : لا انا في الشغل شديد،، واخذ بالك انت.

ميرا وعز قعدوا يضحكوا ومراد واقف مراقبهم من بعيد  
واضايق منها لانها من الصبح مكشيرة في وشه، ودلوقتي  
بتضحك مع عز عادي...

مراد بغضب مكتوم : ماشي يا ميرا، اضحكي حلو .

اما في غرفة كاميليا كانت بتفوق من البنج ومراد وسارة  
حواليها من ناحية وادهم من ناحية وزين وليليان واقفين  
بعيد مدينهم مساحه يطمنوا عليها... أسر برا بيطن هنا  
وليان.

نانا دخلت لقتهم اضايقت : ايه دا مين يسمح انكو تدخلو ولسه  
المريضة مفاقتش.

سارة بدموع : هي هاتفوق امتي؟!.

مراد : اهدي يا حبيبي، اكيد هاتفوق دلوقتي..

نانا اضايقت من تجاهل كلامها اتكلمت بحدة : على فكرة انا  
الدكتورة المسؤولة عن المريضة وياريت كلكو تطلعو برا.

ادهم بحدة وبصوت اعلى : اطلي انتي برا خالص، انتي بتتكلمي  
كداليه.

نانا اتعصبت وطلعت من الاوضة ورزعت الباب وراها  
بقوة... ليليان طلعت وراها ملحقتهاش..

\*\*\*\*\*

اما عند كارما....

ماجد زميل كارما في القسم..

ماجد : كويس انك رجعتي يا دكتورة الشغل خفيتي علينا  
الحمل والله وما شاء الله الاطفال بتحبك.

كارما ابتسمت بود : ميرسي يا دكتور..

ماجد : انتي جاية تبتغلي هنا بسبب المنحة .

كارما : منحة ايه؟! .!

ماجد : المنحة اللي بتقدمها المستشفى كل سنة لالمانيا...  
اكثر دكتور ملتزم وممتاز في شغله بيروح المنحة دي  
المستشفى بتختار دكتور من كل قسم.

كارما : وحضرتك قدمت فيها؟! .!

ماجد : بلاش حضرتك دي، احنا زمايل، ومينفعش ياستي  
اقدم فيها لان دي لحديثي التخرج زيك، وبعدين انا داخل على  
جواز.

كارما : الف مبروك وربنا يتمم على خير..

ماجد : ربنا يخليكي، المهم قدمي فيها ها تخديها على طول .

كارما : اوك...

ماجد خرج من الاوضة وهي فكرت حسبت ان دي علامة من ربنا  
علشان تنضج اكثر وليه لأليه الخوف تقدم وتتعلم تجارب  
وحاجات جديدة في حياتها...

\*\*\*\*\*

ليليان : اوضة دكتورة نانا فين لو سمحتي؟! ..

:\_ تالت اوضة على اليمين؟! .!

ليليان راحت هناك وخبطت ودخلت لقتها قاعدة بتعيط ...

ليليان : ممكن ادخل؟! .!

نانا رفعت راسها : انتي دخلتي خلاص.

ليليان ابتسمت ودخلت وقفلت الباب : ممكن اتكلم معاكي.

نانا سكتت ولييان مدت ايديها مسحت دموعها،، حسبت ان  
ورا البنت دي حكاية كبيرة وفي عنيتها كمية الم ناتج عن  
سلوكها دا.

\*\*\*\*\*

كارما راحت على اوضة عز ودخلت...  
كارما : دكتور عز كنت عاوزه اقول لحضرتك حاجة .  
عز ابتسم : خيرا كارما، جاية تقدي استقالتك .  
كارما رفعت راسها :. لا جاية اقدم في المنحة.  
عز ضحك : منحة ايه؟! .  
كارما : منحة المانيا.  
عز : انتي تروحي المانيا لوحدك، يابنتي دا حرامي وكان هايغمي  
عليكي .  
كارما : لو سمحت انا جاية اقدم وخلص، حضرتك مالكتش  
دعوة  
عز : لا ليا دعوة ، وانا بقولك انا رافض .  
كارما : ليه بقي؟! .  
عز : مزاجي كدا شايفك متصلحيش .  
كارما : طب والله لا قدم فيها وبالعدن فيك وبكرة تشوف انا  
هاعمل ايه يا دكتور عز .  
كارما مشيت... عز رافع حاجبه : بكرة تشوف!!! ماشي يا كارما  
يانا يانتي مش هاقتدي فيها.

\*\*\*\*\*

مراد ماسك ايد ميرا بقوة وواقفين على جنب : تضحكي مع عز  
والضحكة من الودن دي للودن دي، لكن انا مكشيرة في وشي.

ميرا بتحاول تفك ايدها : مراد في ايه ايدك بتوجعني.

مراد : ردي انتي عليا في ايه، انا هببت ايه علشان البوز الجميل  
دا متصدرلي من الصبح.

ميرا : معملتش حاجة، انا بس مخنوقة ومش عارفة السبب .

مراد فك ايده : لا انتي عارفة السبب بس مش عاوزة تقولي  
مش عاوزة تشركيني، انا مش عبيط مفيش حد بيتخفق من  
غير سبب يا ميرا، براحتك متقوليش انا بسألت كثير، وعلى  
فكرة السبب يخلصني لان التكشيرة دي في وشي انا بس...  
تدخلي تظمني على كاميليا وثواني والاقبي قدامي علشان  
اروحك .

ميرا : تروحي لي انت مش هاتروح معايا.

مراد : مالكيش فيه ارواح مروحيش مالكيش دعوة يالا بقى  
اخلصي مش فاضيلك.

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة

انتهى الفصل السابع.

قراءة ممتعة.

بقلم / زيزي محمد

نوفلا عندما يقع العزفي الغرام



## الحلقه الثامنہ....

ليليان : انا اسفہ بسبب اللي عملہ ابني، بس دا من خوفہ على مراتہ عاوز يظمن عليها. نانا بصتلها بسخريه : بيخاف اوي.

ليليان عقدت حواجبها : هو انتي تعرفي ابني ادهم .

نانا بعصبيه وفاجاه انفجرت : لا معرفوش بس هوزي اي راجل في الدنيا، كداب خداع منافق هاي فرق ايه عنہم.

ليليان بصتلها بصدمه وفهمت ان ليها تجربہ حبت حد وانخدعت فيه، ردت بعفويتها : لا على فكرة فكرتك غلط، مش كل الرجاله وحشہ، وزى مافي الحلو في الوحش، وكمان من جنسنا فيه الحلو والوحش، انا على فكرة انا بكلمك عن تجربہ، انا قابلت الوحش والكويس، مش معني انك حبيتي شخص وانخدعتي فيه يبقی الرجاله كلها وحشہ.

نانا : لا محبتش وليا الشرف ان محبتش، انا بتحب بس لكن انا قافلہ قلبي.

ليليان : اسمحيلي بناء على ايه بتتكلمي وانتي مالكيش اي تجربہ.

نانا اتكلمت وهي مش عارفه بتتكلم مع ليليان ليه عمرها ما اخدت واتكلمت مع حد في الكلام الا لخالتها بس :

لا ليا تجربہ وقاسيه كمان، ومن ناحيه مين الاب كمان، من ناحيه ابويا.... ابويا كداب وخداع ومنافق باع امي بالرخيص واتجوز عليها واحده كان بيحبها وهو في الجامعه ورماني انا وامي، ومسألش فيا ولا فيها، وهي ماتت وسابتنني مع خالتي، وانا بقيت من غير اب ولا ام، حياتي اتهدت علشان اب اناني،

ضيع امي بانانيتها وضيعني انا كمان، بثفتي تجربتي ، قاسيه بقى  
ولا لا، كلهم زي بعض ولا لا، لما اب يعمل كدا في بنته، يبقا  
المفروض ان احب وافتح قلبي ابدًا مش هايحصل، انتي عارفه  
انا عايشه علشان اكبر وانجح واسمي يتقال في كل مكان،  
علشان يعرف اني مموتش من غيره وهو لا يعني في اي  
حاجه، وهاعمل كدا.

ليليان : يا حبيبتى عشيتي تجربه صعبه، كان الله في عونك، طب  
هو مسألش عليكي ولا مرة ولا حاول يوصلك.

نانا عيطت : ولا مرة مكنش اصلا عاوز يخلف من امي، لانه كان  
بشايف جوازهم محكوم عليه بالفشل، بس هي حملت غلط،  
وانا جيت علشان اشوف اللي محدش بشافه .

ليليان : لا بصي كل واحد عاش تجربه فينا، فاكر انها اصعب  
تجربه ممكن يمر بيها حد في حياته، انا قدامك عشيت تجربه  
صعبه وانا قدك كدا، وكانت القسوة بردوا متمثله في اعمامي  
وابن عمي ومكنش ليا حد في الدنيا دي، المفروض بقى ان اكرة  
كل الرجاله، بالعكس معملتش كدا، على فكرة انا امي وابويا  
ماتوا وانا صغيرة وملحقتش اشبع منهم، وكبرت على قسوة  
اعمامي ليا، بس الحمد لله ربنا عوضني بجوزي، انا متهايلي  
مشفتش في حنيته حد، وكان عوض ربنا ليا كبير اوي، في  
حياتي مع جوزي واولادي، ربنا بيعوض على فكرة وعوضه حلو  
بس احنا نصبر ونكمل ونعتبر اي حاجه عاجز لينا في حياتنا دا  
ابتلاء، محدش عارف ربنا حكمته ايه، بس خليك واثقه انه  
مبيظلمش عبادة، سيبني نفسك للحياة، اصبري على ابتلاء  
ربنا، كل ما تفكري في موضوع بابكي قول الحمد لله يارب، انا  
مبقولكيش انه مش غلطان، هو ربنا يسامحه على اهماله  
فيكي، وهيتحاسب عليكي، حبيبتى كلهم مش زي بعض، والله

ربنا هاي عوضك بزوج حنين او بشغل كويس، العوض جاي  
جاي يا حبيبتي .

نانا بضعف :انتي عاوزي اتجوز واحد يعمل معايا نفس اللي  
ابويا عمله، ويعمل كدا مع اولادي.

ليليان : وليه يا حبيبتي تختاري حد زي بابكي، مانتي في ايدك  
الاختيار، اختاري صح، حكمي قلبك وعقلك مع بعض.

نانا : اللي انتي بتقوليه صعب، دي مشاعر جوايا من سنين  
صعب تتنسي او تروح بكلمتين منك.

ليليان ابتسمت: دي مش مشاعر دي عُقد...

نانا باصلتها وليليان كملت كلامها : اه دي اسمها عُقد يابنتي،  
انتي بقيتي مُعقدة من اللي حصلك، ولازم تروحي لدكتور نفسي،  
وفي نفس الوقت كملتي حياتك، وحققي نجاحتك الي نفسك  
فيها، مش علشان ابوكي ولا حد علشانك انتي يا حبيبتي،  
وقتها هاتحسي بشعور مختلف، شعور له طعم حلو بجد،  
مش شعور ماسخ ولا له طعم ولا روح، اسمعي كلامي، انتي  
بنت جميله وملامحك رقيقه، تستاهلي كل حاجه حلوة في  
الدنيا، اتعالجي علشانك انتي مش علشان حد، علشان يوم ما  
تقابليه بشريك حياتك تبقي نفسياً مجهزة لكده ومتضيعوش  
من ايديكي، بسبب عُقد اخدت من حياتك كتير، اللي جاي دا  
ليكي بقى استمتعي بيه، وبكرا لما تقابلي الراجل الصح اللي  
يعوضك عن كل حاجه، هاتعرفي معنى كلامي كويس وياعني  
ايه عوض حلو من ربنا، وابقى وقتها ادعيلي دعوة حلوة منك...

نانا كانت اول مرة تسمع لحد كدا، يمكن سمعت من خالتها  
شويه بس كانت بترفض تكمل معاها حوار، لكن دلوقتي

سمعت كثير وسمعت كلام لمس قلبها قبل عقلها، بثافت  
نور بسيط قدامها قصاد ضلمه عنيا، اتخيلت نفسها تحب  
وتعشق ولكن مخاوفها قدامها بتحارب النوردا، ليليان  
خرجت من الاوضه وهي محستش، سرحت في كلام ليليان  
بتعيده في عقلها....

\*\*\*\*\*

اما عند زين ...

قاعد وحاطط ايدة على راسه من نقار ادهم ومراد....

مراد بحدة : قول لابنك يتلم يا زين.

ادهم : انا ملموم، انا مش عارف بتعرض على ايه، دي مراتي  
وانا حُر فيها.

مراد : ودي بنتي ومن حقي اخدها عندي.

ادهم : دي مراتي وليا بيتنا وهانروح عليه.

مراد : انت وراك بشغلك، وانا اولي ببنتي تقعد معايا اخدمها انا  
وامها.

سبارة : كلام مراد صح يا ادهم، انا هاعرف اخد بالي منها لكن  
انت يا حبيبي هاتاخذ بالك منها ولا من الولاد واكلهم دي  
مسؤوليه صعبه.

ادهم وهو بيبيص بتحدي لمراد : متقلقيش هاخذ بالي منها  
كويس، ولما ابقى اشنتكي هابقي....

مراد قطع كلامه بحدة : وانا لسبه هاستني لما تشنتكي انا  
هاخذها ماليش فيه.

زين : بس بقا، حرام عليكوا ايه الصداع دا، جوزها المفروض  
يكون جنبها...

مراد قطع كلامه : زين انت بتقول ايه...

زين بعصبيه : هو انا كنت كملت كلامي استنى، زي ما قولت  
جوزها من حقه يفضل جنبها، وابوها وامها بردوا، وبعدين  
انت عندك ثلاث عيال دول مسؤوليه، كاميليا تروح بيت  
مراددد...

مراد ابتسم بنصر لادهم،، ولكن ابتسامته اتلاشت لما زين  
كمل كلامه...

زين : كاميليا تروح بيت مراد وانت تروح معاها وبكده ببقا  
راضينا كل الاطراف، وهي كمان تتبسط وسطكوا..

وكمل كلامه بتحذير : وقبل اي كلمه تانيه والله اخدها عندي  
وامنعكوا تيجوا تبصوا عليها، وانا قادر واعملها...

سارة بخفوت : خلاص بقى يامراد عدي اليوم دا على خير.

\*\*\*\*\*

زين : امال انتي كنتي فين.

ليليان : كنت براضي البنت اللي ادهم زعقلها، في ايه.

زين بضيق : بتمشي كدا كاني مش موجود.

ليليان : هو انا رocht فين، منا هنا اهو انت في ايه مالك؟!.

زين : انا اتخنقت من ادهم ومراد بجد ايه دا...

كارما جت عليهم : اونكل زين؟!.

زين لف ليها : ايوا يا كارما.

كارما : انا عاوزة اطلب من حضرتك طلب ممكن.

زين : اه طبعا .

عز جه من وراها : طلبك مرفوض ، ويا لا روجي شوفي شغلك .

كارما : انا مبكلمش حضرتك يا دكتور عز .

عز بعند : وانا هنا ليا الكلمه الاولى والاخيره ومفيش منحاحات .

كارما اتغاضت منه : ويا سلام ليه بقا وانا اقل من الدكاترة  
المقدمين في ايه؟! .

عز : اقولك ومتزعليش .

كارما : رايك مئش يهمني .

عز نسي ابوة وامه اللي واقفين متابعين الموقف ومسيك  
دراعاها : لا ليسانك يطول اقطعه .

زين شد ايدة وميل عليه وهمس في ودانه : ايدك لو اتمدت  
تاني انا اللي ها قطعها .

عز بنرفزة : مفيش منحاحات ولو مئش عاجبك الباب يفوت  
جمل .

كارما دموعها نزلت وجريت على اوضتها اخذتها شينطتها  
وركبت تاكسي ومشيت ...

ليليان بحددة : اخص عليك دي تربيتي ليك انت بتزعقلها ليه؟! .

عز بنرفزة : علشان تستاهل كدا .

زين بحددة : عز .

عز : انا قولت ميه مرة لما اكون متنرفز محدش يكلمني ...

قال كلامه وسابهم ومثني...

ليليان : هو عز اتجنن.

زين مسك راسه بتعب : سيبك منه.

ليليان : مالك يا زين.

زين : تعبت من المناهدة والمناقرة طول اليوم، الواحد قال  
لما يكبروا مسؤوليتهم بتقل، ابدأ طلعت غلطان  
مسؤوليتهم زادت وكبرت وانا اظاهر كبرت وبقيت اتعب.

ليليان حسست ان الضغط كله على زين وفعلا مستحمل كثير،  
آن الاوان تشيل هي شويه وتريحه...

ليليان : طب بينا يا حبيبي نروح لازم ترتاح، كاميليا ادهم ومراد  
قاعدين معاها .

زين : يالا...

\*\*\*\*\*

مراد وصل تحت البيت، وميرا فضلت ثواني في العربية...

مراد : في ايه ما تطلعي.

ميرا : كل مرة بتوصلني لغايه باب الاسانسير.

مراد ببرود : مش فاضي ورايا شغل.

ميرا ،، بليل كدا.

مراد : شغلي في كل وقت وماليش معاد وانتي عارفه كدا  
كويس.

ميرا بدموع : انت بتكلمني كدا ليه؟!!!

مراد زعق: انتي الكلام احلو عندك قدام الحراسه، ماتطلي  
تخلصي.

ميرا اتفزعت من صوته، ونزلت بسرعته وهي بتدراي وشها من  
الحراسه علشان محدث يلح دموعها الي غرفت وشها  
في ثواني....

طلعت فوق ليان وهنا حاولوا يعرفوا مالها هي رفضت ودخلت  
اوضتها..

ليان : ياساتريارب مالها دا انا عمري ما شوفتها بتعيط من  
سينين.

هنا : ممكن يكون مراد مزعلها.

ليان : اكيد ابيه مراد محدث يرضي يزعل ميرا دي قبل ماتكون  
مرات ابيه دي اختنا.

هنا : طب اتصلي على عمر اعرفي في ايه.

ليان : لأ ابيه مبيحكيش حاجه تخصه اوي كدا لحد، وبعدين  
عمر مع أسير.

هنا : طب هانسبيها كدا.

ليان : هابقي اقول لمامي هي قريبه منها.

\*\*\*\*\*

عزطاح في كل المستشفى اتعصب عليهم كلهم، مسببش  
حد الا وزعق فيه، وقف لحظات في اوضته يتنفس وبينهج  
بسرعته، بيحاول يستوعب ماله، ليه فقد هدوءه واتعصب  
بالشكل دا حتى على امه وابوه،،، كارما هي السبب، عرف من  
الامن انها مشيت...



عز لنفسه : احسن في بستين داهيه من وقت ما جت وانا مش  
مضبوط ولا عارف اشوف بشغلي، طالعالى زي البخت في كل  
حته، ولأ أمي بتحاول تدببها فيا دي مستحيل اخر واحدة  
افكر فيها بست زفته...

\*\*\*\*\*

في بيت كارما...

منى والدتها بتحاول تهديها وتفهم منها مالها وايه خلاها  
منهارة بالشكل دا، بعد فترة اخيرا بطلت بشهاقتها المستمر  
وهديت وقدرت تحكي لامها كل حاجة، كارما مبتخبيش عن  
عيلتها اي حاجة كتاب مفتوح ليهم، وخصوصا امها...

امها ابتسمت : يا عني دا الي مزعلك..

كارما وهي بتعيط : هو دا قليل ياماما.

منى : اه طبعا حاجة بسيطة، بس فيه حاجة اكبر جواكي.

كارما خافت امها تفهمها اتوترت : حاجة ايه؟!.

منى : انتي حبيتي عزيا كارما؟!..

كارما بارتباك : ايه مين انا لا.

منى : اهدي يا حبيتي مالك مرتبكه ليه، لو حبيته فدا غصب  
عنك، شعور اتولد وكبر جواكي، قلبك فتح ودق له ودا مش  
بايدك.

كارما عيطت : شفتي يا ماما يوم ما قلبي يدق لحد يطلع  
شخص غلط، انا والله ما عارفه انا حاليا بقيت بكرهه ولا بحبه،  
بس اللي انا حاسها مش عاوزة اشوف وشه.

منى : مئش هاترجى المئستئشفى تانى.

كارما : لا خلاص كدا، مبقاش ليا مكان هناك.

منى : هو انتى عندك استعداد تروحي المانيا فعلا.

كارما سئكتت ومنى فهمت انها كانت محاوله بريئه منها تثبت  
لعز انها انسبه وناضجه، بس هي زي السمك الي لو طلع برا  
بيئته يموت...

\*\*\*\*\*

فى بيت الجارحى...

هنا مشيت مع أسير وليان بلغت امها قبل ما تمشي بحالة  
ميرا... ليليان فضلت مع زين لغايه ما نام ونزلت تشوف ميرا  
لقت يحيى قاعد بعيط لوحده...

ليليان بقلق : يحيى مالك؟

يحيى بدموع : عاوز بابا وماما.

ليليان باسسته : حبيبي هما نايمين فى المئستئشفى مع كاميليا  
وهايجو الصبح.

يحيى : عاوز اكلم بابا ماليش دعوة.

ليليان جابتله تليفون واتصل على مراد....

مراد قاعد فى المئستئشفى وسارة سائدة على كتفه ونايمه

مراد بهدوء : الو.

يحيى بلهفه : بابا.

مراد : ايه يا حبيبي مالك .

يحيى : عاوزك انت وماما .

مراد : حبيبي خليك عندك وانا بكرة للصبح وعد هاجاي اخذك .

يحيى بعياط : مش عارف انام يا بابا انا عاوز ماما ..

مراد قلبه رق لعياطه، يحيى مش مسموح له يعيط وكل طلباته مجابه....

مراد : هاكلم حد من الحراسه يجيبك ليا يا حبيبي .

يحيى بفرحه : بجد يا بابا .

مراد : من امتي بابا قال كلمه ليحيى ومنفذ هاش، يلا جهز نفسك .

ليليان عرفت اللي مراد هايعمله، وابستمت بحب لحب مراد ليحيى، وفرحه يحيى بانه هايروح لمراد وسارة..

يحيى مشي وليليان اتنهدت ولسه هاتقوم تنام لقت مراد داخل بهدوء البيت .

ليليان بضيق : حمد لله على سلامه .

مراد : الله يسلمك يا امي، ايه مصحيكي .

ليليان : مستنياك، مستنيه ابني الكبير اللي مزعل مراته ومخليها تطلع منهاره .

مراد بسخريه : هي لحقت قالتلك .

ليليان : لا مقالتيش، ليان وهنا شافوها وهي بتعيط ورفضت تتكلم، ايا كان اللي بينكوا وانا ماليش حق ان ادخل ولا اسالك ولا اسالها، بس انت ابني ليا حق اعتابك، انت زعلتها وخلتها

تعيط وسببها تتفلق وجاي دلوقتي بكل برود وهاتدخل تكمل  
بردوك عليها، انا بقى بقولك اياك يا مراد دا يحصل، انا مئش  
هاسمع تاني انك السبب في عياط ميرا، ميرا دي بنت ابن عمي  
اللي كان في مقام اخويا، يعني ببساطه بنت اخويا، اياك  
تزعلها ولا تكسرهما بكلمه، فاهم ولا لأ انا هاقفلك على فكرة.

مراد استغرب هجوم ليليان، امه عمرها ما كانت بالهجوم دا  
ابداً، ودا باين على ملامحها وحركات جسمها المنفعله، قام  
من مكانه وراح لها وقف قدامها ومسك ايديها وباسهم  
براحه...

مراد : انتي مالك قالبه عليا كدا ليه؟!، انا عملت ايه لكل دا، دا  
مجرد حاجه بيني وبينها يا حبيبتى حاجه بسيطه مئش اكثر.

ليليان بدموع : وتزعلها ليه، انت مئش عارف احساسها اصلا،  
لما تكون الواحدة ولا اب ولا ام ولا اخ ولا اخت وحيدة كدا، وتيجي  
انت المفروض تكون السند تزعلها، تروح لمين هي بقى،  
احساس وحش، ابوك عمره ما حيسسني اني وحيدة وعمره ما  
مل مني ولا من عياطي ولا حتى من تفكيري، بالعكس دايم  
كانت الايد الحنيه اللي بتطبطب عليا، وانا عاوزك كدا،  
متسمحش لنفسك انك تزعلها ولا تخليها تعيط، عاوزك  
تكون صبور وحمول على قد ما تقدر.

مراد باس جبينها : حاضريا امي، ليه الدموع دي يا عني انتي  
وميرا بتعيطوا والسبب مني، اموت انا بقى..

ليليان نهرته : بعد الشر عنك يا حبيبي، بس ميرا دي بحسها  
حته مني، قاست وعاشت اللي انا عشتته، علشان كدا بحس  
بيها، متزعلهاش يا مراد علشان خاطري .

مراد : انتي خاطر ك كبير عندي بالدنيا، ماما انتي بتكلميني عن  
واحدة كانها من البشارع، ميرأ أنا بحبها ومش بس بحبها أنا  
بعشقها والله وقبل ما تكون حته منك هي حته مني ايه، بس  
أنا عادي بقسي في مواقف لازم اخد فيها موقف علشان  
متمادش بس فهمتي يا حبيبي.

ليليان : فهمت يا حبيبي، ربنا يسعدكوا ويخليكوا لبعض يارب.

زين بضيق : المشهد دا مش هاخلص ولا ايه.

الاتنين لفوا لقوه واقف على السلم ...

مراد بضحك : انا هانسحب زين باشا صحي.

مراد مشي وليليان راحت لزين وهو شاف دموعها : شفتي انا  
بقي كنت صح بلاش انتي تحلي مشاكل بتعطي على طول.

ليليان بتمسح دموعها : مش عارفه دموعي قريبه ليه.

زين باس عينها : علشان عيونك حلوين.

ليليان : عيب يالا نطلع اوضتنا .

زين : صح تعالي انتي وحشتيني اوي.

ليليان : انت مكننتش نايم .

زين : وانا من امتي بعرف انام وانتي مش في حضني.

\*\*\*\*\*

مراد دخل اوضته، بص على ميرأ، لقاها نايمه وبتمثل كانها  
نايمه، ابتسم وقرب منها وطبع بوسه على خدها وجبينها  
ودخل الحمام... هي فتحت عينها اول ما حسبت انه دخل

الحمام وقامت بسرعه على محفظته وفونه وبدأت تقلب فيها، وحاولت تليفونه معرفتشن، نفخت بضيق...

مراد بهدوء : بتفتشي في ايه ياميرا.

ميرا لفت بسرعه بخضه لفته واقف لابس بنطلونه من غير تيشترت،،،وماسك تيشترته في ايدة.

ميرا بارتباك : ااا، انا،،.

مراد قرب منها ورمى تيشترت على السرير، ومسك وثها بهدوء : بتفتشي في ايه يا حبيبيتي.

ميرا بعدت عنه بنرفزة : انا مش حبيبتك، انت عمرك ما حبتني، وبلاش تشغل المخابرات دا معايا انت مش هتضحك عليا.

مراد : نعم مخابرات ايه.. ايه الي انتي بتقوليه دا .

ميرا : افتح التليفون دا لو سمحت، انت قافله ليه؟! .

مراد رفع حاجبه : نعم!!!، التليفون ببصمه وانتي عمرك طلبتي افتحه ومفتحتوش قبل كدا.

ميرا : لا بس افتحه حالا.

مراد فتحه بهدوء وادهوالها وهي مسكته وجت تفتشن فيه رجعت في قرارها تاني ووقفت...

مراد : وقفتي ليه فتشي براحتك عادي .

ميرا عطته التليفون تاني وقعدت على طرف السرير وعيطت.. وحطت راسها بين ايديها...مراد قعد جنبها وحاوطها بايديه ..

مراد : اظن من حقي اعرف مالك؟!..

ميرا رفعت وثبها : مراد هو انت بتحبني، طب انت اخدتني  
غصب عارفه ومكنتيش عاوز، بس يا عني انت ..

مراد : ايه الكلام دا، اهدي كدا، وفهميني بقى ايه اللي جواكي.

ميرا : ها حكيك كل حاجه جوايا، واعدوني انك ترد عليا  
بصراحه ومهما كان قرارك مثن هازعل.

\*\*\*\*\*

عز كان نايم على كنبه في مكتبه وبيروح في نوم وفي مخليته  
كارماااا... وبدون ما يشعر نام وغمض عينه.... حلم بكارما  
قاعدة فوق سطح المستشفى بتعيط..

عز : مالك يا كارما...

كارما بتعيط : زعلانه اوي .

عز : ليه مين مزعلك وانا اضربه.

كارما فضلت تعيط وتعيط كثير...

عز : مالك بقى ايه مزعلك اوي كدا.

كارما : ممعيش شوكلاته وبيبسي... بص حتى شنطتي فضيت  
وخلصت انا زعلانه..

عز : زعلانه علشان شوكلاته والبيبسي، ياستي هانزل واجبك  
في ثواني.

كارما وقفت وهو وقف : لا احنا لازم نطير، انت طير واخدي  
وراك ونروح نجبهم.

عز بص من فوق السطح : نطير من فوق السطح دا .

كارما : اه يالا، خدني ونطير.

عز بشالها على ضهرة ووقف على سور السطح وباصلها  
وابتسم.. وساب رجله....

قام فاجاه لما وقع من الكنبه وهو بينهج بسرعه : ااااه،  
يخربيتك يا كارما، يخربيتك ويخربيت جنانك، لحسستي دماغي،  
يانهار اسود خلتي اطير، ربنا يطيرك يا بعيدة، انا هاقوم اروح  
احسن، كدا كتير عليا....

\*\*\*\*\*

في بيت زين الجارحي...

مراد : انا مشن بشايف اي كلمه امي قالتها غلط او توحيلك ان  
محبكيش مثلا.

ميرا : منا عارفه، بس اعمل في دماغي بقي، انا فكرت كلهم  
اختاروا بارداتهم الا انت اتغصبت عليا..

مراد : وانا عيل بقي علشان ابويا يقولي اتجوزها فاتجوزك  
واكمل معاكي غصب عنك، ابسط حاجه انا لو عاوز اراضي ابويا  
بعد ما مشكلتك تتحل اطلقك، او مثلا مالمسكيش ولا  
اسمحلك انك تخلفي مني، بشوفتي حاجات بسيطه اهي ممكن  
توضحلك انا بحبك ولا لأ، انا عملت عكس كدا، حبيتك  
ومبعدتش عنك حتى بموت يوسف، اتجوزتك بجد وخلفتي  
مني، وكل يوم بقولك بحبك وكل لمسبه بلمسها ليكي اظن  
بتقولك قد ايه انا بعشقتك.

ميرا : وانا بحبك اوي، بس دي افكار جت في دماغي، واتملك  
مني.



مراد : المفروض ان حبي ليكي يكون اكبر محارب لافكارك  
السودا دي.

ميرا : انت مئش هاتزعل مني صح.

مراد : لا ليا حق ازعل وجامد كمان، انتي المفروض لما جالك  
الافكار دي تيجيلي وتحكي لي انتي من امتي خبيتي عني حاجه.

ميرا : اسفه والله، بس...

مراد قاطعها بالكلام : اسبتي وايه علاقه موبايلي باللي انتي  
بتقولييه.

ميرا : مننا كنت بشك فيك.

مراد : كمان، دماغك وصلتك ان ان بخونك..

ميرا دفنت نفسها فيه واتكلمت بخفوت : وحياتك عندي  
ماتزعل، اعمل ايه بقى في دماغي.

مراد : وانا اخذ حقي منك ولا من دماغك .

ميرا رفعت وشها : انا ودماعي واحد على فكرة .

مراد قرب وشه منها وهمس قدام بشفايفها : وانتي دماغك  
دي لازم تتعدل وحقي هاخده منك ودلوقتي..

\*\*\*\*\*

عز لقي نفسه فاجاه قدام بيت كارما ومعاه كيس مليون  
شوكلاته وبيبيسي... وقف تحت البيت وبص للكيس اللي جنبه..

عز : هاطلع بقى الشوكلاته والبيبيسي ازاي، ايه اللي انا بعمله دا

ببس.....

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة

انتهي البارت الثامن.

قراءه ممتع.

بقلم / زيزي محمد

نوفيلاً عندما يقع العزفي الغرام.

الحلقة التاسعة...

في بيت شاهين.. كارما واقفة قدام التلاجة بتدور على حاجة ...

لاما اختها جت من وراها...

لاما : بتعملي ايه يا كرملة.

كارما شهقت بخوف : ربنا يسامحك يا لاما، بطلي كرملة دي

بضايق منها.

لاما مسكت خدودها : لا انتي كرملي حبيبتي..

كارما : معاكي شوكلاته.

لاما : اممم عlishان كدا متشقلبة في التلاجة، عاوزة الجرعة

بتاعتك .

كارما : انا مدايقة وعاوزة آكل شوكلاته حالا ومفيش ولا في

البيت ولا في الشنطة بتاعتي.

لاما : طب ما تنزلي تجيبي من السوبر ماركت.

كارما : انزل دلوقتي الساعة ٢ اونص.

لأما : اه عادي على فكرة، اقولك مرة وبابا وماما نايمين نزلنا انا  
والبت هنا ووقفنا على البوابة وعم عبده البواب راح جبالنا  
شبيسات وحركات بقى .

كارما : طب هانزل بسرعة اخليه يجبلي، انا حاسبة ان لو  
مأكلتهاش هايجرالي حاجة.

لأما : بالله عليك جبيلنا شبيسي بالشطة واللمون وبالجبنة.  
كارما : اوك هاغير والبس طرحة وانزل.

\*\*\*\*\*

عز كان قاعد في العربية دا كله بيحاول يشوف فكرة يعدي من  
حارس العمارة ازاى ويطلع في الوقت دا، طب افرض ابوها اللي  
فتح، يقوله ايه، فضل يتصل بيها كثير والهانم مبتردش...  
عز : تتفلقي يا كارما، وانا اللي زعلان علشان بتعيطي في  
الحلم....

كارما نزلت... وعبده البواب اول ما شافها راحلها

عبدة : خيرا دكتورة كارما !؟!

كارما : كل خير يا عم عبده، ممكن بس تروحلي السوبر ماركت  
الي هناك تجبلي شوية حاجات او ممكن تيجي معايا، اصل  
خايفة اروح لوحدي.

عبده : لا قولي يا دكتورة وانا اجبلك بسرعة.

كارما : طب عاوزة شوكلاته كل الانواع اللي عنده وبيبيسي و  
شبيبيسي ..... دكتور عز؟!؟.

عبده عقد حواجهه : دكتور عز ايه دا لبان ياسست هانم.

كارما : معقول ايه جابه هنا.

عبدة : جاب مين يا هانم.

كارما كانت مبرقة وباصة قدامها... عز كان قاعد في عربيته  
ومركز في تليفونه....

كارما : ها لا ياعم عبده انا سرحت، روح جبلي الحاجات يالا وانا  
هاستتناك هنا .

عبدة : حاضر هاروح واجاي بسرعة...

عبده اتحرك ومشني واول ما غاب عن نظرها راحت جري لعز  
وخبطت على الازاز.. عز رفع راسه لقاها قدامه...

عز بسعادة : كارما .

كارما : حضرتك جاي لمين يا دكتور.

عز فتح لها الباب : اركبي، جايلك طبعاً..

كارما ركبت وسابت الباب مفتوح واتكلمت بصدمة : جايلي انا  
في الوقت دا.

عز حط على رجليها اكياس الشوكلاته والبيبيسي...: انا جايلك  
دول.

كارما بصت في الاكياس واتفاجئت من كم الشوكلاتات  
والبيبيسي : هما دول ليا انا.

عز : اه ليكي، حلمت بيكي وانتي عاوزاهم.

كارما بصدمة اكبر : حلمت بيا انا!!!.

عز قرب بجسمه ناحيتها وعلى وشه ابتسامه هادية : اه  
حلمت بيكي وانتي بتعيطي وعاوزه شوكلاته وشنطتك فاضية،  
وكنتي عاوزه شوكلاته وببيسي.

كارما بصتله بصدمة وبصت للاكياس اللي في ايدها: قومت  
جبتهم ليا.

عز : مش عاوزه تعرفي بقية الحلم.

كارما بتوهان : ايه حصل؟؟ .

عز : خلتيني اطير واشيلك واطير بيكي، ينفع كدا.

كارما سكتت ثواني، وبعدها ضحكت كثير ضحكت بصوت عالي،  
وهو سرح فيها، ليه بيعمل كدا، ليه هو معاها غير مابيكون  
مع كل الناس، بيفكر فيها كثير، المفروض انه يفكر في نانا،  
ليه بيفكر فيها هي، ليه مجرد حلم اهل من وجهة نظره راح  
واشترى ليها وراحلها عند البيت، ليه شاغلة تفكيره ... فاق  
على صوتها وهي بتقول ...

كارما : تعرف انا كنت زعلانه وبعيط فعلا ونزلت عليشان  
اشترى وفعلا شنطتي كانت فاضية.

عز : شوفتي قلبي حاسس بيكي ازاي.

كارما اتكسفت منه وكالعاده خدودها اتوردت وبصت على اللي  
في ايدها...

عز : بس مش غلط تنزلي في وقت زي دا، متعمليش كدا تاني،  
ولو عوزتي تاني ابق كلميني.

كارما : ربنا يخليك ميربسي لذوق حضرتك، انا في العادة  
مبنزليش، بابا الي بيجبلي، بس بابا نايم، وابيه عبد الرحمن في  
مأمورية، فاضطريت انزل وكدا، وبعدين عم عبده راح يجبلي..  
خلصت كلامها وشهقت: يالهوي عم عبده لو شافني قاعدة  
في عربيتك يقول عليا ايه..

جت تنزل عز مسك ايديها : هاتيحي بكرة صح؟ هاشوفك صح  
؟

كارما اتوترت : ماهو انا سبت الشغل..

عز : بس احنا الايام دي مزنوقين اوي ومحتاجنيك معانا .

كارما : يعني اجاي..؟؟

عز : اه ياريت هاستناكي اوعي متجيش.

كارما بخجل : طب سيب ايدي، عاوزة انزل.

عز سباب ايديها ببطء، وهي نازلة وقفها تاني.

عز : كارما على فكرة انا اتصلت عليك كتير.

كارما : عليا انا!!، اه تليفوني بعمله صامت .

عز : لا الغيه بقى، وابقى سجلي رقمي .

كارما مش عارفة تتنفس من كم المفاجات اللي بتحصلها، عز  
جابها شوكلاته وجه لغاية عندها يديه لها، لا وكمان هادي  
وكلامه حلو معاها، وبیطلب منها تسجل رقمه، هي في  
اللحظة دي ممكن يغمى عليها... اتحركت ناحية عمارتهم  
وكل بشوية تبص عليه تلاقيه واقف مكانه بيتابعها، وطلعت  
بيتها ونسيت عبده .. عز مشي اول ما شافها اختفت و  
ابتسامة هادية احتلت ملامحه... شغل اغاني لعمر ودياب وبدأ

يدندن معها بهدوء، في اللحظة دي هو مستمتع، حاسس  
الجو لطيف، وفيه هدوء نفسي جواه، افكر الحلم قعد يضحك  
بصوت عالي...

وكارما طلعت بيتها ودخلت اوضتها فردت الحاجات اللي عز  
جابهلها على السرير، بصتلهم بفرح، شعورها بالسعادة لا  
يوصف، اتنططت بجنون وبعدها وقفت بصت لنفسها في  
المراية...

كارما: معقول اللي حصلي دا، طب ليه بيعمل معايا كدا، دا  
عاوزني ارجع الشغل، هيبصيه ...

لفت بصت للشوكلاته: انا هاسيبكم مش هاكلوكوا هاخلوكوا  
ذكرى حلوة منه.

\*\*\*\*\*

كاميليا روجت تاني يوم من المستشفى على بيت مراد.. وادهم  
مكشتر.. واول ما دخل اوضتها والباب اتقفل...

ادهم بضيق: انا هامشي واروح انام في بيتي.

كاميليا بتعب: ليه بس يا ادهم.

ادهم وهو مكشتر: مش هأخذ راحتي هنا.

كاميليا شاورتله يجلها: ممكن تيجي تقعد جنبي.

ادهم راح وقعد: نعم..

كاميليا: على فكرة انا كمان هارتاح في بيتي، بس مقدرتش  
ازعلهم مني، وخصوصا بابا هو نفسه اجاي هنا وانا مش  
عاوزه احرمه من الشعور دا.

ادهم بنرفزة : اهو ابوكي دا بالذات خانقني، هو بيعاند فيا  
وخلص.

كاميليا بحزن : ادهم متخلنيش اندم ان حكلك حاجة عن  
اهلي في وقت غضب او زعل مني .  
ادهم : مئش فاهم قصدك ايه؟! .

كاميليا : قصدي ان من وقت ما حكلك عن بابا واللي كان  
مزعلني، وانت واخذ موقف منه، انا وهو اللي بينا اتصلح،  
والموقف اللي انت واخده زي ماهو.

ادهم : لا بالعكس انا مئش اهل علشان ابقى كدا، انا كل الي  
مضايقني اني حاسس انه بيشاركني فيكي، وانا عاوزك ليا  
لوحدني.

كاميليا ابتسمت : طب المفروض ارد بايه بقى دلوقتي.

ادهم ميل عليها : تردي بقدا ايه انتي بتحبيني.

كاميليا : مفيش حد لحيبي ليك يا ادهم، انت حياتي كلها.

ادهم : وحشتيني اوي يا كاميليا، اوي..

ادهم لسه هايبوسها، الباب اتفتح مرة واحدة...

مراد : ايه دا انتوا بتعملوا ايه.

كاميليا اتكسفت، وادهم خبط على وشه بنفاذ صبر...

مراد : انت معندكش دم مئش شايها ازاي تعبانة.

ادهم بص لكاميليا : والله ماهرد، مينفعش ارد اصلا.

مراد : متردش، انا جاي اشوفك اتاخرت ليه، مكنتش هاتروح  
تقريبا بيتك، يالا روح بنتي تعبانة وعاوزة ترتاح .



ادهم فرد نفسه على السيرير واتكلم بعند : لا مانا عاجبني  
القعدة هنا، وبعدين كاميليا عاوزني جنبها مش صح يا كوكو.

كاميليا : ااا، اه يا بابا، ااه..

مراد بتحذير : اقعد بادبك، وكل بشوية هادخل اطمن على  
بنتي...

ادهم اتعصب : منا قاعد بادبي انت بشايفني قاعد ازاي.  
سارة جت على صوتهم وشدت مراد غصب عنه برا الاوضة  
ودخلته اوضتهم..

سارة بضيق : ايه اللي انت بتعمله دا يا مراد.

مراد : بعمل ايه، بطمن على بنتي.

سارة : انت بتعانده ليه يا مراد، حاطط نقرك من نقره ليه.

مراد : هو اللي بارد جاي بيتي ليه، بنتي وتعبانة يجي ليه؟!.

سارة : لا حول ولا قوة الا بالله، دا جوزها ومخلفة منه ٣ عيال،  
دا مش خطيبها.

مراد : بصي انا فاضي وحاسس ان معيشتش حياتي مع بنتي  
وقررت اعيشها.

سارة : يا حبيبي دا جوزها، مش خطيبها ولا حتى حبيبها.

مراد ببرود : هو في نظري كدا تصدقي هاعامله على الاساس  
كدا خطيبها، انا ها عملي قهوة اعملك معايا.

مراد بسابها ومشي وهي اتنهدت : ربنا يهديك يا مراد مش  
ها تجبها لبر ابدأ.

\*\*\*\*\*

## في المستشفى ...

كارما دخلت المستشفى وهي متوترة من لقاء عز، فكرت تروحله ولا تروح تباشر شغلها على طول، فكرت انه احسن تشوف شغلها على طول... قضت يومها ما بين الاطفال، وعز كان طول اليوم مشغول بعمليات، وعقله كان يفكر هي جت ولا لأ، استغرابه انه نانا كانت معاه ومشغلتنش باله، باله وتفكيره كله في كارما، خلص عمليات وراح يمر على المرضى ونانا معاه، شاف كارما واقفة بتضحك مع ماجد، اضايق منها... قرب منهم واتكلم بحدة..

عز: هو مفيش شغل ولا ايه يا دكاترة .

كارما بصتله بابتسامة جميلة على وشها ولكنها اختفت ابتسامتها بمجرد ظهور نانا جنبه، وافتكرت كلمته انه بيحبها...

ماجد بهدوء: اخدنا بريك يا دكتور.

عز بص لكارما بضيق لتجاهلها انها ترد عليه: طب يالا على شغلكو لو سمحتو..

واتحرك وسابهم نانا بصت لكارما وبعدها بصت لعز، وكارما اتوترت من نظراتها ومشيت...

\*\*\*\*\*

## في بيت زين الجارحي..

ليليان قاعدة طول اليوم بتفكر ازاي تشوف كارما تاني..

ميرا : عمتو احنا مش هانروح نضمن على كاميليا .

ليليان بشرود : اه بليل .

ليان : مالك يا ماما، من وقت ما قعدتي معانا وانتي سرحانة .

ليليان : كارما امبارح مشيت زعلانة وبتعيط من عزاخوكو،  
وبوظ كل حاجة، وانا عاوزة اصلح اللي عمله بطريقة غير  
مباشرة .

كلهم سكتو وبصو لبعض، وهنا اتكلمت باندفاع : طب واللي  
تجبهالك لغاية عندك تعمليلها ايه يا طنط .

ليليان : دي تبقى حبييتي .

هنا : مش كاميليا عاملة عملية، انا بقى هاتصل بيها عادي  
واقعد ارغي معاها وبعدها اسالها على كاميليا عاملة  
استعبط يعني كاني مش عارفة انها طلعت، واكيد الكلام  
هايجي لوحده .

ليليان : انتي معاكي رقمها يا هنا .

هنا : اه اخدته منها امبارح علشان تبقى تقولي على دكتور  
تغذية حلو .

ليليان : طب اتصلي عليها يالا .

هنا طلعت تليفونها واتصلت عليها، وكارما بالصدفة كانت  
ماسكة تليفونها : الو

ليليان وميرا وليان لزقو في هنا ...

هنا : ازيك يا كارما .

كارما : الحمد لله، انتي عاملة ايه يا هنا .

هنا : كويسة اوي، انتي بتعملي ايه؟!.

كارما : في المستشفى.

هنا كتمت السماعه... : في المستشفى ياطنط.

ليليان بتنهيده : الحمد لله كنت بحسبها سابتها بعد اسلوبه  
معها، اساليها انتي مع عز دلوقتي.

هنا هزت راسها : اه على كدا بقى انتي مع عز صبح؟.

كارما باستغراب : لا انا في القسم بتاعي.

هنا هزت راسها بنفي ليهم، وهما بوزو... هنا سكتت وكارما  
سكتت...

كارما : هنا كويس انك اتصلتي لان كنت عاوزة اخد منك رقم  
كاميليا، انا جيت ولقيتها مشيت ملحقتش اطمن عليها.

هنا ابتسمت بنصر : اه رقم كاميليا عاوزاه.

كلهم هزو راسهم بنفي وشاورو بلا، ليليان بخفوت : خليها  
تيجي تزوها احسن .

هنا كتمت السماعه : اقولها ازاي دي ياطنط.

ليليان : مش عارفة تصرفي.

هنا : ااه بصي يا كارما هو انتي هاتكلميها كدا بس، ماتيجي  
تتطمني عليها عند عمو مراد بابها، وبالمره انا وانتي وليان  
وميرا نتجمع، انتي لطيفة اوي واحنا الصراحة حبناكي موت.

ليليان بابتسامه : شاطرة.

كارما باحراج : اه طبعا هاجاي ازورها، طب انا مش عارفة بيت  
بابها.

هنا : هابعت هولك في مسج، هاستناكي بليل اوك .

كارما : اوك، بوسيلي كارمن لغاية ما شوفها .

هنا : يوصل يا حبيبي... هاستناكي.

هنا قفلت معاها وليليان باستها : حبيبي ياهنوني هاتيحي  
صح؟.

هنا بفخر : طبعا يا طنط عندك شك فيا ولا ايه.

\*\*\*\*\*

في المستشفى ...

عزرايح جاي بضيق في اوضته.. المفروض كانت جاتله الاول، لا  
وواقفة بتضحك مع دكتور ماجد عادي، خرج من الاوضة  
وراحلها اوضتها خبط براحة مسمعش حاجة فتح ودخل  
لقاها قاعدة مدياله ضررها وحاطة الهاند فري وبتعني بصوت  
واطي وقاعدة بتكتب ورقة..

كارما : هو دا اللي كان ناقصني حلو وكريزما وعاجبني، قلبي  
شافه نط فاجأة من مكانه قام بايسني، اما عن احساسني بيه  
هاحكي ايه انا ولا ايه، مش مبالغة ومش بهزر فين هلاقي كلام  
يعبر....

عزوقف وراها وشافها بتكتب اسمه في قلب، رفع حاجبه مع  
ابتسامة .. ميل عليها وفي لحظة باسها في خدها... كارما

اتفزعت وقامت صرخت...وثشدت الهاند فري وبصت لعز  
بصدمة وخطيت ايديها على خدها.

عز قعد على طرف الكنبه : حلو وكريزما وعاجبني.

وغمز ليها : حلوة الاغنية دي عاجبتني.

كارما معرفتش ترد وهو ضحك على منظرها : مجتيش ليه  
على طول عليا اول ماوصلتي.

كارما بارتباك : يعني، جيت على الش..

سكتت فاجأة لما لاقته جاي عليها رجعت بضرها لورا،  
فضلت ترجع، وهو يقرب منها لغاية ماوصلت للحيطه وهو  
حط بسند بكف ايده على الحيطه، وبقت هي متحصرة ما بينه  
وبين الحيطه، رفعت عينها بتوتر...

كارما : في ايه؟.

عز : عاوز اعرف مجتيش ليه على طول.

كارما بخفوت : جيت فين؟؟.

عز : عندي في المكتب.

كارما بتوتر : قولت علشان الشغل، حضرتك امبارح قولت انتو  
مزنوقين الايام دي.

عز داعب انفها بايده وهي نزلت بجسمها اكترو اتوترت  
وووشها كله بقى عبارة عن كتله سخونة...

عز بخفوت : تبقى هبله لو فكرتي ان جبتهك هنا علشان  
مزنوقين والكلام دا.

كارما بعدت ايده : امال انا جيت ليه؟؟!.

عز همس جنب ودانها : مئش عارف، بسس الاكيد عاوزك جنبى  
ومعايا وقدامى على طول.

كارما بسكتت وغمضت عينها وهو باصلها بطرف عينه وبعدها  
قرب منها وعينه متركزة على بثفايفها ولسه هايلمسهم  
تليفونه رن، وهي اتفزعت وزقته بعيد....

عز كح بتوتر ومررايده فى شعره وبعدها مسك فونه ورد : الو .  
ليليان : ازىك يا حبيبى .

عز وهو بىراقب كارما بعينه : الحمد لله يا حبيبتى .

كارما بصتله بسرعة، وهو زود كلامه : يا أمى .

ليليان : هاتيجى عند مراد بليل علشان تزور كاميليا .

عز ما زالت عينه على كارما وهي بتهرب منه بعينها فى مكان  
تانى : اممم مئش عارف هاقدر اجاي ولا لأ .

ليليان بمكر : يا خسارة، دا كلنا هانتجمع وكمان عرفت ان  
الدكتورة كارما زميلتك جايه تزور كاميليا .

عز : بجد؟! .

ليليان بمكر : يا خسارة كنت هاتبقى قعدة لطيفة .

عز : طب والله انتى اللى لطيفة ياماما، يخليكى لينا يا حبيبتى، يالا  
سلام .

عز قفل مع ليليان وخرج من الاوضة كانه معملش حاجة وهي  
اول ما خرج اتنفست اخيرا وقعدت مكانها بتستوعب اللى  
بيجرالها ..

\*\*\*\*\*

في بيت مراد الالفي .

ماسك طبق فروالة ورايح عند اوضة كاميليا... سارة شافته.

سارة: انت رايح فين يا مراد.

مراد: واخذ الفروالة دي لكاميليا.

سارة: سارة هتاكل فروالة وهي لسه عاملة عملية.

مراد: اه وفيها ايه يعني، مش لازم تتقوت ونهتم بصحتها.

سارة: بس مش بالفروالة يا حبيبي.

مراد: امال اخد لها ايه؟!.

سارة: مش حاجة، هي نايمة دلوقتي هي وجوزها.

مراد: هاروح اصحيهم .

سارة بشدته .: تصحي ايه ما تسيبهم البنت واخدة مسكن  
ونايمة، وادهم يا حبيبي سهران طول الليل سيبه يريح  
شوية.

مراد بضيق: انتي مأفورة على فكرة .

سارة بابتسامة: انا بردو؟، تعال معايا يالا.

سارة اخدته ودخلت الاوضة وخلته ينام وقعدت جنبه...

سارة بهدوء: المفروض تنام علشان انت كمان طول الليل  
صاحي.

مراد: مش عاوز انام.



سيارة باسسته في خده : ريح دماغك من التفكير، ونام شوية،  
ليليان كلمتني وقالتي كلهم جايبين بليل وانت لازم تكون فايق.

مراد : كاني عيل بيضايقك وعاوزه تنيمه باي بشكل.

سيارة : مين انا عاوزه انيمك باي بشكل ؟ انت متعرفيش انا بحب  
كل ثانية قاعد معايا فيها وبتتكلم وبسمع صوتك وضحكك،  
انا اصلا مبيقاش عاوزك تنام وتبعد عني.

مراد جه ياخدها في حضنه هي رفضت واخذته في حضنها  
وتكلمت بهميس : انا المرادي هاخذك في حضني، انا المرادي  
عاوزك تنام وتريح دماغك من التفكير شوية.

مراد هزراسبه بهدوء وغمض عينه ونام بسرعة من التعب،  
وسيارة اتنهدت براحة انها اخيرا قدرت تخليه ينام واليوم  
يعدي من غير مشاكل مع ادهم..

سيارة بهميس : ربنا يهديك يا مراد.

\*\*\*\*\*

اليوم عدى وكارما روحت ومن وقت ماروحت وهي تايهة وميش  
عارفة تفكر... جالها اتصال من هنا..

هنا : الو.

كارما : ازيك ياهنا.

هنا : كويسة، انا قولت اتصل أكد عليكى بقى لتكوني نسيتي.

كارما : لا طبعا نسيت ايه، هاجاي.

كارما نهت الاتصال وخرجت لاماتها وبابها...

كارما : ماما ايه دا هو انتي خارجة.

منى : اه يا حبيبتى هانروح نزور عمك تعبان شوية تيجي معانا.

كارما بتوتر : لا انا عندي مشوار... بعد اذنكو.

شاهين : مشوار ايه يا حبيبتى.

كارما : كاميليا بنت اونكل مراد الالفى، كانت تعبانة وعاملة عملية وكنت عاوزة اروح ازورها في بيت بابها، ممكن ، انا وهي بقينا اصحاب.

منى : زيارة المريض واجب.

شاهين سكت ومش عارف يرفض ولا يوافق، بس ماصدق لقي كارما بتختلط بالناس وبتتجمع وبقى ليها اصدقاء.

كارما : ردك ايه يا بابا.

شاهين : روحي يا حبيبتى هاخذك معايا واحنا رايعين ، واحنا مروحين هانخذك معانا.

كارما : اوك هاروح البس .

كارما دخلت وقفت قدام دولابها مش عارفة تلبس ايه، وقفت بحيرة ، اول مرة تكون في الحيرة دي، جه في بالها كلام عز : انتي طفلة، انتي هبلة..

طلعت بلوزة من اللون النبيتى، وبنطلون جينز وجزمة كعب عالي من نفس اللون البلوزة...

بصت لنفسها في المراية، وحطت حجابها حسبت بتغير حلو

\*\*\*\*\*

اما عند عز...

واقف بيلبس قدام المراية وهو بيغني : هو دا اللي كان ناقصني  
حلو وكريزما وعاجبني، قلبي شافه نط فاجأة من مكانه قام  
بايسني، اما عن احساسني بيه ها حكي ايه انا ولا ايه...

وبدا يصفر ومزاجه كان كويس وفرحان ليليان دخلت عليه ..  
ليليان بمكر : ايه دا انت جاي معنا.

عز : اممم يا ماما انا قولت عيب مرات اخويا مطمئنتش عليها  
ازاي.

ليليان بضحك : صاحب واجب اوي.

عز غمز ليها : اوي اوي، وكله بتخطيطك يا ليليان هانم.

ليليان : ايه تخطيط ايه؟؟، انا عملت حاجة؟.

عز : انتي بتعملي حاجة يا ماما خالص، انتي بريئة يا حبيبتي، انا  
خلصت يالا بينا .

ليليان : يالا يا حبيبي...

وفي سرها : ربنا يفرحك يا حبيبي، انا حاسنة ان بالك رايق،  
وفرحان.

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة

انتهى فصل التاسع.

قراءة ممتعة.

بقلم / زيزي محمد

نوفيلاً عندما يقع العزفي الغرام..

## الحلقة العاشرة

كارما شاهين وصلها ومشى وهي وقفت تحت العمارة، قلبها دق بعنف انها ممكن تشوف عز، ازاي هاتبص في عينيه بعد الي حصل في المستشفى، بس صبرت نفسها بأنها ممكن مش تشوفه، وصلت عند الاسانسير ووقفت تستناه وفي ايدها علبة بثوكلاته وبوكيه ورد... تفكيرها كله كان في عز وفي لحظة حسيت بايد بتخبط على كتفها لفت بعفوية واتصدمت لما شافت عز واقف قدمها، وشها قلب الوان الطيف...كارما  
بتوتر: دكتور عز.

عز بابتسامة: لا خياله.

كارما: انت جاي لكاميليا.

عز: مرات اخويا وازورها عادي، انتي بقى جاية ليه؟!؟

كارما اتخرجت: احم عليشان يعني اتصاحبنا وكده ومن واجبي اسال عليها...

عز بص على الاسانسير لقيه وصل شاوور ليها تدخل وهي دخلت وهو وراها ضغط على الرقم ووقف جنبها ومسببش مسافة بينهم وهي اتوترت واتحركت بشوية بعيد وهو اختصر المسافة بسرعة ووقف جنبها..

كارما: في ايه؟!.

عز: عندي فوبيا من الاسانسير والاماكن المغلقة.

كارما لفتله بحزن: يا حرام طب مطلعتش السلم ليه؟!.

عز: لا ما هو انا مرضتشن اسيبك لوحك.

كارما: طب معلش دقاديق ونوصل.

عز بخوف: اه ياريت حاسس ان هاتخنق.

وبكوعه ضغط على كل الزراير لغاية ما الاسانسير وقف...

عز: ايه دا الاسانسير وقف.

كارما بتوتر: طب اهدا ان شاء الله حد هايحركه.

عز حط ايده على قلبه: اه قلبي يا كارما.

كارما رمت الحاجة الي في ايديها واتكلمت بنبرة كلها خوف

عليه: مالك يا عز اهدا والله هايشتغل تاني

عز بيغمض عينه: لا مش قادر حاسس اني هاموت.

عز بدأ يتنفس بسرعة كبيرة وقعد على الارض وكارما عيطة

وقعدت جنبه وحطت ايدها على وشه..

كارما: اهدا كدا وفوق معايا والله كل حاجة هاتكون كويسة،

انا هاتصل على هنا تتصرف.

كارما اول لما لمست شنتطتها، عز شهق بقوة: آه يا كارما.

كارما رمت الشنطة ولمست ايده: في ايه يا عز خد نفسك

كويس.

عز في سره: الله يخربيتك انتي ابيض لدرجادي، طب بوسيني

بوسنة.

عز سكت وكارما لاحظت سكوته خافت وعيطة: مالك يا عز،

فوق.

عز بغيط وهو بيمثل انه تعبان: تعبان يا كارما، اتصرفي بقي.

كارما : اه حاضر هاتصل على هنا دلوقتي.

عز وهو بيكح : هو انتي معندكيش غير الاتصال، عمرك ما اخدي اسعافات اولية يابنتي.

كارما : مش عارفة طب اعمل ايه...

عز ميل بجسمه ناحيتها وهي خافت وساندته : عز.. فوق.

كارما بدأت تفوق فيه بايدها وهو مغمض عينه...

كارما بخوف : عز ابوس ايدك فوق انا قلبي هايقف.

عز كان مستمتع جدا وهو تقريبا نايم في حضنها، اتأكد من احساسه انه حبها، ريحة برفانها جننته، حبس بالاسانسير بيشتغل... فتح نص عينه لقاها ماسكة تلفونها بايد بترتعش

....

عز : اه ايه دا انا فين.

كارما : عز انت فوقت.

عز : اه سنديني اقوم.

كارما سنديته يقوم وهو وقف يعدل هدومه... وهي مسكت علبة الشوكلاته والورد والاسانسير اتفتح وقفو قدام الشقة وهي رنت الجريس.

عز : كارما انا عاوز اقولك على حاجة بصي ياريت متق...

كارما قاطعته في الكلام: متخافيش انت عمرك متقل في نظري ابدأ، على فكرة دا مرض ولازم تتعالج، روح لدكتور، انت مش عارف قطعت في قلبي ازاي، بجد خضتني...

عز : ايه هتسبشششش اسبكتي سيبني اتكلم.

ادهم : تتكلم في ايه يامعلم.

عز بصله : انت فتحت.

ادهم هز راسه : من وقت ما سيبني اتكلم .

ادهم بشاور لهم يدخلو وهي عطته الورد والشوكلاته...عز  
عينيه عليها عاوز يقولها متقوليش لحد بس هي اختفت  
وادهم ميل عليه بهمس : زوق اوي كارما دي بسكوتة كدا.

عز بضيق : ياعم اوعى كدا دي هاتعك الدنياااا.

\*\*\*\*\*

كارما قعدت مع البنات وليليان وسارة وكالعادة هما عملوا  
عليها حفلة ... المرة اللي فاتت كانت متحفظة ومش واخدة  
راحتها، لكن المرادي اخدت راحتها وهزرت وضحكت... الباب  
خبط.. كارمن دخلت...

كارمن : كارما تعالي معايا..

كارما بضحك : ابوس ايدك بلاش مشواريك انتي بتبقي منيلة..  
حسبت بسكوتهم رفعت وشها لقتهم ببصولها كلهم،  
تنحنحت بحرج وقعدت تضحك...

كارمن : عز عاوزك برا .

كارما : عاوزني انا؟! .

كارمن : اه قالي روي خلي كارما تطلع تكلمني.

ليليان بسعادة : اطلعي يا حبيبي كلميه.

هي ابتسمت بتوتر وقامت اتحركت برا وهما كلهم كانو وراها  
ببصوا من الباب..





عز كان بيسمع كلامها بملل، حرك راسه ناحيه اليمين  
اتفاجئ بظهور ليليان وفوقها سبارة وفوقها ميرا وفوقها  
هنا وليان...

عز بصوت عالي : احم، اه يعني ماشي، هانبقى نكمل كلامنا  
بعدين ، يالا انتي سلام.

عز سبابها ومشي وهم دخلو بسرعة وعلامات الصدمة على  
وشهم، عز عيا ان ماله؟! ..

\*\*\*\*\*

عز راح قعد وسط الرجالة... مراد ميل عليه وهمس : يا  
خليك تقيل رايح وراها مشن مستحمل، طب مشن قدام ابوك،  
خليها في المستشفى في الدراا.

عز بضيق : انا والله مشن عارف مالك ومالي ياعم، ماتسيبني في  
حالي، ام عينك دي اللي جايبني لورا.

مراد : انا عيني وحشة!!، دا انا عيني خضرا وحلوة.

أسر قاعد جنب ادهم وملاحظ انه مضايق...

أسر : مالك يا ادهم.

ادهم بضيق : مالي ياعم منا زي الزفت اهو حلو .

أسر بضحك : لا واضح فعلا .....مالك بجد.

ادهم : مراد حاطط نقره من نقري مشن عارف ليه، دا بيعاملني  
معاملة كلابي.

أسر بضحك : مشن عارف ليه ايه، هو طول عمره بيكرهك اصلا  
قبل ظهور كاميليا، وبعد ظهورها كرهك اكثر.

ادهم : ياخي انا بحكيك عليشان تهديني، تقوم تسخني اكرر.  
أسر: الله مقولش الحقيقة، انا بحب اقول الحقيقة ياعم.  
ادهم : طب اسكت بقي.

عمر: ايه يا جماعة ما نيجي نتسلي ونلعب رست ولا اي حاجة.  
أسر بحماس : انا متشوق واشوف رست بين عز ومراد، اخر  
مرة كانت منافسة جامدة.

مراد حط رجل على رجل : بلاش عليشان الزوز عارف انه  
هايخسر وهايضل بقي ويتقمص.

عز بسخرية : ياعم والله ما هارد عليك هاسيبك ابوك يرد  
عليك مين يابابا كسب آخر مرة.

زين بضحك : عز.

مراد : عز ايه يابابا، يروح يتفق مع ميرا، يقولها مثلي انك تعبانة،  
وهي تتفق معاه في خطة واخسر انا...

مراد الالفي بضحك: يابني الجيش قالك اتصرف، وهو اتصرف،  
ياد يا عز انت خسارة في الطب مكانك في الشرطة في الجيش  
عليك دماغ ذرية.

عز بفخر: مبحبش اتكلم عن نفسي كثير والله.

عمر: بسسس احنا نعمل ماتش ونحكم.

مراد بتحدي: موافق... يالا بينا.

\*\*\*\*\*

الوضع كان مختلف عند كارما من وقت ما دخلت وهي حاسة  
الاجواء متوترة وكلهم بيبدو لبعض وساكتين..

ليليان فاجأة قامت : لا يا سارة سيبني انا لازم اطمئن على ابني ..  
واندفعت ناحية كارما .. كارما اتخضت ورجعت بظهرها لورا:  
في ايه؟! .!

ليليان : بصي انا حبيتك والله وبحبك اوي، قوليلي بقى ابني ماله  
مخبي عليا ايه؟! .!

كارما بخضة : ابن مين؟ .

سارة : عزماله عيان في ايه؟! .!

ليان : بصي قوليلنا واحنا نوعدك اننا منقولش لحد، بس لازم  
نعالج الموقف ونلحقه.

هنا : قولي قولي متخافيش.

كارما : اقول ايه بجد مش فاهمة...

ليليان بضيق: لا انتي فاهمة كويس يا كارما، احنا سسمعناكي لما  
كان بيقولك اللي حصل ما بينا متقوليش لحد...

سارة كملت : اه وانتي قولتيله ان دا مرض ولازم يتعالج منه  
ولازم يعرف اهله.

ليليان انحننت على ركبتها وعيظت : ارجوكي قولي، انا قلبي  
واجعني على ابني.

كارما : اهدي يا طنط محصلش حاجة، دا مش مرض بالمعنى  
المفهوم دا فوبيا خوف من الاماكن المغلقة ومن  
الاسنانسير،.. اصل عزاغمي عليه معايا وهو في الاسنانسير  
من الخوف وكدا بس فبقوله يعني يقو....

ليليان مكملتش كلمتها.... واندفعت على برا بتعيظ..

ليليان بقلق ودموع : مالك يا عزيا حبيبي...

كارما : استني يا طنط.

ليليان بعياط : عز..

زين قام اندفع وقف : مالك يا ليليان فيكي ايه؟!..

ليليان : زين ... عز كان مغمى عليه.

واندفعت عند عز تحضن فيه وتبوسه.

الكل وقف ساكت...

ليان قربت منه : ازاي تخبي علينا انك عندك فوبيا من الاماكن

المغلقة والاسانسير... ازاي .

عز بص لكارما بسرعة .. وهي اتكلمت بارتباك : والله اصروا عليا

مكنتش عاوزة افتن.

زين زعق : في ايه ما تفهموني.

هنا : عزيا اونكل كان مغمى عليه في الاسانسير.

زين بصدمة : نعم!!!!!!

مراد الالفى ضحك وبصوت عالي : وربنا انا قولتها انت خسارة

في الطب ، ياواد انت عدتني وربنا .

سبارة بعتاب : بس يا مراد كدا مينفعش .

عز : طب انا لو قولتلكو ان كان مقلب في الهبله دي

هاصدقوني صح .

مراد الجارحي غمزله : مقلب بردو .... هههههه.

كارما : انا هبله!!، بتعمل فيا مقلب.

عز : اه وانتي عكيتي الدنيا بذكائك دا .

كارما بغيظ وجزت على اسنانها: انت انسان مس...

مكملتش كلامها واخذت شنطتها وجريت على باب الشقه...  
ليان وهنا وميرا جم يروحوا وراها زين ثناورلهم يفضلوا  
مكانهم...

زين بصرامه : قوم يا عز روح وراها .

عز نفخ بضيق وراح وراها لاقاها نزلت بالاسنانسير...نزل  
السلالم جري مחדش نفسه...وصل قبلها ياخذ نفسه باب  
الاسنانسير فتح لقاها واقفة بتعيط.

كارما بضيق : انت ليك عين تيجي ورايا.

عز : متتكلميش بس علشان انتي غلطانة.

كارما : لا انت الي غلطان.

عز : انا مش قايلك متتكلميش مع حد، اتكلمتي وانا كنت عامل  
زي الكتكوت المبلول وانتي اتخرجتي وطلعتي هبله.

كارما : متقوليش هبله لو سمحت..

نهت كلامها وطلعت برا العمارة تدور على تاكسي... جه من  
ورها...

عز : ينفع اكلمك وتمشي .

كارما مردتش عليه واتجاهلته... وهو اتعصب كتفها من وراه  
وكتم صوتها واخذها ناحية عربيته وهي حاولت تدفعه عنها...  
دخلها العربية وركب جنبها.

كارما : انت واخذني على فين.

عز بجمود : هاخطفك .

كارما : انا مبهرزرتش يا عز .

عز بندها عليه واتكلم بهمس قدام بنفايفها : وانا  
مبهرزرتش انا هاخطفك فعلا ، هاخطفك لقلبي ، ولحياتي ،  
هاخطفك لغرامي ...

كارما : هاااا .

عز اخذ نفس طويل : انا بحبك ومش عارف ليه وامتي وازاي ،  
بس بحبك ، وليه انتي بالذات بكل ما فيكي انا بحبك ..

كارما بتوهان : بتحبني؟؟ .

عز : اه بحبك في اعتراض .

كارما : انت بتحب نانا ...

عز : كنت معجب بيه ، بس محبتهاش الحب اللي يخليني  
اقولها انا بحبك زي مانا قولتلك دلوقتي ومستحملتش ...

كارما : لا بس انت قولتيلي انك بتحبها .

عز قرب اكثر منها : لا انا قولت معجب بيه ، مقولتتش بحبها ،  
وبعدين هو انتي مش واثقة فيا لدرجادي بتشككي فيا ...

كارما بتوتر : مش بتشكك بس متلخبطة وحاسنة اني تايهة  
ومش فاهمة حاجة .

عز حط ايده على خدها : مش فاهمة ايه بس ، هو فيه اكبر من  
كلمة بحبك علشان تفهميها ، اقولها لك بانهي لغة ولا بانهي  
طريقة .

كارما : انت كنت بتكرهني .

عز: انا بناغشك بحب اطلع النرفزة اللي جواكي، بحب اثوفك  
كدا، عارفة ليه؟!..

كارما: ليه؟!..

عز: علشان طول مانا بناغشك هتدايقي وتبعدي وانا ارتاح،  
لان طول ما انتي هادية وبطبعتك مكنتش هاستحمل.

كارما: تستحمل ايه؟!..

عز: هدوئك بيجنني، بيخليني افقد تحكمي في نفسي، بيخليني  
نفسي فيكي وعاوزك.

كارما حسيت انها تايهه ومش قادرة تستوعب كميته  
الصدمة دي: مش فاهمة.

عز ابتسم: انا عارف انك مش هاتفهمي... بس انا  
هافهمك.. عارفة هدوئك بيخليني عاوز اعمل فيكي كدا..

وفي لحظة قرب منها وباسها بجنون... حاولت تدفعه عنها  
من خضتها ولكنه مسكها بتحكم وهمس بين شفايفها...

عز: انا بقيت مجنون بيكي مجنون بحبك.

كارما: عز لا...

مخلهاش تكمل جملتها وفي ثانية كانت شفايفه بتداهمها  
للمرة الثانية ولكن المرادي برقة وبهدوء.. كارما كانت في حالة  
غريبة... بعدته عنها...

كارما: عز ارجوك.

عز: آسف، بس انتي مفهمتيش حالتي بتبقى ايه..

كارما سكتت واتوترت وبدات تظبط في حجابها بخوف وارتباك  
مشاعر بتداهمها اول مرة تحس بيها..

عز: ايه مسمعتش رايك .

كارما بارتباك: راى في ايه؟! .

عز: في حبي ليك.. موافقة ولا عندك اعتراض ولا انتي حاسنة  
بايه...

كارما: هو احنا هانروح ولا نطلع فوق..

عز ابتسم: هانطلع فوق...

نزلت بسرعة ووقفو عند الاسانسير وبعدها افكرت الي  
حصل قبل كدا في الاسانسير، وخلص عرفت نية عز من  
ناحياتها...

كارما بتوتر: طب انا هاطلع السلم شكله هايتأخر...

عز بشدها من ايديها: استني هانطلع فيه ومتخافيش مفيش  
حاجة هاتحصل.

كارما وشدها قلب الوان الطيف: ايه، حاجة... حاجة ايه؟!، لا في  
ايه.

عز بضحك: اهدي يا كارما، اهدي يا حبيبتى..

\*\*\*\*\*

ليليان: ايوه بردو مش فاهمة ليه يكذب عليها يا زين ويقولها  
عنده فوبيا...

زين: مش عارف الصراحة، ابقى اساليه.

ليليان: هاسأله قليل الادب دا.. يجي بس..



جرس الباب رن وصل عز و كارما.. وهي كانت مكسوفة  
منهم...

عز بصوت عالي : قعدت اتحايل واصالحها وهي ابدأ، زهقت من  
كتر ما بوووسيتت..

كارما برقت وكحت جامد...

عز بمكر : لا بقى انتي لسبه زعلانة يبقى لازم ابوس راسك.

كارما بعدت بسرعة .... : لا خلاص انا رضيت ومش زعلانة.

عز : لا يا جماعة انا حاسس انها لسبه زعلانة ولازم اراضيها  
وابوس راسك كمان.

كارما : لا لا مش زعلانة ...

عز : لا مش حاسس، عينك بتكذب.

ادهم : ياعم ماهي قالتلك مش زعلانة خلاص بقى.

مراد الجارحي : ياعم متبقاش قطاع ارزاق ما تسببه يصالحها  
بضمير.

عز : نشوف انا وانت ضد بعض ازاي، بس دماغنا واحدة.

كارما بغيط منه : خلاص يا دكتور عز انا مش زعلانة.

عز : لا مش مصدق يا بابا، طب انتي مصدقة ياماما..

وزين وليليان بصوله وسكتو ومش فاهمين حاجة ...

هنا ميلت على أسير : هو عز اخوك مأفورها ولا انا متهايلى.

أسير : اسيتني ما نشوف اخرتها.

كارما : خلاص بقى يا دكتور عز انا والله مش زعلانة ...

عز جه جنبها وهمس : طب قولي موافقة.

كارما بصتله بسرعة : موافقة على ايه.

عز بصوت عالي : على انك متزعليش مني...

كارما علشان تعدي الليلة باي شكل : موافقة خلاص.

ليان : موافقة على ايه بقي.

كارما : انا قولت موافقة .

كلهم هزو راسهم وباصولها... وهي ارتبكت : لا انا اقصد ميش  
زعلانة بس اتلخبطت...

عز غمز لها وهمس لها بحبك وهي بعدت بنظرها بعيد عنه..  
وطول القعدة بيناغيبها بنظراته... لغاية ما والدها اتصل  
وبلغها انه تحت جت تنزل اصرا انه ينزل معاها والامور اتضحت  
للكل لان غرام العز فضحه...

في الاسانسير..

عز: هاتروحي تنامي.

كارما لسي خجلانة منه ولا عارفة تتصرف بطبيعتها زي الاول  
ولا تعمل ايه : ميش عارفة.

عز : طب هابقي اكلمك ماشي.

كارما : تكلمني انا.

عز : امم هاكلمك اول ما اروح،، اه من حق اديني تليفونك يا  
كارما.

كارما عطته تليفونها وهو أصر عليها تلغي وضع الصامت : لما  
اتصل ابقى ردي على طول، انتي متعرفنيش انا اهبل وممكن  
تلاقيني قدامك في ثواني.

كارما بهدوء : اوك...

عز : على فكرة هاتو حشيني اوي.

كارما بسكتت وهو مد ايده ولعب في خدها براحة، وهي اتوترت  
وبعدت بخطوات بسيطة...

الاسنانسير فتح وعز وصلها لغاية باباها ومامتها واتعرف على  
والدتها.. وروحت كارما وهي طائرة من السعادة والفرح..

\*\*\*\*\*

في بيت الجارحي...

ليليان غيرت هدوها وقعدت جنب زين واتنهدت : تعرف انا  
قلبي مرتاح اوي انه اردا.

زين : وياترى ليه بقى!.

ليليان : كارما وعز قربوا من بعض شفته لما أصر يوصلها لما  
باباها جه.

زين : اممم... بس عادي عز جنتل وعادي الحركة تطلع منه.

ليليان : اسكت يا زين متقلهاش في وشي.

زين : طب عاوز اسالك سؤال.

ليليان : اسال؟!..

زين :ليه كارما بالذات.. ايشمعنا مثلا مش البنت اللي انتي  
كلمتيها في المستشفى وخصوصا انا حاسبس ان ابنك ميال  
ليها...

ليليان :ايه دا هي البنت اللي اتكلمت معاها هي دي اللي كنت  
حكنتلي عنها.

زين :اه هي.

ليليان :بص مش عارفة، بس انا لما شوفت كارما حسبتها  
طيبة وغلبانة ورقيقة كدا وحلوة شوفت فيها مواصفات  
عروسة ابني... اما الدكتورة الثانية دي بتعاني من مشكلة مآثرة  
في نفسييتها جامد كان الله في عونها، بس اللي عندها مآثر  
حتى في شخصيتها، وردود افعالها وتعاملها مع الناس... بص  
يا زين بحكم خبرتي ولادك كلهم بشخصياتهم قوية جداً  
مينفعش معاهم واحدة بشخصيتها قوية جداً الاتنين  
هايخبطوا في بعض ومتبقاش حياة، كارما حياتها هادية مش  
معنى كدا انها مش قوية بس ردود افعالها هادية زيها مش  
انفعالية ولا الي في دماغي هايحصل، بص الراجل بيبقى عاوز  
معاه الواحدة الرقيقة الذكية اللي تعرف تعمل اللي هي عاوزاه  
كويس بس باسلوب الرقة والحنية مش الشخط والخناق  
متبقاش عيشة دي، عز ابنك مش هايستحمل واحدة ردها  
عنيف عليه وفي نفس الوقت عز مرح جداً وعاوز اللي يشبه عاوز  
واحدة الطفولة لسي جواها ويقدر يشكلها زي ما هو عاوز..  
اما الدكتور الثانية هي لازم تتعالج لانها فيها اساسيات  
اترسخت وصعب جدا الاساسيات دي تروح بسهولة، هاتروح  
بالعلاج والصبر منها البنت دي هتعايني في حياتها لو ملحقتش  
نفسها بسرعة وراحت لدكتور.

زين كان بيبصها ومبتسم... ليليان : في ايه مبتسم على ايه؟!.

زين : مبسوط بيكي.

ليليان بضحك : بص علشان نتفق... هو انا عقلي نضج وكبر،  
بس انا لسه صغيورة زي مانا.

زين : كل مرة بشوفك فيها،، افتر اول مرة بشوفتك فيها،  
وافتر طعم احساسني لما خطفتي قلبي.

ليليان : وانت مهما بتكبر قادر انك تقول كلام يخليني بطير في  
سابع سما.

زين : دا مش كلام وبس، دا كلام طالع من قلبي العاشق لقلب  
معشوقته...

ليليان بتنهيدة : آه منك يا زين الرجال.

\*\*\*\*\*

في بيت مراد الالفي ..

كاميليا بتضحك : اه مش قادرة والله عزدا مجنون.

ادهم كان ساند على ايده وقاعد جنبها : عز نسخة من مراد  
اخويا بتاع هلس وضحك ومقالب.

كاميليا : مراد بيناغشه كتير اوي، بحب مناقرتهم .

ادهم : مراد بيحب عز اوي، عمر بيقولي لما عز بلغه ان العربيه  
بتجري وراه، بيقولي وشه قلب الوان وكان بيسوق بجنون، كان  
مرعوب عليه، اوقات بحسه ابنه اصلا..

كاميليا : حقيقي مراد اخوك جدع جدا وبحسه في ضركو  
ومعاكو كدا.

ادهم : تربية زين الجارحي.  
كاميليا : الله وانتو تربية مين؟!..  
ادهم بضحك : تربية ابوكي، تربية سودا..  
ادهم مكملش كلامه ومراد دخل...  
ادهم في سره : ياريتني افكرت مليون جنيه.  
مراد : انت مالك قاعد كابس على بنتي كدا ليه?!..  
ادهم : كابس!!، هعوالله حضرتك دي مراتي واكبس براحتي  
انشالله افعصها.  
مراد : فششششش... تفعص مين وابوها موجود.  
كاميليا : احم هو انت ايه مصحيك كدا يا بابا.  
مراد راح جنبها وزق ادهم بعيد : لقت نفسي سهران قولت  
اجاي اسهر معاكي شوية.  
وبعدها بص لادهم : روح هات عصير لكوكو واعملي قهوة.  
ادهم : ما ادلك رجلك بالمره.  
مراد : انت بتقول فيها دا واجبك ناحيتي، وبعدين روح اعمل  
كدا اصل اعند ومنيمكش جنبها..  
ادهم نفخ : ياااارب الصبر.

\*\*\*\*\*

كارما نايمة على السرير... وعز عمال يكلمها في التلفون الاول  
ماكنتش متجاوبة معاه ولكن بعدها اندمجت واتكلمو في امور  
كتييير مع بعض ومحسوش بالوقت....

وفي نص كلامهم عزلقى اتصال من نانا على الانتظار...

عز باستغراب : نانا؟؟؟.

كارما : نعم؟!..

عز : نانا بتتصل عليا.

كارما بضيق : في وقت زي دا؟!.

عز : مئش عارف ثواني ارد خليكي معايا.

كارما بضيق : لا انا هاروح انام بسلاممم.....

الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة

انتهى الفصل العاشر

قراءة ممتعة

بقلم / زيزي محمد

نوفيلاً عندنا يقع العز في الغرام.

الحلقة الحادي عشر.

كارما قفلت مع عز وعدى بساعة اتنين وتلاتة وهي عمالة  
تفكر... نانا متصلة عليه ليه... طب هو ليه متصلة عليها  
تاني.. طب تتصل عليه، ولا المفروض انه هو يتصل، فكرت كتير  
وفي الاخر وصلت انها متصلة احسن..كارما لنفسها : لا انا

مش هاتصل ليفهم اني مدلوقة عليه والا حاجة، ايوا انا كدا  
صح، والا ابعتله مسج اه انا ابعتله مسج احسن، انا هاموت  
واعرف في ايه...

مسبكت تليفونها وقررت تبعت مسج : هو في حاجة خير  
متصلتش تاني!!!.

عز كان قاعد في مكتبه مرهق من عميلة ومش قادر يفتح عينه  
لقاها باعته مسج، ضحك على فضولها... بس قرر يعاملها  
بنفس المعاملة ورد بمسج : مفيش عادي، عميلة ضروري.  
كارما اضايقت من مجرد انه يرد بمسج ليه ميتصلتش عليها،  
فكرت انه ممكن تكون نانا جنبه ومش عاوز يرد، اتعرفت...  
بصت لنفسها في المرآة : ماشي يا عز وانا بقى هاقفشك.  
راحت عند بابها وصحته من النوم.

شاهين بنوم : في ايه يا كارما؟!

كارما بارتباك : بص حضرتك، انا متعودتش اكذب ومش عاوزة  
اكذب، فانا بقى هاخبي، ماشي.

شاهين عقد حواجبه : تخبي ايه وكذب ايه ماتفهميني يابنتي.

كارما برجاء : ممكن متسألنيش ليه عاوزة ارواح المستثنى  
دلوقتي، انا عاوزة اخبي الاجابة دلوقتي، وصدقني في يوم هاجي  
واحكي لحضرتك كل حاجة.

شاهين باصلها كتيير بيحاول يستوعب كلامها، هي مخبية  
حاجة عنه، ومعترفة بكدا، ومش عاوزة تقوله، طب الحاجة دي  
صح والا غلط، طب ماهي اكيد غلط علشان كدا مخبية،  
معقول كارما بنته تخبي عنه حاجة، هو معودها على الصراحة،  
كارما كبرت وبقى عندها حاجات تتخبي، بس عينيها مليانة



براءة وطيبة وطفولة... كل دي اسئلة واجابات خطرت في بال  
شاهين...

كارما هزته برقة :بابا حضرتك بسرحان في ايه؟!، انت مش  
موافق.

شاهين : انتي عاوزة تقولي انك عاوزة تروحي المستشفى  
لسبب ما يخصك وميش عاوزني اعرفه حاليا، بس مش  
علشان حالة مريض.

كارما بارتباك : كدا وكدا سبب يخصني وفيه طفل في العناية  
محتاجة اطمن عليه.

شاهين : ماشي يا كارما هاوديكي وهاحترم قرارك، عارفة ليه  
لاني عارف انك عمرك ما عملي حاجة غلط، وانك كبيرة بما فيه  
الكفاية وتقدري توازي امورك كويس، وكمان انا متأكد انك في  
يوم هتيجي وتحكي لي كل حاجة.

كارما حضنته : بابا حبيبي انا بحبك اوي، انا لايمكن اكذب عليك،  
بس انا الايام دي متلخبطة وحاسة اني مش فاهمة حاجة،  
محتاجة افهم كويس مع نفسي واوزن اموري زي ما قولت.

شاهين : وانا عندي استعداد اعملك اي حاجة انتي عاوزها يا  
حبيبي، يالا روعي البسي.

كارما لبست بسرعة وشاهين اخدها يوصلها وطول الطريق  
في حيرة مع نفسها ياترى حبها لعز غلط!، والا صح، ياترى عز  
شخص كويس، واختيار صح، ولا هاتندم في الاخر.

\*\*\*\*\*

عز كان في مكتبه قاعد على كرسي مرجع راسه لورا وسرحان  
في اليوم بتفاصيله كلها مع كارما، وشعوره لما لمس

بشفايفها اتنهد بقوة وغمض عينه على الذكرى دي... الباب  
خبط ودخلت نانا...

نانا : دكتور عز صاحي ؟ .

عز اتعدل في قعدته وتنحج : اه اتفضلي يا دكتورة .

نانا اضايقت لانها حسبت منه انه بيعاملها برسومية بقاله كام  
يوم، هزاره اختفى معاها مش قل مثلا، حتى كلامه في اطار  
الشفغل فقط، حسبت مؤخرا انه ميال لكارما، مين دي تبقى  
احسن منها وتيجي بعدها تخطفه منها، من وقت ما ليليان  
كلمتها ووجهتها بالعقد اللي عندها وهي في حالة مش متزنة  
وبتحاول تثبت لنفسها انها كويسة ومعندهاش عُقد وتقدر  
ترتبط وتعيش حياتها زي اي بنت... وقررت كدا مع عز  
وبذكائها هاترجع تشده ليها تاني..

قعدت واتكلمت بهدوء عكس طباعها : انا قولت بما ان انا  
وانت قاعدين مع بعض وسهرانين في المستشفى نتسلى مع  
بعض.

عز بسخرية : غريبة دكتورة نانا بتطلب كدا مني، ايه اللي حصل  
في الدنيا ياناس.

نانا ضحكت بخفة : اممم بتتريق عليا بقى، ليك حق منا اصلا  
طريقتي كانت معاك وحيثة.

عز : الا قوليلي يا دكتورة انتي ليه طريقتك كدا، هو انا كان حد  
قايلك دا قتل حد من اهلك مثلا.

نانا اتكلمت وهي قاصدة تبقى عكس كارما وتبين شخصيتها :  
انا مبحبش اتكلم مع من هب ودب، انا ليا كياني، مش امشي

واضحك مع دا واهزرمع دا، التقل دا صنعة وانا مبحبش اكون خفيفة.

عز بمكر : اه بس دي مش اجابة بسؤالى، انتي بسوري يعني طريقتك مكنتش تقل، دي طريقة تطهق بلد، تكره اى حد فيكى.

نانا كظمت غيظها وابتسمت غصب عنها : اخص عليك يا دكتور، دا انا طيبة جداً بس مبعرفش اخد على حد بسرعة، عكس طبعا دكتورة كارما ماشية تتعرف على خلق الله.

قالت جملتها وكانت قاصدة وابتسامه مستفزة على وشها، عز كان بيسمع كلامها عادى، ولما جابت بسيرة كارما رفع حاجبه، وبعدها اتكلم بمكر : كارما دي مفيش منها اتنين اصلا.

الباب اندفع وافتح مرة واحدة ووقفت كارما على اعتابه تنهج وتبصلهم اتأكدت من شكوكها ان هو فعلا رد بمسج علشان هي قاعدة معاه..

نانا بضيق : هو مفيش باب تخبطي عليه ولا ايه يادكتورة.

عز اتحرك ناحيتها : انتي ايه اللي جابك بليل ومين جابك اصلا؟ كارما بصت لنانا بضيق بغيره بشراسة، كانوا شوية مشاعر فوق بعض اول مرة تحسهم.. تعمدت انها تتجاهل نانا وترد على عز.

كارما : المستشفى كلموني وعاوزني ضروري وبابا اللي وصلوني.

عز : مستشفى ايه دي، انا محدش بلغني انهم عاوزينك.

نانا بتهكم : الظاهر كانت نايمه وبتحلم يا دكتور، مستشفى كلها مفيهاش حالات الا حالة الجراحة طوارئ.

كارما وكانت اول مرة ترد بنرفزة وبحدة على حد : وانتي مالك  
مدير المستشفى بيكلمني، انت ايه دخلك، ولا يكونش  
المستشفى بقت تحت ادارتك.

نانا ابتسمت ابتسامة مستفزة: دكتور عز هاروح بقي اطمن  
على حالة المريض، شوية وهابقي اجيلك نكمل كلامنا... وهي  
ماشية بصت من فوق لتحت على كارما ومشيت... عز استناها  
تمشي وقفل الباب ووقف قدام كارما ..

عز : ممكن اعرف انتي نازلة في وقت زي داليه؟!..

كارما بضيق : وانا عاوزة اعرف انت كنت بترد عليا بمسج ليه؟!،  
خايف منها ترد باتصال.

عز : خايف من مين؟!!

كارما : من نانا الزففة دي.

عز : مكنتش معايا اصلا وانا بكلمك، دي لسه داخله من شوية.

كارما : والمفروض ان انا اصدق.

عز : لازم تصدقي علشان المفروض يكون بينا ثقة.

كارما : الثقة دي بتتبني بالمواقف بالوقت والسنين مش بالايام  
او الساعات، انت لسه قايلي بحبك انهاردا من كام ساعة بس.

عز : ماشي كلامك صح، بس انا مش عيل يا كارما علشان  
العب بيكي، انا قولتك بحبك وانا مسؤول وقد الكلمة دي،  
وكمان عارف نهايتها ايه.

كارما بلعت ريقها : نهايتها ايه بقي؟!.

عز قرب منها : جواز طبعاً.

كارما الكلمة اسبرت قلبها ورعشة جت في جسمها.. سكتت  
وعز قرب منها وثبدها لحضنه وحاوط خصرها بايديه .  
عز : لا بس الموقف دا اثبتلي انك بتغيري، دا معناه ايه بقي..؟  
كارما حطت ايدها على صدره وبتزقه بضعف :مش معناها  
حاجة.

عز : طب هو انتي بتغيري ليه؟!، الغيرة دي مبنية على الحب اللي  
بيقعد سنين وشهور مش من كام يوم او كام ساعة.  
كارما بضعف وصوت هادي وما زالت ايديها بتحاول تبعده  
ولكنها بتضعف غصب عنها من مشاعرها : انا اغير..زي مانا  
عاوزه.

عز هدوئها جننه ووجودها اصلا جننه اكر، حس كأنها  
مغناطيس بيثبده عندها قرب منها وباسبها كارما ايديها  
اتشلت وتفكيرها وقف في اللحظة دي، عز كان في بداية  
بوسته ليها كان هادي وكان مقرر يبعد على طول، في لحظة  
جنون ثبدها عليه اكر وبوسته زدات جنان وشوق ليها، كارما  
صوتها طلع بضعف وأنت بصوت هادي، مسكت ايده بضعف،  
في اللحظة دي افكرت كلام ابوها انتي عمرك ما تغلطي يا  
كارما، فاقت في اللحظة دي، زقته براحه وثبفايفها ارتعشت،  
شاف منظرها كدا جه يقرب تاني.. اتكلمت بضعف : عز  
مينفعش كدا غلط ...

عز بهمس وهو بيهز راسه : انا بقيت مهوس  
بيكي.....حاولي متجمعيش معايا ولا تقفي قصادي، هانضيع يا  
كارما انا وانت في لحظة جنون ابعدني يا حبيبتني ابعدني .

بعد عنها واداءها ضهره وهي فتحت عينها وبدأت تستجمع  
قواها ونفسها ومثاعرها الي اتبعثرت، هندمت نفسها  
وخرجت من الاوضة.

دخلت الحمام وبصت لنفسها في المرآة وفاجأة عيبت،  
عيبت كثير، عيبت انها سمحت لنفسها تعمل كذا،  
سمحت لنفسها بتجاوزات غلط، فين ثقة ابوها، طب ثقة  
اهلها، طب دينها والحجاب الي على راسها، انهارت في ارض  
الحمام وبكت كثير، عزيزقول عليها ايه دلوقتي، هي هاتقدر  
تبص لنفسها ازاي، كارما لما حبت بدأت تغلط، طول ما هي  
موجودة مع عز بتغلط وبتنسى نفسها.. قالها ابعدي وهي لازم  
تبعد.. جت تخرج من الحمام لقت نانا في وشها...

نانا بسخرية: ايه دا مالك بشكلك معيطة...

كارما وهي بتخرج: مالكيش فيه.

نانا اعترضت طريقها: يا حرام بشكلكه رفضك لما رميتي نفسك  
عليه.

كارما الكلمة وجعتها واثرت فيها زقتها وطلعت من  
المستشفى كلها بتعيط ومنهارة.

\*\*\*\*\*

عز قضى الليل كله بيمينع نفسه عنها بالعافية، واستنى الصبح  
يجي وراح عليشان ياخذها يروحها، دور عليها في المستشفى  
كلها مثن لاقاها.. قلب المستشفى مختفية.. وصل جري  
على الاستقبال لقي الشفت بيتغير.. وقفهم بسرعة.

عز: محمود شفت الدكتور كارما.

محمود : اه يا دكتور عز كانت خارجة الفجر كدا من هنا وكان  
شكلها تعبان حاولت اسالها مالك رفضت ومشييت على  
طول.

عز اتجنن بسابه وجري على عربيته... وطول ما هو بسابق عمال  
يفتكر كلامه معقول تكون افكرت كلامه انها تبعد بجد هو  
قصده تخرج من الاوضة .. وصل عند بيتها في سرعة جنونية  
ومفكرش وراح عند البواب بسرعة..

عز : هي شقة الدكتورة كارما في الدور الكام؟! .!

عبده : انت مين يابيه?! .!

عز : ميش مهم انا مين، شقتها في الدور الكام.

عبده : في ال ١٤ يابيه.

عز زقه : شكرا.

وصل قدام باب الشقة ولتاني مرة ميفكرش هايقول ايه لما  
ابوها مثلا يفتح.. ودا حال العز لما وقع في الغرام.. جه يضرب  
الجريس الباب اتفتح وكان قدامه بنتين باين انهم خارجين .

عز : احم دي شقة الدكتورة كارما؟ .

لما وهنا بصوا لبعض : اه .

عز : طب هي جوا صح؟ .

لما : اااا.. اه جوا.. ميش عارفين الصراحة.

عز : طب ادخلي بثوفيها، وقوليها عز عاوزك برا.

لما دخلت لكارما ولقتها متكومة على نفسها على سجادة  
الصلاة وبتعيط بانهايار..

لاما بخضة : مالك يا كارما.

كارما مسحت دموعها : مفيش.

لاما : بتعيطي ليه؟! ، ولا يكونشي الجدع اللي برا دا هو السبب  
في عياط.

كارما بصوت مبحوح : جدع مين؟!

لاما : معرفش حد اسمه عز برا عاوزك.

كارما قامت بسرعة من مكانها : ايه عز؟ .. بابا وماما فين؟! .

لاما : لسه نايمين.. في ايه هو مين الجدع دا؟

كارما مردتتش عليها وطلعت بسرعة لفته واقف على  
الباب...لاما وهنا وقفوا وفضلوا ينقلوا نظرهم ما بينهم.. لغاية  
ما كارما اتكلمت : روحوا انتو الجامعة يابنات يالا.

هزوراسهم ودخلوا الاسانسير واول ما الاسانسير نزل  
اندفع ناحيتها بيتكلم بحدة وضيق: ازاي تمشي لوحديك من  
المستشفى؟ انت اتجننتي؟ انا كنت هاموت من قلقي عليك.

كارما بعدت خطوة لورا : لو سمحت يا دكتور عز..ابعد.

عز : دكتور! في ايه ياكارما؟

كارما بهمس ودموع : في ان علاقتنا غلط، ومشاعرنا غلط،  
واللي عملناه غلط، كل حاجة غلط في غلط، دا حرام، الحب اللي  
بحبهولك دا غلط ومينفعش، ارجوك ابعدي مانت قولتلي  
ابعدي انا بعدت انت صح، لازم نبعد مش عاوزة اغلط تاني.

عز : انتي فهمتيني غلط انا قصدي تخرجي من الاوضة لاني كنت  
في حالة مش عارف اسيطر على نفسي فيها فهمتي غلط يا



كارما، انا عارف ان اللي عملته غلط وانا اللي بدأت بس كانت في لحظة شيطان انا آسف.

كارما : الغلط عليك وعليا، احنا لازم نبعد، ارجوك ارجع لحياتك وخليني انا في حياتي والعالم بتاعي.

عز : طب دخليني في العالم بتاعك، او تعالي انتي في حياتي، المهم انك تكوني معايا، مش عايشان غلطة تبعدني عني.

كارما بعياط : حياتك غير العالم بتاعي، انا بدأت اخبي وبدأت اكذب، وبدأت اعمل حاجات مينفعش تتعمل ارجوك يا عز ابعد ، ارجوك انسى اللي بينا وانا هاحاول انسى.

عز : كارما انا..

كارما قاطعته برجاء : عز ارجوك.

عز بصلها بضيق وفي لحظة مشي من قدامها وهي دخلت اوضتها تكمل عياط وانهارت من جديد كل ما تفتكر اللي عملته... عدا يوم اتنين وعشرة وكارما في اوضتها دبلت.. كانت طول الوقت بتحاول تعاقب نفسها من كل حاجة بتحبها حتى كلام مع اهلها منعه وكل ما تيجي تفكر في عز تنهر نفسها من جديد قفلت تليفونها امتعنت حتى عن اهلها وكل ما يجوا يسألوها ترفض تتكلم حياتها الوردية اتحولت لجحيم نفسي ،،، وعز كان بيموت نفسه في الشغل مبيروحش بيته مبيروحش في مكان الا المستشفى دقنه طلعت وحاله اتبدل مكنش قادر ميطلبش تفكير فيها ولا كان قادر يبطل يحبها... بس كرامته وجعته من رفضها ليه، هو قالها انه هاتجوزها وراجل وقد كلمته، بس كان مستني بس كلمة بحبك منها... كرامته وجعته منها، معني كدا انها مش بتحبه، حتى مفكرتش تتصل عليه ولا تبعت مسج وهو طول العشر

ايام بعثها مسج فيها كلمة واحدة : وحشيتيني اوي،  
مفكرتش حتى ترد، لدرجادي حبه رخيص وهين لدرجادي..  
الغضب اتملك منه... نانا مكنتش بترفضه بالشكل دا دي هي  
اللي بتجري وراه لازم يتحدى نفسه وينسى حباها وفي لحظة  
جنون اتصل على ابوه....

زين : لسه فاكر ان ليك اهل.

عز : انا عاوز حضرتك تجمع العيلة كلها انهاردا بليل.

زين : ياترى ليه عندك مناسبة.

عز بقوة : اه قررت اخطب.

زين بفرحة : بجد مين بقى !!.

عز : هاتعرف بليل.

زين : سر دولي يعني .

عز : لا علشان هاقول اسمها بليل وميش عاوزاي اعتراضات  
من اي حد، هاقول اسمها واسبابي وخلص .

زين : انت كويس صح.

عز : اه كويس جدا.

زين : اوك الساعة ٩ كله هايبقى موجود.

\*\*\*\*\*

شاهين دخل اوضتها وفي ايده شوكلاتات وبيبيسي...

شاهين : كارما حبيبيتي... بصي ياستي جبلك ايه؟!!

كارما رفعت وشها الدبلان وعينيها المنفوخة وبصت ببطء  
للكيس وسكتت..

شاهين : دي خامس مرة ترفض حاجة انتي بتحبيها فيكي ايه  
انا هاتجنن، انتي هاتخليني اروح اسال في المستشفى فيكي  
ايه.!

كارما بفرع : لا متروحيش ارجوك.

شاهين بشك : فيكي ايه انطقي.

كارما بعياط : فيا وجع على مشاعر متلخبطة، سبوني لوحدي  
اداوي نفسي، متقلقوش عليا، انا مش صغيرة انا كبيرة انا  
قادرة احكم على نفسي كويس، مش هاموت من الحالة اللي  
انا فيها دي، بالعكس انا هاقوي واكون كويسة اكر، هو انا  
مش طلبت منك تسييني لغاية ما احكيلك، طول عمرك  
بتحترم وجهة نظري، يبقى سيبني.

شاهين بوجع اكبر لصوتها الحزين : بس انتي واجعة قلبي  
بمنظرك دا، اول مرة اشوفك كدا، هو انا يابنتي غلطت لما  
وديتك تشتغلي في المستشفى.

كارما : بالعكس، انا نضجت اكر وكبرت وفهمت حاجات  
مكنتش فاهمها، بابا حبيبي الي فيا مش يخصك ابدأ، ولا  
يخص حد دا يخص نفسي انا.

شاهين : طيب يابنتي انا موجود وعلى طول تحت امرك ومعاني  
عوزتيني تعالي وهاتلاقي حزن ابوكي مفتوح واوعي تخافي مني  
انا لايمكن اذيكى او ازعلك ابدأ.

كارما : الخوف مش منك ابدأ يا بابا، الخوف من حاجات جوايا.

شاهين هز راسه وطلع وهي بكت : يارب سامحني، ونسييني  
حبه.

\*\*\*\*\*



ليان : مين دي بقى العروسة.

عز بقوة : العروسة تبقى.....

\*\*\*\*\*

نانا كانت واقفة تبص على نفسها بانتصار.. دخلت خالتها..

مريم : نانا انتي مشش وراكي مستشفي ولا ايه؟؟؟

نانا : توتو مفيش .

مريم : مالك حاسكي متغيرة ومبسوطة الايام دي.

نانا : مبسوطة اوي ولسه هاتبسط اكر واكر.

مريم : اقدر اعرف السبب.

نانا : لسه بعدين بس اوعدك قريب.

مريم : المستشفي اخترك للمنحة صح .

نانا : توتو لسه بردو.

مريم : اوك هاستني القريب دا يقرب اكر واعرف.

مريم خرجت ونانا ضحكت لنفسها بمكر : انا مفيش حد يقف  
قصادي، وقفني قصادي ياكارما فرمتك، وبعدتك عن حياته،  
تغور المنحة، في سبيل اثبت لامه وكارما اني اقوي منهم  
ومشش دي اللي تاخده مثلا مني.

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة : الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة

انتهى الفصل الحادي عشر

قراءة ممتعة.

بقلم / زيزي محمد

اولا : انا مبسوطه من تفاعلكوا على النوفيليا وبشكرکوا



بس يا جماعه النوفيليا دي بالكثير كانت في دماغي ٥ فصول  
وعليشان خاطرکوا طولت فيها ... فاصبح ان بكتب الفصل  
بيومه.. مقدرش انزل فصلين مرة واحدة مثلا ولا ان اطول في  
الفصل لان ليا بيتي وحياتي بردوا ياريت تقدروني بقى □||♥□  
نوفيليا عندما يقع العز في الغرام.

البارت الثاني عشر.

الكل قاعد ومترقب ومستنين عزيقول اسم العروسية... وهو  
سكت بشوية... وبعدها نطق بتنهيده طويلة.. عز : العروسية  
تبقى كارما..

السعادة بانتي على وشوشهم وكانهم دخلين حرب  
وكسببوها، باصلهم لقاهم مبسوطين ومراد بيغمزله،  
معقولة حبوها زي ما هو حبها.. لدرجادي سحرها بيأثر على  
اللي حواليتها زي ما أثر عليه.. كلهم باركوله.  
زين : مبروك يا عز ان شاء الله هاكلم شاهين واخذ منه معاد.  
عز : اه قوله بكرة وقوله هاتجوز بكرة بردو.  
مراد الجارحي : انت داخل حامي كدا ليه يابني اتقل.

عز : اسكت انت متعرفنش اللي فيها .

زين بصرامة : عاوزك يا عز في اوضتك .

عز هزراسه واتحرك وراه وليليان راحت بسرعة لمراد .

ليليان : مراد لو سمحت روح وراهم، وحاول تمشي الامور  
وزين ميعدنش .

مراد : جوزك مبيحبش حد يدخل بينه وبين عياله ..

ليليان : انت مش حد يا مراد .

مراد قام راحلهم وخبط ودخل ....

زين باصله وبعدها بص لعز : ايوا بقى قولي ازاي ادخل على  
الراجل بالمأذون .

عز : زي الناس يا ابابا، هو انا رايع اثتمه انا رايع اتجوز بنته .

مراد : ابوك قصده في اصول لازم نراعيها .

عز : دي شكليات انا بحبها وعاوزها .

زين بنرفزة : متعصبنيش ايه بتحبها وعاوزها دي، حبها  
لنفسك، في اصول مينفعش نتعدها ابدأ، لازم نقدر الناس  
كويس، وبعدين ابوها من حقه يفكر اذا كان موافق عليك والا  
لا .

عز : هو ابوها ماله، انا هاتجوزها هي مش ابوها ، وبعدين هو  
انا اترفض ؟ .

زين : اه تترفض عادي ولو جاي تتجوز بنتي بالشكل دا مش  
هاوافق واطردك برا .

مراد : اصبر يا عز كلام ابوك صح ، احنا لينا دخلة تانية .

عز بنرفزة : وانا مش هاستني الداخلة ولا الاصول ولا  
الشكليات واتزل لغاية ماتبقى على اسمي انا هاروح لابوها  
دلوقتي.

زين بحدة : انت الظاهر اتجننت .

عز ولاول مرة يقف قدام ابوه : اه اتجننت وهانفذ اللي في  
دماغي.

عز خرج وسابهم وخرج من البيت كله تحت انظارهم...  
زين بص لمراد: ايه الجنان دا .

مراد قرب منه وابتسم : عز وقع في الغرام.

زين: بس مش كده يا مراد شوية عقل.

مراد : عقل ايه يا زين، اه وانت هاتعرفه مين وانت جتلك على  
الطبطاب وفي ثانية كانت مراتك، مش انا اتعذب واتخطبها  
خمس سنين، وكمان اتجوزها خمس سنين وتمثل انها  
ميتة

زين بصله بصدمة : تعرف وانا قاعد مع ليليان انهاردة بشرقت  
كام مرة واتاريك انت الي حاسدني ، احسدني في اي حاجة  
فلوس، بشغل اي حاجة غير مراتي وعيالي دول ثروتي  
الحقيقية.

مراد بضحك : مش ها حسدك لانك عشيت لوحده كثير  
وعانيت كثير زي ودي مكافأة ربنا ليك، زي ما ربنا كفاني بسارة  
وكاميليا ويحيى .

زين : طب بمناسبة كاميليا خف شوية على ادهم.





مراد : لقتلك فكرة .

ادهم بحماس : قول..

مراد : مراد عنيد فالكلام مش هاياكل معاه، انت تحطله تخدير  
في العصير وتنيمه، وتاخذ مراتك وعيالك وتروح بيتك وان حد  
جه عند بيتك حط الغام وفجرو.

ادهم : طب وكاميليا؟! .

مراد : مالها كاميليا...

ادهم : هاتقعد تقولي انت مضطهد بابا وبتكره بابا  
والاسطوانة الحمضانة دي.

مراد : قولها ابوكي دخل ينام وقالي يالا روحو ، اضحك عليها  
ياعم، بس خلي سارة تشترك معاك، لانها الطرف الهادي اللي  
هايطبط مراد لما يفوق.

ادهم : طيب انا هانزل الصيدلية.. ادعيلي.

ادهم نزل الصيدلية وجاب المخدر واتفق مع سارة بعد  
محيالات كتير ووافقت ونفذو الخطة زي ما مراد رسمها واخذ  
كاميليا وبناته وروح بيته.. وساب سارة في وش المدفع... مراد  
فاق بليل راسه ثقيلة وتعبان، عرف على طول انه بشرب حاجة  
في العصير تقلت دماغه بالشكل دا.

ومن منظر سارة المرتبك... واول ما بلغته طلعت جري تهرب  
برا بعدها بسمعت تكسير وبيشتم ادهم...

مراد بغیظ : ماشي يابن زين الجارحي، مااااشي.

\*\*\*\*\*

عز وصل بعربيته قدام عمارة كارماا انزل وطلع ودا كله من غير  
تفكير هو قدامه هدف واحد انها تكون بكرة مراته وعلى ذمته  
خلاص مبقاش قادر يبعد عنها خالص، حبها بيكبر في قلبه،  
وصل عند باب الشقة ورن الجرس ... فتح شاهين..

شاهين باستغراب : دكتور عز.

عز : طبعا انا اسف اني جيت من غير معاد وفي وقت متأخر،  
بس حقيقي الوضع مش مستحمل.

شاهين بقلق : اتفضل يا دكتور.

عز دخل وعينه بتدور على كارما وحشيتها، هو عايش في جو  
عائلي وشايف عشق ابوه لاهه عمره ما تخيل انه ممكن يعشق  
او يتجنن بسبب حبه، ايوا هو اتجنن خلاص هاي موت  
ويشوفها يملئ عينه منها، وحشيتها كل حاجة فيها صوتها  
هدونها ضحكتها شكلها..

شاهين : احم خيرا دكتور.

عز انتبه : انا بكرر اسفي طبعا.

شاهين : مفيش اسف طبعا ما بينا، انت ابن الغالي.

عز : طب بدام انا ابن الغالي، انا عاوز اتجوز كارما.

شاهين كح : نعم!.

عز : ايه في حاجة غلط والا ايه؟!..

شاهين : لا بس يعني انت قلقيني وقولت موضوع مش  
مستحمل، وطلعت عاوز تتجوزها وانا حاليا محتاج افهم منك  
براحة.

عز : انا عاوز اتجوز كارما بكرة باقصى سرعة، وياريت حضرتك متقوليش بقى اصول وشكليات والكلام دا، الكلام دا قديم، انا بحبها وعاوز اتجوزها بس.

شاهين : ايه يابني اهدا هو الموضوع خبط لزق كدا.

عز قام اتنرفز : هو ايه اللي خبط لزق، انا بقولك بحب بنتك وعاوز اتجوزها وانت تقولي شكليات وحوارات انا حقيقي مش فاهم ايه دا.

كارما لما سمعت صوته برا اتخضت وقامت تشوف في ايه لفته متنرفز وبيتكلم بعصبية شكله متغير دقنه زدات وباين عليه مرهق بس اضايقت من اسلوبه.. وفي النفس الوقت هي مستمرة في عقاب نفسها على اللي عملته او اللي سمحت بيه لعز يعملو.. طلعت مرة واحدة وعز اول ما شافها بسكت اتسمر، لو مكنش ابوها موجود كان حضاها كان باسها، حب ايه دا اللي حب هولها ...

كارما بهدوء: طلبك مرفوض يا دكتور.

عز بنرفزة : طلب ايه انتي اتجننتي.

كارما بدموع : انا مش هاتجوزك.

البيت كله طلع على صوتهم.

عز ومكمل نرفزته : وانا هاتجوزك غصب عنك، انا بحبك.

شاهين : اهدا يابني وراعي ان ابوها واقف.

عز : طب قولها تسكت .

كارما : مش هاسكت ومش هاتجوزك وانساني بقى طلعتني من حياتك.

عز بصوت عالي : انتي اصلا حياتي كلها، حياتي كلها متركرة  
عليكي، قوليلي على طريقة اطلعك بيها من حياتي، انتي حبك دا  
لعنة وصابتني وبصي بقى انا هاتجوزك ولو وصلت ان اخطفك  
من عيلتك دي .

شاهين رفع حاجبه وكلهم اتصدموا من جرئته ... عز مشي  
وهو متنرفز ومدايق..

شاهين :اظن من حقي افهم بقى ؟!

كارما بعياط : هو بيحبني وانا مش عاوزاه.

لما : دا يترفض يابنتي انتي هبله.

كارما بعصية : محدش له دعوة بيا بقى انا حرة.

ودخلت اوضتها شاهين جه يدخل مني منعته..

كارما طلعت تليفونها وفتحته لقت منه مسج ان هي  
وحشيتها.. اتصلت عليه هو كان بسايق العربية بجنون لقي  
اتصال منها.. وقف العربية.

عز : الو .

كارما بعصية : انت ازاي تعمل كدا.

عز بنرفزة : متتعصبيش اصل واقسم بالله اجاي اطبقك في  
بعضك.

كارما : متكلمنيش كدا.

عز : امال اكلمك ازاي، جاي اتقدملك تقومي ترفضيني.

كارما بعياط : انا مش برفضك علشان حاجة، انا بعاقب  
نفسي باكثر حاجة بحبها فهمت.

عز بقلوب بتطلع من عينيه : يعني انا اكثر حاجة بتحبيها يا  
كارما؟؟؟

كارما بتوتر انها كيشفت نفسها : مشن هاكذب عليك واقولك  
لأ، انا عارفة انا مكشوفة قدامك ومشاغري واضحة ليك،  
ويمكن دا اللي خلاك تتمادى معايا.

عز للحظة حس براحة انها اعترفت بحبها ليه مع انه كان  
حاسس بالحب دا لكن انها متنكروش ارتاح شوية.

عز بتنهيده : وبتعاقبي نفسك ليه بقى ؟!.

كارما : عليشان اللي حصل ما بينا.

عز بغضب : اوووف يا كارما، منا قولت اسف وكان غضب عني،  
انتي محسبيني كاني اغتصبتك، وبعدين يابنتي انا اهو  
ها تجاوزك وها تبقي مراتي وحلالي.

كارما : الموضوع مش يخصك يا عز موضوع يخصني انا، انا  
اتغيرت لما حبيتك انا بكذب وبخبي وعملت حاجة حرام  
والمفروض متحصلش، انا مبقتش كارما، انا بقيت واحدة  
سافلة وقليلة الادب.

عز : طب والله انا اللي سافل وقليل الادب انا حبيبتك.

كارما : دا نهاية الكلام عندي بسببني في حالتي وانت تشوف  
حالك، سلام.

عز : اسنتني بس..

كارما قفلت وقفلت تليفونها خالص : ايوة صح انا غلطت يبقى  
اتعاقب واتحرم من كل حاجة، يارب سامحني .

\*\*\*\*\*

شاهين : هو في ايه ؟ كارما مخبية ايه؟! .

منى : انت مربى بنتك كويس، وبعدين دماغك متروحش لبعيد  
انت ياشاهين متخيل لو لقدر الله بينهم حاجة كان جه مثلا  
وعاوز يتجوزها.

شاهين : امال في ايه انا هاتجنن انا دماغي بتوديني لكدا.

منى : ليه متقولش انهم بيحبوا بعض وحصل خلاف ما بينهم  
فعلشان كدا رفضته مثلا، وخصوصا انها من النوع اقل حاجة  
بتأثر فيها.

شاهين : بس دا مجنون رسمي دا عاوز يتجوزها خبط لزق.

منى بابتسامة : باين عليه بيحبها .

شاهين : اصلا انا مقلق من الموضوع ومش داخل دماغي.

منى : ليه بس؟! .

شاهين : زين الجارحي مش مستوانا يا منى زين من اغنى  
اغنياء مصر، وحد تقيل في البلد، مهما كنت مرتاح ماديا، بردو  
في فرق جامد ما بينا، انا ممكن احس بالنقص وانا بتكلم معاه  
مش عارف الصراحة بس مش حابب الفكرة، وبصراحة كمان  
خايف ان عز جاي من نفسه ولو حده ان ممكن ابوه رافض  
الجوازة دي، وانا مش هاقبل لبنتي عيلة رافضينها.

منى : لا يا شاهين متفكرش كدا طبعاً، بسبب انت الموضوع  
ماشى كدا، ويارب يكون من نصيبها دي متخلفة حد يرفض  
الحب دا.

\*\*\*\*\*

عزراح لمراد الالفى على بيته...

مراد حط قدامه القهوة : اشرب القهوة وقولي هي رافضاك  
ليه!.

عز بضيق : متخلفة بعيد عنك.

مراد : بطل طيب شتايم عليها من وقت ما جيت نازل شتايم  
متخلفة حمارة .

عز : متعصب منها ومن غبائها.

مراد : ايوا هي رافضاك ليه؟!.

عز : سبب يخصني بيني وبينها.

مراد : قوم ياض من هنا، جاي تقرفيني وتوجع دماغي، وفي الاخر  
سبب يخصني ايه الهبل دا.

عز : بص بقولك انا جايلك علىشان عاوز اخطفها وعاوزك  
تساعدني.

مراد : تخطف مين!.

عز : اخطف كارما من بيتها، انا مش عارف اوصلها ولا عارف  
اتكلم معاها، لازم اشيل اللي في دماغها، مش عارف اتكلم  
معاها هاخطفها ساعة زمن بس وبعد كدا ارجعها.

مراد : واد ياعزانت اتجننت صح?.

عز اتنهد : اه يا مراد اتجننت وحببتها، اعمل ايه بقى، مساعدني.

مراد بضحك : اساعدك في ايه يامجنون، اساعدك تخطف  
واحدة!!.

عز بغيط : هو انا هاخطفها واقتلها انا هاخطفها اتكلم  
معاها ساعة زمن بالكثير.



مراد :. امشي ياله اطلع برا، انت اهيل ولا ايه؟!.

عز قرب منه وجز على اسنانه : هتساعدي يامراد، وهاتجوزها  
غصب عن الكل وغصب عنها هي كمان.

\*\*\*\*\*

عز روح لقي زين في وشه

زين : عملت الي في دماغك، صغرت نفسك وصغرتيني.

عز : صغرتك في ايه يا بابا، هو انا قولت ايه غير اني عاوز  
اتجوزها.

زين اخده وقعه : ممكن تهدا في ايه مالك عاك الامور كدا .

عز اتنهد : هي اصلا معكوكة يا بابا لوحدها وميش هاتتحل الا  
بالعك بردو.

زين : ميش معكوكة بس يب ابوك يحلها وهاتتجوزها.

عز : انت حلها من عندك وانا احلها من عندي بس ميعديش  
عليا الاسبوع دا الا وانا متجوزها.

زين : طيب يا عز... بس عاوز اسالك سؤال هو انت بتحبها  
لدرجادي.

عز : غابت عني عشر ايام مشوفتش طيفها حتى ولا سمعت  
صوتها وحاسس ان دماغي هاتنفجر بتطلع في احلامي وانا  
نايم وفي خيالي وانا صاحي، انا عاوز اتجوزها علشان تفضل  
قدامي ومحدثش يمنعها عني.

زين ابتسم : تخطيط امك جه بفايدة يعني.

عز : من قبل والله يا بابا وانا بشكلي واقع.

زين : بكرة هاخلص الموضوع داعم بشاهين .  
عز في سره : وانا بكرة هاخلص موضوع كارما .

\*\*\*\*\*

تاني يوم..

كارما قاعدة في اوضتها في حالة من الحزن، عزبيجي في  
خيالها بكل حالته، وحشها كل حاجة فيه جناه وكلامه  
وغضبه وابتسامته كل حاجة... بس لازم تعاقب نفسها باكثر  
حاجة بتعشقها وبتحبها....

تحت عمارة كارما....

عبده البواب لاحظ واحد واقف بيلف حوالين نفسه...

عبده : خير يا بيه مالك واقف كدا ليه؟!..

\_ ابني مغمى عليه في العربية وميش عارف اعمل ايه لازم دكتور  
بسريعة ينقذه.

عبده : ياساتريارب ما تجري بيه بسريعة على اي مستشفى.

\_ ميش هالحق عاوز دكتور اطفال في المنطقة دي بسريعة.

عبده بتفكير : في دكتور اطفال هنا ثواني اطلع انا ديها...

\_ بسريعة وحياتك .

عبده طلع بسريعة لكارما... مني فتحت .

مني : في ايه يا عبده بتخبط كدا ليه؟!..

عبده : في واحد يهانم ابنه مغمى عليه وعاوز دكتور اطفال  
بسريعة ممكن ست كارما تيجي تبص على الواد .

منى : طب ثواني اخليها تيجي معاك...

بعد دقائق...

كارما : فين العربية دي يا عم عبده .

عبده : اهي العربية السودا اللي هناك دي يا ست الدكتورة.

كارما.

كارما راحت ناحية العربية .. وبصت فيها ...: اونكل مراد... ايه دا يحيى.

\*\*\*\*\*

في احد المطاعم..

زين : انا أصريت نتكلم برا بعيد عن البيت علشان اعتذرلك عن  
اللي عز عمله امبارح.

شاهين : ههه عادي عززي عبد الرحمن ابني .

زين : فينه ابنك دا من حق مشوفتوش قبل كدا.

شاهين : ظابط في الصعيد،، مبيجيش كثير بشغله صعب  
شوية.

زين : انت هاتقولي زي ادهم بردو، يمكن اللي مصبرني وجود  
مراد مبيغيبش كثير اوي .

شاهين : ربنا يحميهم.

زين : يارب ... المهم ندخل في الجد.. انت طبعا عارف ان عز  
بيحب كارما وعاوز يتجوزها.. هو مقتنع اننا لما نيجي ونتقدم  
ونعمل خطوبة دي كلها شكليات هو عاوز يدخل جد ويتجوز.

شاهين : عزيزشرف اي حد، بس هو متسربع اوي .

زين : ولا متسربع ولا حاجة، عز لو مش متأكد من حبه ليها  
مكناش هايطلب يتجوزها.

شاهين : بس هي مش عاوزاه ورفضته .

زين : بص الي انا متأكد منه ان الاتنين بيحبوا بعض، بس  
اليومين دول فيهم حاجة مغيراهم، عز بقاله اكثر من عشر  
ايام نفسييا مش متظبط، انا حقيقي معرفش مالهم، بس  
بقول يمكن عمل حاجة ضايقتها او اتصرف تصرف مش على  
هواها، او هي عملت حاجة وهو اضايق فتصرف تصرف مش  
كويس، كل اللي يهمني انهم بيحبوا بعض ولايقين على بعض،  
شاهين من اول ما شوفت كارما وانا قولت دي مرات ابني، ودي  
اللي هاتكمل عيلة الجارحي بوجودها.. انا بس مش عاوز الا  
موافقتك.. والباقي سهل... طبعا انا يشرفني نسبك انت من  
اعز الناس على قلبي ومن انصف الشخصيات اللي اتعاملت  
معاهم..

كلام زين عطى لشاهين ثقة وراحة وطمانينة.. زين بذكائه قدر  
يخلي شاهين يوافق ويمحي اي مخاوف جواه...

زين.. : ها قولت ايه يابو النسب.

شاهين : قولت موافق اكيد، عز ميترفضش وكفاية انك ابوه.

زين : انها ردا تبلغ والدة كارما.. وكارما.. لو رفضت تاني وقتها  
بسيبها ليا انا.

شاهين : ياريت اصل حالتها غريبة الايام دي، وقافلة على  
نفسها وعلى طول بتعيط.

زين ابتسم : متقلقش ان شاء الله خير..

وفي سره : شكلك عاكها يا عز.

\*\*\*\*\*

كارما : حضرتك قولتيلي اركبي وركبت في ايه بقى يا اونكل؟!..

مراد الالفي : صبرك عليا يا بنتي.. نوصل بس للمكان ونتكلم.

كارما : نتكلم في ايه، طب هو عزله علاقة بالموضوع.

مراد : ولو ليه علاقة في اعتراض.

كارما بضيق : يبقاله علاقة.. طب انا كدا خرجت من غير ما

اقول لماما.

مراد : تاخدي تليفون تكلميها..

كارما بصتله بضيق : انا كل الي طالباه من حضرتك انك تقول

في ايه؟!....

مراد وقف العربية.. وبص قدامه وشاور...

مراد : عزايقولك في ايه؟!..

كارما بصت بسرعة ولقته واقف لابس بدلة وماسك بوكيه ورد

احمر في ايده ومبتسم..

مراد : انا هانزل انا ويحيى وعزهايركب، ياريت تسمعوا بعض

ومتضيعوش احلى سنين حياتكو في متاهات...

مراد نزل هو ويحيى..

عز : مكنش عندي شك انك هاتقدر تجيبها.

مراد : عد بس الجمائل.. بس ايه قولي ايه الشغل العالي دا.

عز : ايه رايك في الورد، فكرة مراد اخويا.

مراد : جان الواد طول عمره... بس مش لاقى الا اللون دا، بلدي اوي.

مراد سابه ومشي هو ويحيي وعز في سره : اللون الاحمر وحش!!!

بص ناحيتها... عينه جت في عينها.. دخل بهدوء العربية وقعد وقدملها الورد من غير ما يتكلم...

كارما بصت للورد وزوقه ولبسه واناقتة... وانتبهت على صوته..

عز : بصي يا كارما انا بحبك ومش بس بحبك انا وقعت في غرامك، وهاتجوزك وماليش دعوة، وانتي هاتشيلي كل اللي هبل الي في دماغك دا، وعاقبي نفسك بحاجات تانية، بس متبعديش عني، انا عشت ازفت فترة في عمري لما بعدتي، وعلى فكرة انا مش بكذب، انتي حبك لعنة سحر ومسني ومشي هايطلع من قلبي ابدأ، لو قولتي لا وكلامك العبيط دا هابوسك واحتمال اخطفك واعمل فيكي كل الغلط علشان مش تعاقبي نفسك لا تموتي نفسك بقى اسهل من دا كله... فاهمه والا لأ.

وكمل كلامه : واه اسنتي غمضي عيونك نسيت حاجة .

كارما غمضت عيونها تلقائيا حسيت بشفايفه على ايدها تبوسها وبيلبسها خاتم رقيق وبصوت هامس : بحبك.

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة

انتهى الفصل الثاني عشر

قراءة ممتعة

بقلم / زيزيمحمد

نوفيلاً عندما يقع العز في الغرام.

البارت الثالث عشر.

في عربية مراد عز و كارما قاعدين و ببصو لبعض و عز شغل  
تسجيل العربية و كانت اغنية عمرو دياب و هي عاملة ايه  
دلوقت، و مين هون عليها الوقت، قولولي لو تصالحها  
اروحها و اصالحها.. عز و طي التسجيل. عز اتنهد و اتكلم :  
بصي يا كارما انا بحبك و مش بس بحبك انا وقعت في غرامك،  
و هاتجوزك و مليش دعوة، و انتي هتشيلى كل الهبل الي في  
دماغك دا، و عاقبي نفسك بحاجات تانية، بس متبعديش عني،  
انا عشت ازفت فترة في عمري لما بعدتي، و على فكرة انا مش  
بكذب، انتي حبك لعنة، سحر و مسني و مش هايطلع من قلبي  
ابدأ، لو قولتي لا و كلامك العبيط دا هابوسك و احتمال  
اخطفك و اعمل فيكي كل الغلط علشان مش تعاقبي نفسك  
لا تموتي نفسك بقى اسهل من دا كله... فاهمة و الا لأ.

و كمل كلامه : واه اسنتي غمضي عيونك نسيت حاجة .

كارما غمضت عيونها تلقائياً حسبت بشفايفه على ايدها  
بتبوسها و بيلبسها خاتم رقيق و بصوت هامس : بحبك.

كارما فتحت عيونها براحة و بصت على الخاتم اللي في ايديها...  
كأنه متفصل ليها هي.. رفعت عينها و جت في عينه.. لقت

ملاحه متحفزة للكلمة اللي هاتنطقها.. عيونه فيها كلام  
كثير ولمعة غريبة.. حاولت تعاقب نفسها وتنسى حبه بس  
مش قادرة.. عز اللي جت بين يوم وليلة ومن لحظة واحدة  
واخترق عالمها، لا مش اخترقه بس واكتفى، دا اخترق قلبها  
وعقلها وكل كيانه.. لحظات من الصمت عمت المكان..

عز رجع اتكلم بس المرة دي كان جد جدا : قررتي ايه يا كارما..  
بس اعرفي ان الكلمة اللي هاتقولها هاتكون اخر كلمة بينا..  
لو اه يبقى نقفل الصفحة دي ومن بكرة هاتكوني مراتي، لو لأ  
هاتتقفل بردو بس كل واحد وليه حياته وهاتتقفل للأبد،  
كارما انا حاولت معاكي ورجعتك بعد رفضك ليا، اول سبب اني  
بحبك وعاوزك معايا العمر كله وتاني سبب علشان انا راجل  
وقد كلمتي ويوم ما قولتلك بحبك ... يبقى قلبي دا حبك بجد  
وشافك مراته وحبيبته واخته وكل حاجة في حياته، انا لما  
اتجرات وبوستك دي كانت مشاعر كانت غصب عني وحركتني،  
واظن عاقبتيني قبل ما تعاقبي نفسك.. دا اخر كلام ليا... يبقى  
الكلام ليكي.. اتفضلي.

كارما بارتباك : يعني انت لابس بدلة ومضببط نفسك وانا لابسة  
لبس بيتي ودا ينفع؟ لو سمحت انا عاوزة المشهد دا يتعاد  
تاني.

عز ضحك : لا انتي بتهربي، انا عاوز اسمعها بودني.

كارما : يالا يا عز زمان ماما قلقانة عليا.

عز : لو بتنا هنا للصبح هاسمعها منك .

كارما فكرت كثير : طب بص لما تيجي تتقدم واتجوزك هاقولها  
اوك.

عز : دا وعد.



## كارما بابتسامة : وعد.

\*\*\*\*\*

تاني يوم الكل في بيت شاهين على قدم وساق في استقبال عيلة الجارحي..كارما كانت بتتجهز من الصبح وعز مكلماهاش من امبارح من وقت ما كانت معاه.. قلقانة ومكسوفة وخايفة وفرحانة حبة مشاعر فوق بعض كدا جواها...اما شاهين قاعد هو ومني..

شاهين : مش قالتلك يعني اتكلمو في ايه؟!.

مني : والله هاكذب عليك في ايه، هو عامل الخطة دي كلها عليشان يوصلها ويتكلم معاهها وحلو الامور مع بعض وكانت راجعة مبسوفة وفرحانة.. باين عليه بيحبها اوي يا شاهين.

شاهين : يارب يكون ابن حلال ويحافظ عليها دي الغالية.

مني : قولي انت لاهتني امبارح زين الجارحي اقنك ازاى..

شاهين ابتسم : بكلمتين بساط منه خلوني اوافق الراجل دا عنده زوق واحترام وتواضع مشوفتوش على حد ربنا يباركله... وبعدين حسيت من عينيه انه حابب كارما وبيتمناها مرات ابنه.

مني بفرحة : الحمد لله يارب عقبال عبد الرحمن ما اطمئن عليه..

شاهين : يارب والله كان نفسي يبقى جنبي... بس نعمل ايه بقى في شغله.

مني : معلش هو وعدني انه هايجي اجازة حلوة كدا.

شاهين : طب قومي تلمي يالا على الحاجة زمانهم على وصول.

دقايق عدت على كارما وكانها ساعات ووصل زين وعيلته ومنى  
اتعرفت عليهم والجو كان لطيف..

عز ميل على ليان : ماتسالي كارما فين؟!.

ليان لسه هاتتكلم لقتها طالعة بفسستان رقيق سماوي  
وطرحة بيضة ومتوترة.. بلعت ريقها بتوتر وسلمت على الكل  
وجت عند عز وعدته وسلمت على ليان وقعدت جنبها عز  
باصلا بصدمة ولاحظ ابتسامتهم...

عز بخفوت : اه دي القعدة عليا انهاردا.

زين اتكلم بجدية : شاهين احنا طالبين ايد كارما بنتك لابني عز.

شاهين : يشرفني طبعاً طلبك.

زين : تسلم..

عز قاطع زين بان دفاع : لو سمحت يا بابا بس علشان كمان  
ربع ساعة المأذون جاي.. عمي انا عاوز اتجوز بنتك.

زين بصله بغیظ : تاني يا عز.

عز : انا مش مقتنع بكلامكو دا ، العروسة اهي يا جماعة  
موافقة يبقى فين الاعتراض.. مش انتي موافقة يا كارما؟؟ ..

كارما بارتباك : اااا.. انا..

عز : بس اهي بتقولك موافقة.

عز قام وسأل واحد واحد انت موافق.. وكلهم كانوا بيقولوا ه  
موافقين وهم بيضحكو عليه وعلى جنانه.. وفاجأة جرس  
الباب رن وكان المأذون...

عز : متكسروشن فرحتي بجد... انا عاوز اتعامل معاها عادي  
ميكنش في تحفظات.. واخدها واوصلها براحتي تعامل على  
اساس مراتي... مشن خاطبها.

مراد الالفي : كلامه صح يا شاهين.. وبعدين بثوف انت عاوز  
تحدد الفرحة امتي واحنا معاك.

منى : بس اخوها الكبير مشن هنا.

مراد الجارحي : هايحضر الفرحة يا طنط.. يالا نقول مبروك  
والشيخ يبدأ.

زين : نقول مبروك يا شاهين..

شاهين : انا حقيقي مشن عارف في ايه..

عز بص بسرعة برجاء لزين.. وزين وجه كلامه لشاهين : يالا  
يا شاهين دا مجرد كتب كتاب وبعدين لو في اي حاجة ضايقتك  
ها تبقى في وشي متقلقتش .

شاهين بص لمنى.. ليليان كانت بتأثر عليها ومنى بتبتسم..  
وفي لحظه نطق : موافق.

عز بفرحة : ابدأ يا شيخ..

وبالفعل كارما وعز اتجوزو واتكتب الكتاب وسط فرحة الاهل  
وخصوصا ليليان.. والبيت اتحول لزغاريط وكارما مخضوضه  
فاجأة بقت مراته خلاص.. عز الفرحة كانت باينة على  
وشه... راح لشاهين : عمي انا عاوز كارما اخدها واخرج.

شاهين بضيق : انت بتكتب كتابك علشان تستفرد بيها  
لوحدك وتاخذها بقي؟ .. ماهي بقت مراتك.

عز : على فكرة انا ببستأذن منك.. ولغاية مانعمل فرح  
هاستأذن منك، متخافيش على كارما انا لايمكن اذيها.. انا  
بحبها.. بس كل الحكاية مجهز لها مفاجأة وعاوز افرحها.  
شاهين : اعذرني يا بني انفعلت عليك.. بس اصل حاسس ان  
اتكروت كدا واتاخذت مرة واحدة.

عز : حقك على فكرة.

شاهين : خدها بس متأخرهاش.

عز اخذ كارما وخرجوا وطول الطريق هي ساكتة بتفرك في  
ايديها مش مستوعبة الموقف.. حسيت الطريق غريب..  
كارما : عز هو احنا رايعين فين؟!.

عز : النيل .

كارما بلهفة : ايه النيل... وعرفت ازاي ان انا بحب اقعد على  
النيل .

عز ابتسم بمكر : قلبي دليلي وهو اللي قلبي، و من ناحية نقعد  
هنقعد لكن مش على النيل هنقعد في النيل..

كارما : نقعد في النيل ايه بطل هزار بجد.. انا مش مطمئناك  
والا اقولك يالا نرجع .

وخطيت ايدها على ايده الي يساق بيها واترجته: وحياتي .

عز غمز لها : ايدك طولت..

خجلت منه جت تثبيل ايدها مسكها بسرعة ضمها بايديه:  
دي تفضل في ايدي على طول انتي وحيثاني وعاوز اشبع منك..  
وبعدين انتي حلالي ومراتي وانا عملت حساب للكلمة دي.

كارما برقة : طب نرجع بقى.

عز بنفي : لأهانروح علشان انا محضرك مفاجأة حلوة هناك،  
انا بقالي كتير اوي بخطط للحوار دا، وعاوز افرح وعاوز افضل  
فاكر اليوم دا طول عمري بتفاصيله، متخافيش مش هنتأخر  
اوي.

كارما سكتت.. وفضولها زاد ايه اللي مخططه عز.. واخيرا  
وصلوا مكان على النيل فيه اضاءة كتير جدا ووصلوا قدام يخت  
كبير مكتوب عليه عشق الزين..

كارما ماشية وايدها في ايده وميش فاهمة..

كارما : عشق الزين!!

عز وقف وضمها لحضنه واتكلم بصوت حاني وهادي : دا يخت  
امي... وعشق الزين دي تبقى امي.. هنا على اليخت دا اتولد  
قصة حبهم الي انا بفتخر فيها.. ودلوقتي هايتولد قصة حبنا انا  
وانتي.. بس الفرق ان امي بالنسبة لابويا العشق وانتي  
بالنسبة لي الغرام.

كارما ابتسمت مع خجل خفيف : يعني انا غرام العز.

عز هز راسه.. : عندك شك؟؟ طبعا انتي غرام العز وقلبه  
وروحه وعقله اللي هتطيره بابتسامتك اللذيذة دي، يالا بقى  
ندخل.

كارما دخلت اليخت واتفرجت على كل حاجة فيه.. يخت مميز  
فريد من نوعه.. جذبها حب زين لليليان لدرجادي حبها.. جه  
في دماغها كلمة عز ان هي غرامه.. حسبت بفرحة وسعادة  
مكنتش مصدقة نفسها.. معقول كانت هاتضيع عز منها.. عز

سبابها تتفرج براحتها لغاية ما وصلت على سطح اليخت  
ولقته واقف بيولع بشموع...

كارما بضحك : جورومانسي وانا حقيقي مشن متخيلة نفسي  
كدا.

عز : متخيلة نفسك في سيبستون مشن كدا.

كارما قربت منه وخبطته على كتفه براحة : هو انت مشن  
هاتبطل تتريق عليا.

عز غمز لها تاني : انا بقول من الصبح ايدك طولت مالك يا  
كوكو؟ ، ولا خلاص بقيت جوزك فعادي؟.

كارما بضحك : تصدق مشن عارفة اهضم كلمة جوزي دي  
الموضوع جه بسرعة اوي.

عز ضمها لحضنه وهي حاولت تمنعه وهو رفض :  
هشيشششش متبعديش.. انا اصريت ان اكتب الكتاب عليشان  
اكون براحتي معاكي.

كارما : انت عاوز تودينا على فين يا عز.

عز : عاوز اقولك انا قد ايه بحبك وعاوز اعرفك حبي وعاوزك  
معايا ليل نهار ودا مشن ها يحصل الا اذا كنتي مراتي.

كارما ضحكت بدموع : امبارح بس كنت بفكر ازاى ابعد عنك ..  
وبقنع نفسي ان دا الصح وانه اكبر عقاب ليا.. وانهاردا انا بقيت  
مراتك في لحظة.

عز مسح دموعها : شفتي بقى تدابير ربك، عليشان تعرفي اني  
نصيبك وانتي نصيبي... طب تعرفي انك كنتي هاتضيعينا!

كارما : ليه بقى؟!.

عز : بعدتي عشر ايام يا كارما.. قافلة تليفونك مش عارف  
اوصلك.. حسيت اني فارض نفسي عليك وانك مش عاوزاني..  
ضعفت وبعثك مسج ومعبرتينيش بردو حسيت اني مخنوق  
والصراحة فكرت اخطب نانا منه اضايك ومنه انساكي.  
كارما بصدمة وبغيرة : تخطبها!!!، وايه رجعت بقي وخلاك  
تتجوزني.

عز : شوفي عرق الغباء نط وظهر عندك ازاي، هو انا مين اللي  
حفيت علشان اتجوزها مش انتي؟، وخطفتك وعملت  
حوارات علشان اتجوزها مش انتي؟... بس كل الحكاية اني  
فكرت لقيت اني مش هاقدر انساكي ولا اشيلك من قلبي وان  
انا بعند على حساب قلبي وحبى اللي اتولد ليكي وبس، وان ولا  
اي واحدة ممكن تاخذ مكانك في قلبي او تسد ولو مكان حته  
صغيرة فيه، وبعدين لاقيت نفسي هاظلمها وحرام  
متستلهش كدا، فلقيتني واهلي بيسألوني على اسم  
العروسة بعد مكنت عايز اقول نانا لسانى اتفق مع قلبي وعاند  
معايا وقال كارما، فقررت مش اخطبك لا بقي اتجوزك على  
طول علشان لو قولتيلي بم اقتلك.

كارما برقة ودلع : والحمد لله مقلتش لأ.

وبسرعة افكرت انه كان عايز يخطب نانا

فكملت بغيرة : بس انا مبحبش نانا دي مبرتحش ليها.

عز : ليه هي طيبة على فكرة .

كارما بغيرة : لا بقي مش طيبة هي قدامك بس طيبة بس من  
وراك غير كدا.

عز : طب ياستي احنا هانقضي الليلة في الكلام عن نانا ولا ايه، دا  
حتى والله بيقول الليلة ليليتنا.

كارما : قول لنفسك مش انت الي جايب سيرتها.

عز قرب منها اكرت وهمس قدام شفايفها : انا عن نفسي  
مش عاوز اجيب سيرة حد اصلا ونقضي الليلة في سكوت.

كارما اتوترت لما لفته قرب بالشكل دا حاولت تبعد عنه..  
ولكنها في ثانية كانت بين ايديه وبيعبّر عن شوقه وحبه ليها  
في بوسنة طويلة.. وكالعادة سحر عز الجارحي طغى على كارما  
وخلاها تاهت في اجمل لحظات بتعيشها معاه.. عز مكتفاش  
منها وباسها كتير.. كارما حاولت تهديه ولكنه كان زي  
المجنون في غرامها وحبها.. بعدت عنه بصعوبة وهي  
بتحاول تاخذ نفسها كويس...

كارما بهمس : مبقاش ينفع تتجمع بيا في مكان لوحدنا..

عز دفن وشه في رقبتها ودخل براسه من تحت طرحتها  
وهمس : احنا اصلا بعد كدا هانتجمع ولوحدنا كمان .

كارما حاولت تبعد عنها ولكنه رفض واتمسك بيها اكرت وبدأ  
يبوسها في رقبتها اااا بهدوء.. وزدات بوسته قوة.. كارما أنت  
بضعف وبعدت بسرعة..

كارما وصوتها بيتقطع : لا بص كدا مش هانفع الا اما نتجوز.

عز : امال احنا ايه دلوقتي !!

كارما بارتباك : قصدي لما نعمل فرح وابقى في بيتك.

عز بمكر : قاسية انتي يا كارما.



كارما : علشان خاطرني.. وكمان اخد عليك وكدا انا لسه  
بتكسف منك.

عز : طب اقولك ما تقلعي الطرحة دي وهاخدي عليا بسرعة.

كارما حطت ايدها على الطرحة بسرعة : عز انا بقولك اخد  
عليك... تقولي اقلعي الطرحة.

عز ضحك : خلاص خلاص متقلعيش.. هاتقلعي كل حاجه  
بعدين .

كارما سكتت ثواني وبعدها اتكلمت : انت قليل الادب على فكرة

عز اخدها من ايدها وقعدتها : اول حاجة تعرفيها عني ان  
لساني طويل وقليل الادب ومعاني انتي بالذات مترتبش من  
اساسه... اتفقنا.

كارما بضحك : انت بقول ايه!! .

عز : انا بقول المفيد... المهم انا عاوزك تقولي المفيد زي .

كارما شهقت بصدمة : انت عاوزني اكون قليلة الادب.

عز ضحك بصوته كله : فهمتي غلط ازاي، بس انا مش عاوز  
كدا.. انا عاوز اسمعها منك.. ومتستعبطيش وتقولي ايه هي  
دي علشان انتي فاهمة كويس.

كارما : لازم يعني ؟ .

عز : جداً يا دكتورة القلب ممكن يتوقف لو مسمعهاش.

كارما حطت ايد على قلبه وايد على عينه : سلامة قلبك... وانا  
قلبي بيحب قلبك.

عز بعد ايدها بسرعة : يخربيت حلاوتك وحلاوة كلامك... لا هاتي بووسية بقي.

كارما : لا اتفقنا على ايه.. ويالا بقي علشان منتأخرش...

عز اخدها وهما في الطريق بشغلو التسجيل وسمعوا اغاني والهوا كان حلو والاتنين مشاعرههم كانت واضحة ونقية وجميلة... وهما في الطريق كارما حسبت انها نفسها في الشوكولاته..

كارما : عز ممكن اطلب طلب.

عز : اطلبي يا حبيبي.

كارما : انا عاوزة أكل شوكولاته.

عز بضحك : ايه دا شنطتك فاضية؟ .

كارما : لا منا كنت حارمة نفسي منهم بردو.

عز : اوعي تقولي انهم كانوا من ضمن العقاب.. قاسية انتي اوي يا كارما.

كارما : انا ليه حاسية انك بتتريق عليا..

ايوة دا حقيقي انا كنت قاسية على نفسي جدا عشان اعرف غلطتي و حرمت نفسي من كل حاجة بحبها واولها انت، حتى اهلي متكلمتش معاهم وفضلت في اوضتي وحدي، ومكلمتش الشوكولاته اللي لو تعرف انا متعودة عليهم ازاي وباكلهم كام مرة في اليوم.. بص انا تقريبا مدمنة، وحرمت نفسي منكم كلكم.

عز بتأثر : طب ليه القسوة دي على نفسك ، انتي مغلطتيش انا اللي اتماديت.

كارما : لا طبعا انا كمان عليا لوم، واحدة جاية لواحد نص الليل  
تقوله ما اتصلتش ليه حقه يفهمها غلط ويتمادي.. والا ايه؟

عز عثبان يغير الموضوع لما حس قد ايه هي زعلانه من  
نفسها ، غمز لها : والا ايه.. يا ستي خلاص كل حاجة اتصلحت  
وبقيتي مراتي حلالي وانا جوزك حلالك وتعاليلي في اي وقت ،  
وبصلها وغمز لها : ما تقربي وانا اديكي بوسه.

كارما بخجل ضربته على كتفه برقة وبدلع : عززز.

عز ضحك بصوته كله : عنيا ليكي يا بيبى ، انتي تطلبي اللي عايزاه  
وانا انفذ ...

عز كالعاده جبلها انواع كتييير...وهي فرحت بيهم..  
وعطته منهم....

كارما : كل دول وافتكروني وانا قاعد لوحديك، انا هانزل بقي.  
عز شدها عليه وباسها بوسه سريعة..: انا كنت ناوي اقفل  
اليوم بيكي.

كارما : عزدا اخر تحذير..

عز : احلى تحذير دا ولا ايه.. بموت فيكي وانتي شرسه كدا.

كارما : يوووهه على طول بتتريق عليا.. انا هانزل احسن.

نزلت وعز كمل طريقه للبيت وهو فرحان باليوم..

\*\*\*\*\*

في بيت الجارحي..

ليليان قاعدة جنب زين : نفسي اعرف انت بتعرف تركز وتقرأ  
قبل ما تنام ازاي؟.



ليليان : انا هاخبي ايه بقى.. انا كويسة وزى الفل..  
تليفون زين رن بص فيه لقاء الشخص المسئول عن اليخت..  
زين باستغراب : محسن!!! خير في ايه؟!..  
ليليان بخوف ومسكت ايده تمنعه يرد : لا متردش..  
زين : في ايه اليخت ماله... انتي تعرفي حاجة.. انتي مخبية حاجة  
صح... اوعي هارد..  
ليليان : كنت هاقولك والله.. بس كنت مستتية اطمئن على عز..  
زين سكت ثواني.. يجمع الموضوع وبعدها رد على محسن..  
زين : الو..  
محسن : ايوا ياباشنا.. انا اسف بتصل في وقت زي دا.. بس عز  
بيه مقلناش نفضل في النيل ولا نرجع اسكندرية..  
زين : مين قالك تطلع باليخت..  
محسن : ليليان هانم اتصلت من تليفونك وكلمتنا وبلغتنا  
نجهز اليخت في النيل..  
زين : طب اقفل انت..  
ليليان كانت في آخر الاوضة : بص يا زين دا ابني.. وبعدين اليخت  
دا بتاعي وطلبه مني ينفع ارفض؟..  
زين : تقومي توافقي من غير ما ترجعيلي وتكلمي محسن من  
تليفوني صح..  
ليليان : انت كنت هاترفض... وتقول لأ..  
زين : العيب مش عليكي العيب اللي على فكر في الفكرة دي وانا  
هاطربقها فوق دماغه لاني منبه مليون مرة الا اليخت..

زين سمع صوت عز وهو بيغني وبينادي على امه...

زين بيجز على اسنانه : جه لقضاه.

ليليان : وحياتي عندك.. ماتزعلوش دا انهاردا يومه وبابن عليه  
مبسوط.

زين : انتي محسسباني ان انهاردا فرحه في ايه...

ليليان : دا انا بقولك وحياتي عندك، ايه ماليش خاطر..

زين : انا اصلا هافرقة منه من اللي عمله وحننا قدام الامر  
الواقع..

زين سبابها وراحله وهي وراه

زين : اهلا... اهلا بالرايق.. بالعريس.

عز بخفوت : بداية غير مباشرة.

زين : بتربطم بتقول ايه؟!.

عز : بقول هي دي مبروك بتاعتك يا بابا.

زين : لا ازاي الف مبروك يا عز... ها ياتري الخدمة في اليخت  
عجبتك.

عز : انا قولت بردو الدخلة دي فيها حوار اليخت.. بس عاوز  
اقولك يا بابا اليخت تحفة والا بقى التجديدات اللي ليليان هانم  
أمرت بيها تحفة يا بابا..

زين بصلها بسرعة وهي بعدت لورا : شوية شموع على بلالين  
لزوم الحفلة وكدا.

زين : بلالين يا ليليان... بلالين.. تكلمي محسن وتقوليله  
حطيلي بلالين يا محسن.

ليليان : ما اهو ... ما ...

زين : حسابنا بعدين ..

عز تليفونه رن وكانت المستشفى وطلبوه ...

عز : لا بقى انا امشي، وانت كلم ماما في حوار البلاين دا علشان غلط يا بابا .. دا كان حاطط بلاين حمراا.

عز هرب من قدام زين ... وهو بص لليليان بغيض.

ليليان بخوف : على فكرة مش قولت الوان .. انا قولتله على زوقك يا محسن ..

\*\*\*\*\*

تاني يوم ...

كارما كانت نايمة وفاقت على صوت تليفونهاا.

كارما بنوم : الو.

عز : صباح النور على احلى عيون ..

كارما ابتسمت : صباح الخير.

عز : وحشتيني وحشتني موت.

كارما بخجل وغيرت الموضوع : انت في المستشفى.

عز بغيض من استعباطها : اه من امبارح منمتش.

كارما : طواري ولا ايه؟! .

عز : اممم حادثة والحمد لله سيطرنا على الموقف ..

كارما : ااه .. ومين بقى من الدكاترة معاك.

عز: كلهم..جراحة كله كان معايا..

كارما : امممم ونانا معاك.

عز بمكر: اه.

كارما : طيب انا هالبس واجاي.. يالا مش هاتأخر.

كارما قفلت وبسرعة لبست...

عز فضل مبتسم وهو يبص على التليفون : نانا دي اللي  
هاتخليكي تتحركي يا كارما.

الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة

انتهى الفصل الثالث عشر

قراءة ممتعة.

بقلم /زيبي محمد

مكنتش عاوزة انشر حاجه بس انا وعدت امبارح انها هاتنزل

نوفيلاً عندما يقع العزفي الغرام

الحلقة الرابعة عشر.

كارما وصلت المستشفى وعينها بتدور في كل مكان على عز...  
وصلت قدام مكتبه لقت نانا خارجة منه وماسكة بشوكلاته ف  
ايديها.. كارما رفعت حاجبها لان دي الشوكلاته اللي عطتها  
لعز...



نانا بسخرية : ايه دا انتي رجعتي المستشفى.. والا جاية تتحايلي  
على عز عليشان ترجعي .

كارما : عز!!!.

نانا : اه عز.. اللي زيك يقولوه دكتور عز وميرفعوش عينهم في  
عينه كمان.. اما بقى انا اقول عز زيزو اقول اللي نفسي فيه.

كارما ربعت ايدها : وياترى ليه بقى؟!، ايه الفرق بين معاملة  
اللي زي ومعاملتك.

نانا : انتي اللي زيك مجرد دكتورة بشغالة بالوسطة.. ووسطة  
ابوكي مش صح، المستشفى كلها بتتكلم عليك يا حبيبتي، اما  
انا دكتورة نانا دكتورة جراحة ليا مكانتي هنا في المستشفى دي  
ومكانة في قلب عز اللي هو صاحب المستشفى.. وقريب اوي  
هاكون صاحبة المستشفى كمان .

كارما بصدمة من كلامها : هو انتي ليه بتكرهيني.. انا عملت  
فيكي ايه .. من وقت ما كبيت البيبيسي غصب عني وانتي كرهاني.

نانا : مبحبش اللي زيك اللي مدلعين وابوهم يشغلهم، اللي  
زيك عيال تافهة ملهمش شغل في مكان عريق زي دا،  
فهمتي ليه انا مش حباكي مش عاوزة اشوف وشك بمعنى  
اصح.

كارما بتحدي : بس انا مشغلتنش عليشان ابويا ولا حاجة.. انا  
اشتغلتنش عليشان السي في بتاعي، وكمان اشتغلتنش عليشان  
الدكتور اللي ليكي مكانة في قلبه هو اللي أصر عليا... هو الي  
بيتصل عليشان الشغل.. ابقى جديرة ولا لأ.

نانا : يابنتي دا كله عليشان ابوكي... مش انا لوحدي الي بتكلم  
المستشفى كلها..

كارما : بشيليني من دماغك علشان انا واضح اني حرقاكي اوي  
كدا وشاغلة تفكيرك...

نانا اتغاظت من ردها : قريب اوي علشان انتي حرقاني هارفدك  
من هنا ووراكي بوسه كبيرة..

كارما : انا متشوقة ومستعدة اشوف الرغد دا.

كارما سابتها وحت تدخل لعز.. نانا وقفها

نانا : عز حاليا نايم ومش عاوز حد يزعجه.. ولا انتي عاوزه  
تشتكيله وتعيطيله...

كارما بصتلها من فوق لتحت ومشيت على مكتبها... في  
دماغها الف سؤال.. بس نهرت نفسها بسرعة ازاي عز  
يحبها ويحب نانا مثلا.. طب نانا بتتكلم بالثقة دي ليه.. ومين  
عطاها الثقة دي.. فكرت مع نفسها بصوت عالي..

كارما : لا انا مش هاكون غبية واصدقها.. عز اتجوزني انا..  
وحبني انا.. وانا بقى يا نانا هاعرفك مين هي كارما.. وقريب  
هاتخدي اكبر صدمة في حياتك.

فاقت على صوت تليفونها...

كارما : الو..

عز : انتي فين يا حبيبيتي؟!.

كارما بهدوء: في المستشفى .

عز : لسه واصلة .

كارما : لا واصلة من زمان وحاليا انا في مكتبي...

عز : طب اقفلني جايلك.

كارما قفلت... وقررت تبقى الليدي كارما حتى بتصرفاتها..  
وها تخلي عزيزموت في هواها.. وحبه يبان في المستشفى  
كلها.. طلعت مرايتها بسرعة وحطت روج.. الباب خبط  
بتحسبه عز..

ماجد : ممكن ادخل.

كارما بلعت ريقها ووشها راح مية لون ولون : اه اتفضل يا  
دكتور.

ماجد مبتسم : انا لما سمعت انك جيتي قولت اجاي اسلم  
بقي.. انتي وحشانا والله.

كارما اتخرجت : ميرسي.. اخبار الشغل ايه!.

ماجد : وحش من غيرك والله.

عز دخل وسمع اخر جملة بص على كارما والروج الواضح الي  
هي حاطاه... رفع حاجبه بحدة.. وهي تاهت في دنيا تانية .

ماجد : ابن حلال يا دكتور عز.. كنت لسه بقول لكارما قد ايه  
الشغل وحش من غيرها.

عز بحدة : والله وقد ايه بقي الشغل وحش من غيرها يا دكتور..

ماجد لاحظ حدته في الكلام.. : انا اقصد ان كارما ليها سحر  
خاص في الشغل والمستشفى كلها بتحبها والاطفال دايمًا  
بيسألو عليها..

عز : والله.. ليها سحر!!!، اول مرة اعرف محدش قالي..  
مقولتيش ليه يا كارما ان ليكي سحر خاص.

ماجد حس ان طريقته حادة ومش لطيفة معاه.. استأذن  
وخرج..

كارما بارتباك : ليه كدا يا عزا حرجته..

عز خبط على المكتب بحدة وهي اتفزعت لورا

عز : ايه اللي انتي مهبباه في وشك دا .

كارما اعترفت في ثانية : كنت عامله ليك والله.

عز بضيق : تعمله ليا في مكان وحدنا يخلصنا مش في  
مستشفى معرضة ان اي حد يدخل ليكي فاهمة والا لأ.

كارما : صح.. ماشي.

عز باصلها بضيق لمجرد ان ماجد لمح شكلها بالروح ودا  
عطاها شكل مغري لاي راجل... في ثانية كان قدامها وشدها  
ووقفها وباسها بشراسة على الي عملته.. والمسكينة  
دماغها اتشلت من التفكير.. كانت هاتقع لولا ايده اللي  
حضنتها بسرعة وضمها لحضنه وقلبه بتملك.. بعد عنها لما  
حسن ان انفاسها هاتقطع.. بسند جبينه على جبينها  
عز بخفوت : اللي حصل دا ميتكررش تاني.. فاهمة والا لأ.

كارما هزت راسها وسكتت..

عز : لو اتكررت تاني يا كارما ها عجل بقرار لبسك للنقاب.

كارما رفعت وشها بسرعة : نقاب !.

عز : اه نقاب هاتلبسه بعد الجواز.

كارما ابتسمت : الغيرة مش كدا.

عز : تاني حاجة تعرفيها عني.. اني بغير وغيرتي قاتلة  
ومعنديش تفاهم لو وصلت احبسك في مكان ومخليش حد  
يشوفك ها عملها.

كارما بدلع : وايه بقى اول حاجة .

عز داعب انفها وباسبها بخفة واتفكلم بهمس : قولتك امبارح  
اني قليل الادب معاكي .. الظاهر مفهمتيش تحبي افهمك .

كارما بعدت براسها وضحكت : لا فهمت خلاص ..

عز بصدمة : ايه دا فهمتي .. انتي قليلة الادب يا كارما .. الله  
هانفهم بعض بسرعة .

كارما : عزززز .

عز : عيونه .. المهم انتي مجتبيش عليا ليه؟! ..

كارما بدلع ومكر : نانا قاتلي انك نايم وميش عاوز حد يدخل .

عز استغرب طريققتها ودلعاها : الله وهي نانا تقولك تقومي  
متدخليش .. قوليلها لا هادخل علىشان دا جوزي حبيبي  
ادخله في اي وقت وانتي مالكيش دعوة تقوليلي ادخل والا لا .

كارما اتبسبت من رده : لأ انا مشيت ومقولتش انت جوزي ولا  
حاجة .

عز : وياتري ليه بقى .

كارما : حاجة في دماغي عاوزاة اعملها وميش هاقولك دلوقتي  
مممكن .. وكمان مش عاوزك تقول احنا اتجوزنا لفترة بسيطة  
بس انفذ اللي في دماغي وبعديها براحتك قول لدنيا كلها .

عز ضحك : عارفة ايه احلى حاجة فيكي .. انك جميلة اوي  
وبسيطة ومبتحبيش الكذب .. سهل اوي اقراكي واقرا عنكي ..  
عارفة انا قلبي عمره ما يزعل منك ابدا .

كارما حضنته : ربنا يخليك ليا يا عز .

عز بمكر: ويخليكي ليا ياروح عز..

وبايده فك طرحتها ورجعها لورا..كارما اتخضت: ايه دا يا عز.

عز: انتي اتعاقبتي على الروج ودلوقتي هاتتعاقبي مرة تانية اني  
اشوف شعرك براحتي.

بمجرد نزول الطرحة شعرها نزل بانسيابه الطبيعي ولون  
الشوكلاته اللي بتعشقهااا

عز وهو بيلمس شعرها: علشان كدا عرفت ليه بتحبي  
الشوكلاته...

كارما نسيت شعرها.. وافتكرت نانا.. والشوكلاته.

كارما شدته من لياقة قميصه: انت ازاي اعطيك شوكلاته  
تديها لحد ينفع كدا.

عز: هي شافتها في ايدي وكنت لسه هافتحها واكلها لقيتها  
بتطلبها مني.. اتخرجت بقي.

كارما بدلع: منا قولت زيزو عمره مايعطي لحد شوكلاتي ابدأ الا  
اذا حد اخرجته.

عز: بعيدا عن زيزو اللي بتقفلني من اي كلام.. بس انا مبسوط  
اوي بالتطورات دي.

كارما: تطورات ايه.

عز: دلحك دا يا كرملي.

كارما كشرت: انت متقوليش يا كرملة وانا مقولكش يا زيزو.

عز: ماشي، بس هو انتي مش هاتعاقبيني، علشان عطيت  
شوكلاتك لنانا.

كارما بضحك : لا المسامح كريم.  
عز : لا عاوزك تعاقبيني زي ما عاقبتك.  
كارما بدلع : ازاي مش فاهمة .  
عز بابتسامة عريضة وغمزة من عينه : بووووسيني.  
كارما ضربته بخفة : انت قليل الادب.  
عز : ايه دا بتثتميني لا بقى دا انا عاقبك تعالي هنا...

\*\*\*\*\*

### في بيت الجارحي..

ليليان ماشية ورا زين وهو بيلبس : خلاص بقى يا زين.. من  
امبارح زعلان ومكشرفي وشي.  
زين : ولا كلمة... ولا كلمة يا ليليان.  
ليليان : دا كله علشان بلالين.  
زين بغيط : لا علشان على زوقك يا محسن.  
زين مسك دراعها : انتي من امتي اصلا بتكلمي راجل غير عيالك  
ومراد.. ازاي اصلا تتجرأي وتمسكي تليفوني وتتصلي على حد  
وتاخدي وتدي معاه في التليفون.. ازاي تخبي عليا.  
ليليان : الواد يا زين عاوزة افرحه.  
زين : اطلقهولك منها علشان تفرحي بجد، انا لا يمكن  
اسامحك على اللي انتي عملتيه لا يمكن.

زين سبابها ومشي.. هو غضبان ازاي تسمح لنفسها تخطط  
من وراه وتكلم حد غريب عنها وتطلب منه طلب زي دا.. ليليان  
كبرت وبقت تتصرف من دماغها وعلى مزاجها ولغته من  
حياتها وهو مجرد شعوره ان هي لاغياه ضايقه خنقه هو عاوز  
يكون محور حياتها هي وبس.

\*\*\*\*\*

شخص واقف في الاسانسير وبيتصل على حد ....

:\_ ياخي رد عامل مهم اوي.

اخيرا عزرد :::

عز: الو.

:\_ ايه ساعة حضرتك علشان ترد.

عز: ايه دا انت وصلت يامعلم.

:\_ اه ياخويا لسه واصل وطالع لاسيتاذ عمر اسلم عليه  
واجيلك على المستشفى.

عز: انت مش قولتلي ليه كنت اجاي اخذك.

:\_ سبت مسج ل حضرتك على الفيس.. بس حضرتك  
معبرتينش وانا اتبهدت وابن خالي المحترم قافل تليفونه..  
قولت احط شنطي عنده لغاية ما اشوف فندق.

عز: اشطا سلم على عمر وتعال بقى بسرعة.. الشغل  
مستنيك..

:\_ طب اقفل انا وصلت اهو.

رن جرس الباب وثواني وفتحت ليان...



ليان : ايه دا وائل.. انت وصلت امتي من المانيا.

وائل : دخليني بالله عليك اصلي مشن قادر.

ليان دخلته.. وهو قعد على اول كنبه من التعب.

ليان : انت متصلتش ليه تعرفنا..

وائل : بعث مسج لاخوكي واتصلت على عمر كثير وتليفونه

مغلق... هو فين من حق؟!.

ليان : ايوا هو في شغله بيقل تليفونه.

وائل : طب اقوم اروح لاخوكي على المستشفى وبليل ارجعله

اسلم عليه.

ليان : لا ابدأ انت هاتقعد وتتغدا الغدا جاهز اصلا وتشرب

قهوتك.

وائل : يابنتي مشن عاوز اتعبك والله.. وبعدين هاصبر نفسي مع

اخوكي في المستشفى .

ليان : عيب وببيت اخوك هنا مفتوح.. استنى انادي على البنات

يسلموا عليك بيعملوا الهوم ورك .

وائل : لا استنى دا انا جايب لهم هدايا وهادخل اعملهم مفاجأة.

( وائل شخصية جديدة ابن عمه وعائش عمره في المانيا

بينزل اجازات ويبسافر تاني دكتور ورئيس مستشفى في

المانيا وفي سن مراد الجارحي.. والمستشفى اللي بيشتغل

فيها عاملة تعاقد مع مستشفى الجارحي على المنحة ).

\*\*\*\*\*

في بيت مراد الالفى..

سارة واقفة بصدمة : ربنا يهديك يا مراد يا حبيبي، اتصل يا  
على السباك هايجي يظبط الحمامات.

مراد ببرود : اتصلت وقال مش فاضي، وانا السباك دا بحبه  
وهاستناه وانشالله يقعد بسنه براحته.. بيت بنتي مفتوح ليا.

سارة : انت عاوز تقنعني ان الحمامات كلها باظت مرة واحدة..  
ساعتين خرجت روحت المدرسة للواد ارجع الاقي كدا.

مراد : عادي يا حبيبي.. امر طبيعي يا لا جهزي الشنط خرينا  
نروح لكاميليا.

سارة : ليا مراد مش هانروح لكاميليا.. ادهم نازل اجازة وفي  
خلال عشر ايام راجع بشغله عاوز يقعد مع مراته وعياله  
براحته... هانروح فندق لغاية ما الحمامات تتصلح.

يحيى : لا نروح عند كاميليا.

مراد : وانا لا يمكن ارفضك طلب.. يا لا يا حبيبي نجهز شنطتك.

سارة حطت ايديها على راسها بنفاذ صبر : يارب صبرني..

\*\*\*\*\*

وائل وصل المستشفى وعجبه انضباطهم وتطورات  
المستشفى والديكور والتصميم وكل حاجة.. لاحظ بنوته  
واقفة بتضحك مع طفلين وبتوزع عليهم شوكلاته.. وقف  
راقبها لغاية ما خلصت وجت تمشي..

وائل : اسلوب حلو على فكرة لما عملي كدا مع الاطفال.

كارما : شكرا.

وائل مد ايديه : دكتور وائل ..

عز مد ايديه هو وسلم : دكتورة كارما .. دكتورة اطفال . ومراتي .

وائل بصلهم : نعم مراتك من غير ما عرف .

عز: ماهو دا السبب الي خلاني مفتحش المسج امبارح .. كتبت كتابي امبارح .

عز تابع كلامه لكارما : دا وائل يبقى ابن عمه عمر جوز ليان عايش عمره في المانيا وبنشوف طلته البهية في الاجازات وعشت سنة معاه تدريب وتحت اشرافه في المانيا .

كارما هزت راسها||: اهلا وسهلا بحضرتك .

عز : يالا بينا على المكتب .

وائل : يالا ..

وائل مشي بكام خطوة قدام عز بيتفرج على المستشفى ...  
ولاحظ واحدة واقفة بتبص على عز وكارما بنظرات ضيق  
وغيظ .. جذبته ..

عز ميل على كارما وهمس : على اوضتك وبطلي لف في  
المستشفى .. مش هاقعد المك كل شوية .

كارما بهمس ودلع : غيور اوي انت .

عز : ادلعي كله هايطلع عليكى بعدين .. على مكتبك .

كارما مشيت وعز راح لوائل .. شاف نانا قرب منها ..

عز : وائل اعرفك على دكتورة نانا ... من اشطرد الكاترة هنا في  
الجراحة ومرشحة قوية للفوز بالمنحة ..

وائل سلم عليها .. ونانا سلمت عليه بتعالى ..

عز: دكتور وائل مدير بالمستشفى اللي المفروض تسافروا  
بالمنحة عليها.. وهو اللي هايقرر مين يسافر بالضبط.. بشدي  
حيلك بقى.

نانا كان شاغل تفكيرها كارما وقرب عز منها وطريقتهم: ان  
شاء الله.

وائل وعز مشيووا من قدامها.

وائل: مالها دي قرفانة من نفسها ليه.

عز بضحك: لا نانا دي حكايتها حكاية.. بتكلم كل الناس من  
طرف مناخيرها.. وهي بشايفة ان هي اهم واحدة في قسم  
جراحة هنا بل وحياتك ومصر كلها.

وائل: ايه دا واهم منك انت بشخصيا.

عز: لا ماهي بتيجي عندي وبتفرمل... بس تصدق انت الوحيد  
اللي تقدر تظبطها..

وائل: لا انا مبحبش كدا... دي تتعامل اقل من اي حد.

عز: بص من حكم خبرتي.. هي فيها حاجة وطيبة بس  
معرفش ليه بتتعامل كدا.. بس الي تعرف امي.. قعدت معاها  
قعدة طويلة.

وائل: نبقى نعرف حكايتها من الست الوالدة.

عز: قعدت مع عمر وليان.

وائل: عمر لأ.. ليان اه.. غدتي وعملتي فنجان قهوة انما ايه  
ظبط دماغي.

عز وقف مرة واحدة: قعدت مع ليان لوحدك... انت الغربية  
لحسبت دماغك والا ايه.

وائل باستغراب : وفيها ايه!!

عز بحدة : فيها انه غلط، وان انا اخوها واضايقت مابالك بقى  
بجوزها.

وائل : ليان دي مرات اخويا.. وبعدين البنات كانوا موجودين..  
انت اصلا بتفكر ازاي.

عز : انا عارف وفاهم وجهة نظرك بس بفهمك وبوضحلك  
الغلط.. وردة فعل عمر..

وائل : انت ضايقتني جدا وهاي فضل بالي مشغول لتحصل  
خناقة بسببي.

عز : مشس هايحصل حاجة ان شاء الله... يالا بينا على الشغل.

\*\*\*\*\*

عمر و ليان قاعدين على السفره..

ليان : وبس بقى لما جه انا مسيكت فيه وغدتيه وراح بعد كدا  
لعز.

عمر كان بيسمع كلامها وهو مبطل اكل.. وفاجأة رمى  
الشوكة من ايده.. والبنات اتخضت.

عمر بحدة : على اوضتكوا.. يالا.

فيروز ولارا قاموا... و ليان استغربت طريقته..

ليان : في ايه يا عمر.

عمر وقفها غصب عنها : ازاي تسمحي لنفسك انك تقعدى  
مع راجل غريب في البيت لوحدكوا وانا مش موجود.. انتي  
اتهلتي يا ليان.

ليان بدموع : انا غلطت في ايه.. دا قريبك واللي دايمما بتقول انه  
في معزة اخوك... وجه هنا كتير... انا قومت معاه بالواجب.. انا  
افتكرت لو مش قمت معاه بالواجب انت هاتزعل مني.

عمر بغضب وبغيرة : الي عملتية كله غلط في غلط وقعادك  
معاه غلط ولوحدكوا حتى لو كان اخويا نفسه.. الفكرة نفسها  
غلط وحرام.. فهمتي ولا لأ.

عمر سبابها ومشى.. وهي حاولت تفهمه الموضوع لكنه رفض  
اسبابها..

\*\*\*\*\*

ليليان كانت قاعدة بتفكر ازاي تصالح زين...

ليليان : طب امثل اني تعبانه يقوم يتخض ويجي بسرعة وهو  
اللي يصالحني....

ولكنها رجعت : لا لو اكتشفت اني بمثل هايطربقها فوق  
دماغي.

ليليان : طب اعمل ايه اصالحه ازاي.. انا ابعتله ورد على  
الشركة.. ايه بشغل المراهقين دا... لا لا بس هي دي ايوا انا  
هاعمل كدا... وربنا يستر من ردة فعله بقى .

راحت على دولابها وطلعت فستان وحطته في شنطة وحطت  
هدوم ليها ولزين...

وبعتت مسج لزين : لو عاوز تيجي ورايا على اليخت تعال لو  
مش هاتيحي هارمي نفسي للسماك ياكلني .

خلصت المسج وهي بتضحك بشقاوة .. واتصلت على مراد  
يوصلها لليخت...

مراد : هاتروحي لوحديك يا حبيبتي.

ليليان : متخافيش ابوك قبلي هايكون هناك.

مراد : متأكدة.

ليليان : جداً.

زين قعد في قاعة الاجتماعات مع الموظفين وأسر ووصلته  
مسج ليليان... فتح تليفونه وهو بيقرأها... ضحك بصوت عالي  
على شقاوتها.. كلهم باصوله باستغراب.. زين لاحظ  
سكوتهم.. رفع وشه.. لاقى علامات الاستغراب على وشهم  
وخصوصاً أسر.

وقف بهيبته : أسر كمل الاجتماع انت.. ورايا مشوار مهم.

وسابهم وخرج وهو بيتوعد لليليان.

\*\*\*\*\*

امام بثقة ادهم..

سارة بغيظ : طب والله انا مكسوفة وفي نص هدومي من  
عمايك دي.. ينفع نطب عليهم مفاجأة.. كنت سيبني اتصل  
اديلهم خبر.

مراد : خبر ايه احنا جاين نسرقهم.. دا احنا هانبات عندهم..  
اسكتي انتي.

سارة : وايه الشنط دي كلها... احنا هانقعد بسنة ولا ايه .

مراد : الله مثل بقولك السباك مثل فاضي... دا لو القعدة  
عجبتني هانقل اقامتي هنا.

سارة بغيظ : يارب الصبر من عندك انت...

مراد رن الجرس وادهم فتح.. ادهم باصله وبص لشنطهم  
بعدم فهم...

مراد بابتسامة مستفزة : ازيك يا جوز بنتي يا حبيبي...

الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة

انتهى الفصل الرابع عشر

قراءة ممتعة

بقلم / زيزي محمد

نوفيلاً عندما يقع العز في الغرام...

الحلقة الخامسة عشر.

ليليان وصلت هي ومراد ابناها عند اليخت ومراد اول ما شاف  
عربية زين ابتسم وباصلها... مراد : ايه دا انتي واثقة اوي كدا...  
انه هايجي قبلك.

ليليان ابتسمت : طبعا كنت واثقة.. انت عاوزين اقوله هاروح  
في مكان وميكونش هو قبلي هناك وفي استقبالي.



مراد : هو زعلان صح انك سمحتي لعزياخذ اليخت.

ليليان : اه ايه عرفك بقى ؟! هو قالك؟.

مراد : لا خمنت طبعا وكنت عارف ان هايحصل مشكلة..  
اليخت بالنسبة لبابا حاجه ثمينة جداً وغالية .

ليليان بابتسامه وهي بتبوسه : علشان دا على اسمي انا.. يالا  
بقى باي.

ليليان نزلت وصلت اليخت ودخلت دورت فيه لفته واقف على  
السطح وباصص للمية .. جت هي من ظهره وحضنته...

ليليان : كنت سيبني اكون انا في استقبالك على طول مبوظلي  
كل حاجة كدا.

زين بهدوء : علشان انا بس بقدرك وانتي مش بتقدريني ... ودا  
الفرق ما بينا.

ليليان خلته يلف ليها واتكلمت بهدوء : من امتي زين الرجال  
بيغلط في حق عشقه يا زين.. انا كنت عملت ايه غلط انا مجرد  
حببت افرح ابني بحاجة...

زين قاطعها : مش زعلان من الحته دي .. زعلان انك بتلغيني  
وبتاخدي قرارات من غير ما ترجعيلي وكأني مش موجود ...  
اتجراأتي وفتحتي تليفوني واتصلتي على بشخص غريب وبتكلميه  
وبتطلبني منه طلب اغرب.. ليا حق ازعل ولا لأ... هو انتي كنتي  
جيتي وقولتيلي وطلبتني مني وانا رفضت ليه قررتي من غير ما  
تسأليني.

ليليان غمضت عينها باحراج : انا فعلا غلطت... بس اعمل ايه  
بقى انا ليليان حبيبتك اغلط براحتي وزين الرجال ميزعلش.

زين ضحك : بتضحكي عليا انتي بكلمتين .p

ليليان دفنت وشها فيه : متزعلش مني بقى... اتصرفت بعفوية  
كنت عاوزه افرح عز.. حسبته غلط انا اسفة ..

زين مسك وشها : معرفش ليه يا ليليان انا مبعرفش انشيل  
منك اوازعل منك.

ليليان بدلع : علشان انا طيبة وقلبي دا طيب.. ومحببش  
ازعلك ولا اجاي عليك في حاجة.. بس انت عارف بتصرف  
بعفوية والله ومكنش قصدي حاجة .

زين بتحذير: اخر مرة تحصل حاجة زي دي.. مش هانبه تاني.  
ليليان حاوطت رقبتة : طب ايه هانقضي الليلة في زعل وعتاب..  
انا قررت اننا نقعد يومين هنا.. نريح فيهم من الولاد  
ومشاكلهم.. واليخت وحشني اوي وعاوزه ارجع ليلة ذكرى  
فرحي فيه من تاني...

زين : بحب عفويتك في كل حاجة.. وفي ثواني بتهديني..  
ليليان وهي بتتحرك ناحية اوضة اللبس وبتتكلم بدلع : الله  
مش قولتلك قلبي دا طيب.

زين بعد ما مئشيت اتنهذ : هو انا موديني في داهية غير قلبك دا.

\*\*\*\*\*

في بيت عمر..

ليان بزعل : عمر انت عمرك ما قسيت قلبك دا عليا والله.  
عمر بحدة : وانتي عمرك ما غلطتي غلطة زي دي.

ليان : انا والله قولت امسبك فيه عليشان انت متزعليش مني  
وتفرح مني .

عمر بغيط : افرح منك في ايه انتي كمان .. انتي هاتعصبيني والا  
ايه .

ليان عيونها دمعت بسرعة وبصتله بحزن وسكتت .. هو  
متحملش نظرة الحزن ودموعها ... اخدها في حضنه بسرعة ..

عمر : زعلان منك اوي يا لينو .. وحاسس بقلبي في نار ... غيران  
من فكرة وجودك مع حد لوحده ... ماشي انا عارف وائل وعارف  
قد ايه هو محترم واخويا وكل حاجة .. بس اعمل ايه في غيرتي  
بقي .. اعمل ايه لما افكر انك قعدتي ضحكتي وهزرتي بحسن  
نية مع حد ولوحدكو حتى لو البنات كانو موجودين دا مش مبرر  
ابداً على فكرة .

ليان رفعت وشها له واتكلمت وهي بتعيط : مكنتش اعرف  
والله وليسه اول مرة اعرفها ... والواحد لسه بيتعلم في  
حياته ... أسفة يا حبيبي بجد وعمرها ماتتكرر ثاني .. انا بس  
اتصرفت من بتلقائية كدا .

عمر باس جبينها : خلاص يا حبيبتي متزعليش .. وبعدين  
العيب على الثاني اللي استحلاها وقعد بسلامته ..

ليان بارتباك : لا ماهو انا يعني اللي اصريت هو كان عاوز  
يمشي ... وانا مسكت فيه وحلفت يتغدى وكده ..

عمر بغيط : اعمل فيكي ايه بقي .

ليان حضنته بسرعة : عمرك ما زعلت مني يا عمر ..  
مبستحملش انت بالذات تزعل وتاخذ على خاطر .. انا  
اتعلمت وخلاص .. بلاش تقسي قلبك عليا عليشان خاطري .

عمر بتنهيده : حاضر يا لينو مشن هازعل منك... بدام انتي  
فهمتي غلطك خلاص.

ليان : طب ممكن متكلمش وائل بقي... حرام دا جاي اجازة  
ومسافر تاني..

عمر اخدها في حضنه : سيبك انتي من وائل انا هاتصرف معاه  
بعدين... المهم خليكي فيا انا انتي وحيثتيني جداً... مشن عارف  
الشوية اللي زعلت منك فيهم دول كانهم عدو بسنه عليا والله.

ليان : انا مبحبش حد اصلا يزعل مني ما بالك بقي بحبيبي  
وجوزي وابو بناتي..

\*\*\*\*\*

في بيت ادهم الجارحي...

ادهم بغيط : يعني هو السباك دا وصفه مشن لاقوه ولا ايه.

مراد ببرود : انت مشن متخيل يا ادهم دا شغله نضيف ازاي لو  
عوزته قولي وانا اجبهولك.

ادهم بنفيس غيظه : طب بدام هو كويس اوي كدا.. وشاطر  
وتحت ايدك ماتجيبه يصلح الحمامات.

مراد : ماهو مسافر ومشن فاضي..

وبعدين وجه كلامه لكاميليا : امال انا ليه حاسس ان جوزك  
مخنوق مننا ومشن طايقنا.

ادهم بخفوت لنفسه : حاسس مشن متأكد.

كاميليا : لا طبعا يا بابا ادهم عمره ما يقصد كدا هو بيتكلم  
معاك عادي.. دا بيتك يا حبيبي، طب والله انت فرحتني اوي انك  
فكرت فيا... مش عاوزة اقولك فرحت قد ايه بالخطوة دي.  
مراد باعتها بوسه في الهواء وبعدها بص لادهم وغمزله..  
وادهم طلع نفسه بغضب وببطء وبيحاول يتحكم في نفسه.

\*\*\*\*\*

في مستشفى الجارحي..

وائل : كويس اوي يا عز المستشفى ماشية بانضباط  
والتطورات الجديدة كويسة جدا جدا .

عز بفخر : علشان انا بس مش اي حد يا بابا... انا عز الجارحي .

وائل : براحة على نفسك يا خويا.. المهم مبدائيا نانا دي  
مرشحة قوية بس محتاج اقعد مع مامتك افهم مثلا مالها  
وليه بتعامل كدا.

عز باستغراب : ليه يعني وانت مالك بيها... هي كدا تعامل  
معاها كدا.

وائل : لا طبعا احنا اولاه في غربة.. ثانيا انا عاوز افهم  
شخصيتها.. عاوز ابقى عارف بتعامل مع مين.. مبحبش  
اتعامل على عمايا كدا... انا بحب لما يكون تحتي فريق اهتم بيه  
علاقتنا مش تشغل وبس... امال انا درست علم نفس ليه.

عز بضحك : بتحب تهتم بالنفسيات انت..

وائل : دا علم يابني ايش فهمك انت.

عز : ماليش خلق انا للحوارات دي.

وائل : ليك تحب في ... هي اسمها ايه من حق.

عز بحب : كارما.

وائل رفع حاجبه : ايه حكاية الجواز المفاجئ دا يا نمس،  
شكلك طبيت والهوى رماك.

عز بضحكة عالية : دا رمانى وشقلب حالى يابنى...دا انا بقيت  
مجنون كارما وحياتك.

وائل : لدرجاتي يا عز.

عز بتنهيدة : واكثر من كدا وحياتك..عارف يعني ايه انا وقعت في  
الغرام...عارف يعني ايه كلمه غرام اصلا كلمه ملهائش وصف  
اصلا..كارما دي انا مكنتش عايش قبلها والله.

وائل حط ايده على جبين عز : انت سخن والا دي اعراض اوليه  
للجنون.

عز وهو بيحط ايده على قلبه : لا دا اللي سخن وبيدق بجنون..انا  
بقيت مغرم يا وائل.

وائل بضحكة عالية : لا انت غرقان ومتدهول يا خويا.

عز حط ايده على كتف وائل : عقبالك لما تلاقي اللي تشقلب  
حالك وتلخبط كيانك زي.

وائل بفخر : لا انا اسد يابابا...ومش بتدهول على عيني زي  
قلبي دا متحصن متخفش عليا.. مش هاخليك تشمت فيا..انا  
يوم ما احب هاحب واحدة كدا فريدة من نوعها...

عز : طب مانا بدعيلك تبقى زي اهو وتحب واحدة فريدة من  
نوعها زي كارما كدا... المهم انا فصلت هاقوم ارواح وانام  
وبكرة نبتدي الشغل.

وائل: اوك روح انت وانا ها قعد بشوية كدا وبعدين اروح على  
عمر.

عز نزل لكارما ودخل مكتبها ..

عز بهدوء: كارما .

كارما رفعت وشها لفته بشكله مرهق وتعبان : مالك يا عز.

عز بتعب : مطبق من امبارح وتقريبا حاسس اني هنام على  
نفسى وانا واقف يالا علشان اوصلك الاول.

كارما : حاضر يالا...

عز اخدها ومشى ونانا راقبتهم من شباك اوضتها واتاكدت ان  
بينهم حاجة وخصوصا ان عز اتغير من زمان معاها وبقي  
متحفظ بالكلام معاها.. قامت وقفت قدام المراية

نانا : هو انا وحشة علشان يختار حد تاني... لا انا حاطة مشكلة  
ماما قدامى وواحدة كارما تحدى.. هي ذنبها ايه يا نانا...

وفاجأة قعدت بانكسار: هو انا وحشة.. هو انا فيا عُقد فعلا  
زي ماهي قالت انا فيا ايه و الا بعمل ايه..

نانا دخلت في نوبة عياط وانهارت عز مش فارق معاها..  
اعترفت بلسانها انها واخدة كارما تحدى شايقة نفسها في  
مشكلة امها.. وائل كان ماشى وفاجأة استوقفه صوت  
العياط... وكان باين من الصوت حد منهار وحزين وببيكي  
جامد... خبط وفتح الباب براحة... لقاها قاعدة وحاطه راسها  
بين ايديها وبتيكى..

وائل : دكتورة.

نانا رفعت وثبها وبصتله بعدائية : انت مين سمحك تدخل  
هنا.

وائل عذرها لانه اطفل عليها بس لما دخل ولقاها هي  
الفضول زاد وبتغفه يعرف مالها : مالك.

نانا اندفعت ناحيته تزقه برا: اطلع برا.

وائل مسك ايديها بتحكم : اهدي كدا معني انفعالك دا.. انك  
زعلتي لما بشوفتك ضعيفة وبتعيطي، حسيتي بالضعف.

نانا بسخرية وهي بتحاول تفك ايديها : وانت بقى دكتور نفسي  
ولا دكتور جراحة... ولا بتاع كله.

وائل بهدوء : بتاع كله زي ما قولتي بالظبط.

نانا بغيظ من هدوئه : اوعى بقولك ابعده عني.

وائل : اتعودي عليا.. لانك هاتشوفيني كثير.. سلام يا.. يانا.

وائل خرج وهي اتغاضت منه ومن بردوه وانه شافها منهارة  
كدا

\*\*\*\*\*

تحت عمارة كارما..

كارما : روح نام انت بقى وخذ اجازة بكرة ريح من كل حاجة.

عز : نفسي اوي يا كارما.. اخذ الاجازة دي ونسافر انا وانت في اي  
مكان.

كارما : ان شاء الله.. تصبح على خير يا حبيبي.



عز شديها عليه وطبع بوسية على خديها : وانتي من اهلي ... عاوز  
اقولك على حاجة.. نفذي اللي في دماغك بسرعة علشان انا  
عاوز اعلن انك مراتي في اقرب فرصة.

كارما : ليه ؟ ..

عز : هو ايه اللي ليه .. عاوزك تكوني على اسمي علني .. وتخصيني  
واي حد ممكن يفكر يقرب يكلمك يعمل الف حساب .

كارما قربت منه : تالت حاجة عرفتها عنك انت متملك .

عز بخفوت : في حبك انتي وبس ، وليا حق اكون متملك ... هو  
انتي مش عارفة انتي بتعملي فيا ايه ...

كارما بغنج : عارفة ومبسوطة بحبك وتملكك وكل حاجة فيك  
بتسعدني .

عز بعد عنها واتنهد : كارما يالا اطلعي انتي لو فضلتني دقيقة  
واحدة هانتمسك بفعل فاضح في الطريق العام .

كارما بشقاوة وضحك : لا لا ربنا يسترها علينا .

\*\*\*\*\*

بعد مرور يومين ...

في بيت كارما ..

مني والدة كارما : لا انتي غلط يا كارما .

كارما : غلط في ايه ياماما بقولك بتستفزني وبتضايقني .. وانتي  
تقولي انتي غلطتي .

منى : ايوا طبعاً يا بنتي انتي دلوقتي حبييتي عز واتجوزتو يبقى  
تقولي للدنيا كلها.. ميهميكش بقا كلامها واسطة ابوكي والا  
كدا.. اصل دلوقتي انتي مرات مين.. وبعدين افرض كان في  
احساس بالنسبها ناحيه عز اقطعيلها انتي الاحساس دا..  
وبعدين طبعاً عزها يتصرف معاكي في المستشفي على  
اساس ان انتي مراته... وانتي بتقولي المستشفي بدأت تلاحظ  
وهي.. يبقى انتي كدا بتسوئي سمعتك على الفاضي يا بنتي.. انتي  
المفروض تحسبي الموضوع وتخلصيه نهائي وعرفي الكل ان  
عز جوزك.

كارما : انا اتصرفت بان دفاع ومفكرتش في الموضوع دا ولا  
فكرت في سمعتي.. واصلا عز مضايق وعاوز يقول.

منى : يا حبييتي عادي كل واحد فينا ممكن يتصرف بان دفاع بس  
فيه فرق ان اعند واكمل اندفاعي دا وانا عارفة انه غلط  
وهايجبلي غلط اكبر وممكن ارجع في اندفاعي واهدي وافكر  
صح واصحح الغلط.. انتي اعلمي كدا.. وبعدين انتي معاكي حق  
انتي مراته.. انتي عملي زي اللي له حق وبضيعه وبيهدر حقه  
فهمتي.

كارما : فهمت انهاردا هاقول في المستشفي كلها ان انا وعز  
اتجوزنا..

\*\*\*\*\*

في بيت الجارحي.

عز بغمزة : حمد لله على سلامتكويا عرسان.. ايه اخبار  
البلايين فرقتوها.

زين بضحك: كنت بمحي اي اثر ليك في اليخت.

عز: بشرير انت يا بابا.

ليليان: عامل ايه مع كارما اوعى تكون مزعلها.

عز: مقدرش دي كرمليتي.. من حق يا بابا ماتتكلم بقى مع ابوها  
وتحدد معاد الفرحة بما أن شقتي اصلا خلصانة وناقصة نوري  
ونور كرمليتي بس.

زين: يعني مش كفاية دبست الراجل في كتب الكتاب ادبسه  
في فرحة كمان.. الصبر.

عز: اسالك سؤال بدمتك يعني.. انت لو كنت مكاني مع ماما  
هاتصبر والكلام دا.. انت اصلا احتمال كنت خطفتها وخلصت.

زين بص لليليان وضحك: العيال دي واخدة عني فكرة غلط  
خالص... ياترى مين السبب..

ليليان: توتو مش انا خالص...

عز: يا بابا ركز معايا ابوس راسك كلم ابوها بقى.

زين: طيب هاكلمه بس مش هاضغط عليه اللي هو عاوزو  
وبراحته دي بنته..

ليليان: انا ممكن اضغط على مراته دي عسيل اوي.

زين: بلاش انتي وبطلي الخطط بتاعتك دي.

ليليان: يوووو على طول بتحبطني كدا.

مراد دخل عليهم وهو بيتكلم في التليفون...

مراد: خلاص يا ادهم بابا جه.. خد كلمه انت..

وبعدها تابع كلامه: بابا ادهم عاوزك..

زين اخذ التليفون منه : الو.

ادهم : انت بسايبني مع مراد يتسلى عليا ورايح في اليخت يابابا  
وقافل تليفونك.

زين : ايه في ايه اهدى كدا.

ادهم : اهدى ايه طول ما ورايا مراد.. لو مش حشيتوا عني  
هاولع في نفسي وفيه واخلص.. انا عمري ما شفت حما كدا  
في الدنيا..

زين : طب اهدى واحكي لي في ايه وانا هاتصرف.. ومتصرفيش  
وانت متعصب كدا.

\*\*\*\*\*

في المستشفى...

وائل بشاف نانا واقفة بتابع حاجة في ورق قرب منها بسرعة  
من اخر مرة وهي بتبعد عنه وبتتهرب منه...

وائل : ازيك يا دكتورة نانا.

نانا رفعت وشها وباقتضاب : كويسة.

وائل بخفوت : عالله تكوني بخير.. اصل من اخر مرة وانا عاوز  
اطمن عليك.

نانا : لا اطمن كويسة... وبعدين ياريت متدخلش.

وائل : لا انا ادخل وادخل كمان.. انتي مرشحة قوية للفوز  
بالمنحة وينولك الشرف انك تتدربي تحت ايدي وتتعلمي  
حاجات جديدة.. غيري اسلوبك دا معايا لانك لابسة قناع مش

لايق عليكى بمعنى اصح.. وانا عندي ميزة حلوة اوي خدي بالك  
منها انا بعرف اقرأ الناس اوي وتقريباً قريرتك وفهمتك.  
وائل نهى كلامه وسبابها ومشي وهي اتعصبت من كلامه  
واستفزهااا اسلوبه معاها.

\*\*\*\*\*

في عربية عز..

عز: ايه يا كارما علبة الشوكلاته دي.  
كارما: هاوزع على المسيتشفي شوكلاته بمناسبه كتب كتابنا.  
عز: ايه دا قررتي فاجأة كدا ومن غير ما تقوليلي.  
كارما: هو انت مكننتش بتكلمني امبارح وبتطلب مني اسرع  
علشان نقول اننا كتبنا كتابنا.. انا فكرت وسمعت كلامك  
وجبت شوكلت لزمنايلنا.. ابقى كدا غلطت.  
عز بضحك: ابدأ هو انتي بتغلطي... المهم عاوز اقولك حاجة انا  
كلمت بابا يكلم بابكي علشان يحدد معاه معاد فرحنا.  
كارما: عز انا هاسنتني ابيه ينزل اجازة دا زعلان جدا مننا من  
فكرة جوازنا وهو مش موجود.  
عز: على فكرة كلمته في الفون ورضيته خلاص... وياستي هو  
قالي نازل كمان شهر يعني نلحق نظبط كل حاجة.  
كارما: عز انا ملاحظة انك بتقرر كل حاجة ومبتاخذش رأي  
حد...

عز كان لسه هایتكلم وهي قاطعته بتحذير : واوعى تقولي دي  
رابع حاجة تعرفيها عني.

عز ضحك بصوت عالي : اه ياني منك يا كارما... طب اعمل ايه  
فيكي بحبك وعاوزك معايا وجنبي... قولي لقلبي يبطل يحبك  
وانا مش هاسرع ولا في جوازة ولا في اي حاجة .

كارما اتكسفت ووشها كالعادة اتورد كله وبصت لقدام  
وسككتت.

وعز مد ايديه ولعب في خدودها... بعدته وهي بتحذره : عزز.  
عز حط ايده على قلبه : قلبه.

\*\*\*\*\*

بمنزل ادهم الجارحي..

مراد بيكلم زين على التليفون : حمدالله على سلامتكم ياخويا..  
ايه عريس جديد بتعمل شهر عسل.

زين بضحك : منا قايلك بطل قر عليا.

مراد : هو بيوحق فيك.

زين : متاخذنيش في دوكة.. انت مالك قارف ادهم في عيشته  
ليه؟!.

مراد : انا فين دا، كلكو فهماني غلط، دا انا حتى طيب وفي حالي.

زين : ماهو واضح... بقولك ايه خف على ادهم شوية.. ماشي.

مراد : جوز بنتي وانا حُر فيه.

زين : لا بقولك ايه بطل برودك دا وميش عليا.. خف عليه بقولك  
اهو.

مراد : هو جاي يثتيتكك مالوش لسان يجي يقولي .

زين : هو دخلني لاني كنت على طول ببعده عنك وبغلطه.

مراد : طيب هاتكلم معاه بنفسي.

\*\*\*\*\*

بمستشفى الجارحي..

كارما كانت بتقدم الشوكلاته لزميلها.. وعز كان واقف جنبها

بيستقبل التهاني.... نانا جت عليهم واستغربت التجمع

دا..كارما شافتها قربت منها وعلى وشها ابتسامه...

وقدمت ليها شوكلاته..

كارما : انا ودكتور عز اكتب كتبانا.

نانا كانت بتحاول تفهم علاقتهم الايام اللي فاتت علشان كدا

لما كارما قالتها متفاجئتتش ولا كان ليها اي رد فعل... بل

ثارت دهشة كارما لما اخدت شوكلاته واتكلمت بهدوء :

\_ الف مبروك...عقبال الفرحة.

كارما ابتسمت لها : الله يبارك فيكي.. عقبالك.

نانا باركت لعز ومشيت على اوضتها... دخلت وقعدت على

الكرسي بهدوء.. بصت للشوكلاته الي في ايديها... لقت الباب

بيخبط ودخلت كارما..

كارما : ممكن اتكلم معاكي.

نانا : اه اتفضلي.

كارما بعفويتها وتلقائيتها المعتادة منها : بصي انا الصراحة  
قولت عليكى رجمة ومفيش حد يحبك باسلوبك دا وانا ليا حق  
انتي كنتي بتعاملني وحش اوي... بس مؤخرا اكتشفت انك  
ممکن تكوني طيبة من جواكي، انا اصلا مستغربة نفسي بتكلم  
معاكي ليه... بس حسيت اني لازم انهي الخلاف اللي بينا دا، على  
فكرة يا دكتورة انا مش وحشة ولا بحب المشاكل ولا اتعينت  
بواسطة ابويا.. انا جيت علشان اصلا الدنيا دي مش مستهله  
نكره بعض ولا ندخل سبق ضد بعض على حاجة.. الدنيا ابسط  
من كدا.

نانا : امال ليه قعدتي تحومي لغاية ما اخدتى عز.

كارما بهدوء : انا عملت ايه علشان اخده اتصرفت ازاي،،  
قوليلي موقف واحد صدر مني فعل خطأ، طب هو اصلا انتي وعز  
كان بينكو قصة حب وانا ادخلت ما بينكو ووقعته واخدته... لا  
طبعا دا مش حصل... عز على فكرة من اول ما جيت واحنا في  
خناق بس سبحان الله القلب ومايريد ويوم ما اتأكد من حبه  
جه واتقدم واتجوزنا.. هو انتي كنتي بتحبيه.

نانا : لأ... بس كنت عاوزة اخده منك... دخلت في حوار عند.

كارما اتصدمت من ردها المفاجئ والجرئ الى حد ما.. ونانا  
ابتسمت : متصدميش اوي كدا.. انا كدا مدب.. دبش اللي جوايا  
بقوله مبعرفش ازوق الكلام.

كارما : على فكرة الناس الي زيك قلبهم طيب.

نانا سكتت وكارما سكتت وبعدها قامت اتحركت ناحية الباب  
ونانا وقفتها :



\_ ابقى اعزميني على فرحو ..

كارما لفت ليها وابتسمت : بجد هاتيحي.

نانا : ومجيش ليه..

كارما : خلاص اول ما يتحدد هاعرفك.

\*\*\*\*\*

بيت ادهم الجارحي..

ادهم كان واقف بيعمل قهوة ومراد جه من وراه ...

مراد : انت رايح تشتكي لابوك.. خايف تيجي تحكي لي.

ادهم لف له : وهاخاف منك ليه.. انا بس قولت اقوله لانه على طول شنايف انك مظلوم وانا ظالمك.

مراد ربع ايديه : انت ايه مدايقك في قعدتي؟!.

ادهم : مراد انت عارف كويس ان عمري مدايق لما تقعد معايا المشكلة انا حاسبس انك داخل معايا حرب وبتنافسني فيها مع اني مش عارف ليه?!.

مراد : عاوز تعرف ليه انا بعمل كدا وخصوصا الفترة دي.

ادهم : ياريت ..

مراد : انا بعمل فيك كدا علشان...

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة

انتهت الحلقة الخامسة عشر

بقلم / زيزي محمد

قراءة ممتعة.

غداً الحلقة الاخيرة

نوفيلاً عندما يقع العزفي الغرام.

الحلقة السادسة عشر ( والاخيررة ).

ادهم : مراد انت عارف كويس ان عمري مادايق لما تقعد معايا  
المشكلة انا حاسس انك داخل معايا حرب وبتنافسني فيها  
مع اني مش عارف ليه؟! .مراد : عاوز تعرف ليه انا بعمل كدا  
وخصوصا الفترة دي.

ادهم : ياريت ..

مراد : انا بعمل فيك كدا علشان اعلمك الادب .. علشان  
اعلمك قبل ما تتكلم نص كلمة وتسخن كاميليا عليا .. انت  
المفروض كنت تهديها .. انت عارف ان بسبب كلامك كان  
ممكن تقسي قلبها ... انت المفروض تيجي وتحكي وتقول  
خلي بالك بنتك فيها وفيها وفيها ... بس انت اخترت طريق  
الانانية انك تستفرد بيها لوحدك.

ادهم : انت ليه مش قادر تفهم انها كانت بتنهار قدامي كنت  
فاكر ان كدا بهديها بطفي نار قلبها ..

مراد : لا انت كنت بتزودها بتشعلها.

ادهم : انا بثايف ان دا تصرف طبيعي ممكن الواحد  
يتصرفوه... واحد بيحب مراته زي.. مراد انت بتعاقبني على  
حبها.

مراد : لا انا بعاقبك على تصرفك... وبوريك فرق بسيط ان  
كاميليا هتختارني انا.

ادهم : تختار ايه يا مراد انت ابوها وانا جوزها واحنا الاتنين  
مفيش غنى عننا.

مراد بتهكم : طب دا المفروض اللي انت تفهمه.

ادهم : بص يا مراد انت ليه مئش قادر تفهم بردو ان تصرفي دا  
من دافع حبي ليها.. وبعدين ابويا فهمني حاجة انا  
مفهمتاش .

مراد : انت كدا فهمتها.

ادهم : انا متجوز كاميليا وانت اصلا بعيد عنها اتعودت انها  
تكون ليا لوحدي.. لما يجي حد بقى يشاركني احساس  
الاهتمام غيري.. طبيعي هاكون غيران عليها.

مراد : طب والحل ياعم الحبيب .. انا ابوها وعاوز اعوضها.  
ادهم بغیظ : يعني انت جاي تعوضها في اجازتي.

مراد : عندي الحل.

ادهم مسيكة بسرعة : انجدني بيه.

مراد : طول مانت في الاجازة كاميليا هاتقعد عندي... وطول  
مانت هنا تقعد معاك وانا مئش هازعجك... اظن كدا فير، ديل  
اورنت تو ديل .

ادهم باسه من خده : يا احلى مراد في الدنيا ، طبعاً ديل وابوه  
وامه كمان ... يالا بقى لم هدمك بسرعة واتكل على الله  
اجازتي بتخلص..

مراد : ياخويا اهدم وبراحة على نفسك كدا .. اصلا سارة بتلم  
في الهدوم هاروح اساعدها.

مراد جه يمشي ادهم واقفه بسؤاله...

ادهم : مراد انت بتحبنى صح؟؟

مراد : تفتكر انا لو بكرهك هاسلمك اغلى حاجة عندي.. وغير دا  
كله انت ابن الغالي واي حاجة من ريحته انا بحبها... ومعزتك  
في قلبي زي معزة اخواتك بالظبط.

ادهم بعته بوسة في الهوا : حبيبي يا ميمو

\*\*\*\*\*

## بمنزل زين

وائل : ميرسي اوي يا طنط على العزومة الجامدة دي .

ليليان : تعال بس انت استقر هنا معنا وانا اعملك اكل كل  
يوم.

مراد الجارحي : شوفت امي بتغريك باكلها ودي حاجة مش  
سهلة ابدأ.. فكر في العرض.

وائل بضحك : هو العرض مغري فعلاً... بس انا حياتي خلاص  
بقت في المانيا وطموحي هناك .

زين : ربنا يوفقك يا وائل.. انت شوفت الدكاترة اللي هناك.

وائل : اه شوفت واستقرت على كام دكتور...بس كنت محتاج طنط في حاجة .

ليليان بتعجب : محتاجني انا.. في ايه؟!!

عز : ماما وائل كان عاوز يسالك على نانا بحكم انك قعدتي معاها قعدة طويلة... هو شاييف انه لازم يفهمها قبل ما يستقر عليها.

وائل : بصي يا طنط في شخصيات سهل تتقري ، والتعامل معاها بيبقى بسيط وسلس ودول مش بيتعبوكي.. وفي ناس لسبب ما بتتصرف تصرفات غريبة زي دكتورة نانا.. انا بقى عاوز افهم شخصياتها انتي بنيتي عنها ايه وجهة نظرك وانا بقى اعرف اخذ انهي طريق في التعامل معاها.

زين بمكر : وليه مش تقول ان شخصياتها استفزتك وحببت تعرف عنها كل حاجة.

وائل اتوتر من كلام زين ورد : ما انا قولت انها ردود افعالها غريبة من خلال تعاملي معاها اليومين الي فاتوا دول..بس هي كل الحكاية... يعني لو فيها احراج بلاش منها.

زين : لا لا طبعا من حقك.. قومي يا ليليان خدي وائل واتكلمي معاها.

ليليان هزت راسها وقامت دخلت التراس وكانت قاعدة قدام زين وشايفها.

عز جه جنبه : بابا ركز معايا كلمت شاهين.

زين : اه كلمته ومش موافق بيقول على الاقل ثلاث سنين.

مراد بمكر : لا يا بابا ثلاث سنين كتير.. عز مش هايستحمل.

عز: اول مرة تقول كلمة صح... وربنا ماستحمل يعني تبقى  
مراتي وميش عارف اطولها.

زين: احترم نفسك.

عز: طب كلمه تاني وقوله...

زين: من غير ما تقول... الراجل وافق ان شاء الله ابنه ينزل  
وتعمل الفرحة.. جهز كل حاجة بقى.

عز قام وقف: يعني دا كان مقلب.

زين رجع ضهره لورا: ميش مقلب اوي يعني.

عز رمى نفسه عليه: حلاوتك يابابا وانت بتهزر.

زين زقه: اوع بعيد... يابني انا ابوك ميش واحد صاحبك.

مراد: الفرحة ميش بسايعة يابابا.. فأفور... اعذره.

عز: انا هاعمل فرح واكبر فرح فيكي يامصر... مراد انا  
هاخر بها.

زين: ربنا يستر من جنانك والله.

على الجانب الثاني...

ليليان: بص يا وائل انا مكنتش في يوم افكر احكي اللي حصل  
بيني وبينها لحد... بس انت بتقول انها ردود افعالها غريبة  
وعنيفة معني كدا انها زي ماهي متعالجتش... وعلشان انت  
شاطر ومحترم ودكتور كويس فحكيتك وتوعدني تساعدها..  
البنت دي صعبانة عليا.

وائل: اوعدك طبعا وكل اللي في ايدي هاعمله.. اتفضلي احكي.

ليليان حكّت كل حاجة قالتها نانا لوائل ... وائل اتأكد من  
شكوكه ان في سبب قوي لتعاملها دا.

ليليان : هو انت هاتحكيها اللي انا قولته.

وائل : لا طبعا... انا بس هاستقبل كل ردودها وانفعالها  
بصدر رطب... وهتعامل معاها على الاساس دا.. ولو في يوم  
بقينا اصدقاء وهي حكّتي بنفسها هاساعدها بطريقة  
مباشرة... كل الي اقدر اعمله ان اساعدها بطريقة غير  
مباشرة.

ليليان ابتسمت : الظاهر كلام زين صح... وانت الي عاوز تقرب  
منها وعامل الشغل حجة .

وائل بضحك : واضحة اوي انتي يا طنط ... يعني زين باشا قالها  
بطريقة غير مباشرة.

ليليان : انا بحب الوضوح في كل حاجة.... وعاوزك تكون واضح  
مع نفسك علشان توصل للي انت عاوزو بسهولة ووضوح.

وائل بابتسامة : هأخذ بالنصيحة دي حاضر.

\*\*\*\*\*

بعد مرور شهر.

اليوم هو فرح عز الدين زين الجارحي... الحفل كان مقام في  
اكبر قاعات القاهرة... وعيلة الجارحي بتتجهز علشان توصل  
القاعة ويكونو في استقبال العريس والعروسة...

في بيت الجارحي..

مراد الجارحي : ادم ايه الحلاوة دي كلها.

ادم وقف قدام مراد واستعرض البدلة : بجد يابابا حلوة عليا...  
تيته نقتها ليا.

مراد حضنه : دي تحفة عليك..تيته طول عمرها زوقها  
حلو...انت تعرف وانا صغير وقدك كانت على طول بتنقلي  
هدومي.

ادم : يعني هي بتحبني زيك كدا.

مراد : لا طبعا دي بتحبك اكثر مني.. حتى اسالها وبثوف تقولك  
ايه.

ادم ابتسم : ماشي هابقي اسالها.

مراد : بس انا عاوزك تعرف حاجة... انا اكثر واحد بيحبك في  
الدنيا دي... ياترى انت عارفها ولا لأ.

ادم حضنه بسرعة : اه عارف وانا كمان بحبك اوي اوي.

ادم بعد عنه : هاروح اوري جدو البدلة..

مراد : روح يالا...

مراد راح وبص على بناته وباسهم واتفاجأ بفساتينهم  
وكالعادة ليليان بتهتم بمظهر عيلتها... دخل لميرا... لقاها  
واقفة تستعرض الفستان قدام المراية.

مراد : لولا ان انا اللي جايبه بنفسي كنت شكيت ان امي هي اللي  
اخترته.

ميرا : ليه بتقول كدا؟!.

مراد : كل ما امشي اسال ايه الفستان ولا البدلة دي يقولو تيته  
ليليان.



ميرا : عمتو نبهت علينا كلنا انها هاتنقي للولاد اللبس... اما  
احنا سابتنا براحتنا.

مراد قرب منها : بس قوليلي ايه الحلاوة دي.

ميرا كشرت : واسع يا مراد... شكله مش حلو عليا.

مراد باسها من خدها : بالعكس دا فظيع عليكي.

ميرا : انت ماكريا مراد.. انت قاصد تجيبه واسع عليا انا عارفك  
وفاهمك كويس..

مراد : وبدام انتي فاهمة كدا بتتكلمي ليه.

ميرا بدلع : يمكن اقدر اسيطر عليك .

مراد قرب منها : انا محدش يسيطر عليا... انا بس الي  
اسيطر.

\*\*\*\*\*

في جناح زين...

زين كان قاعد وعلى رجله زين الصغير وبيلاعبه.

ليليان : مش هاتلبس يا زين.

زين : امم بس بلعب مع زين شوية... واحشني اوي الفترة دي  
اهملته.

ليليان ضحكت : دا كان ماشي يلف في البيت يقول دودو وحس  
( جدو وحش ).

زين شاله وباسه : ماهو الباشا مكنش راضي اصالحه ابدأ...  
زعله وحش اوي.



## في بيت مراد الالفى...

سارة رايحة جاية اهتمت بيحى و بتهتم بلبسها.. ومتجاهلة مراد... وهو قاعد متابعتها بعينه... ومتغاض من تجاهلها ليه... قام وراح عندها.

مراد بغيظ : ممكن اعرف حضرتك متجاهلني من الصبح ليه؟!  
سارة ببرود : ولا متجاهلك ولا حاجة.. عادى.

مراد بحدة : لا مش عادى حضرتك.. انتى مش مهتمة بيا خالص ونسيانى.

سارة رفعت وشها و عيونها اتملت دموع : بعاملك بنفس معاملتك ليا بالظبط، بتجاهلك، بتجاهل شعورك واحساسك مثلا انك عاوزني جنبك زي مانت بتعمل بالظبط.. بهتم بيحى وبكاميليا بس زي مانت بتعمل بالظبط.. بصحى أكل واشرب واكمل يومي واهتم بعىالي وادخل انام واركنك على الرف واكتفى بس بتصبح على الخير او مثلا صباح الخير... بخلي محور كلامنا واحد كاميليا وادهم والاهتمام بكاميليا... بعمل زيك بالظبط بهتم باكلهم وشربهم ولعبهم وضحكهم وعياطهم وبتجاهلك زي مانت اتجاهلتنى بالظبط.. زعلان ليه انا برد حاجة بسيطة.. برد شعوران ماليش وجود فى حياتك.. غلطت فى ايه.

مراد كان واقف مصدوم من كلامها : انا بعمل فيكى كل دا؟..  
انا بتجاهلك كدا؟.

سارة هزت راسها بقوة : اه يا مراد.. انت حسسنتنى انى ماليش اى وجود.. كنت بحتاجك كتير الايام اللى فاتت دى

وبحتاج حضنك... كنت بحس اني وحيدة رغم انك موجود بس  
انت كل تفكيرك ازاي تدايق ادهم... ولما ادهم طلب مساعدي  
وافقت فورا علشان ترجعلي.. بس انت مكديتني خبر عملت  
مشكلة وخلتنا نروح هناك عندهم وتبعد اكر واکتر وكانك  
قاصد كل حاجة بتعملها فيا.. وكانك قاصد تجرحني وتهملني  
وانت عارف ان دا هايوجعني وهايقتلني... حتى لما رجعنا هنا  
مكملناش اسبوع وكاميليا جت.. وصلتني لمرحلة ان اغير  
منها هي ويحيي وعيالها.. بس وقفت لحظة مع نفسي  
وقولت هما مش يستاهلوا كدا... لكن انا استاهل التجاهل  
واستاهل كل حاجة يبقى احط في بوقي جزمة بقي واعديها  
واوافق على التجاهل دا.. بس لاقتني غصب عني بعاملك  
بنفس معاملتك... عارف ليه يا مراد.. عارف ليه بعاملك كدا.

سارة كانت بتتكلم وبتعيط.. وهو واقف مصدوم من كل  
كلامها لانه عمره ما يقصد يتجاهلها بس هو فكر انه يساوي  
اهتمامه بالكل.. وانها هاتقدر كدا بس الظاهر انه اهملها  
فعلا او ان سارة اصغر منهم ومحتاجة اهتمام اكر منهم...

سارة: ماترد وتقول عارف انا ليه بعاملك كدا.

مراد: ليه؟!.

سارة بحزن: مش قصدي ادايقك.. بس قصدي الفت انتباهك  
ليا.. اقولك حاسب انا هنا كمان.. متنسنيش..  
متهملنيش.. اهتم بيا واسالني مالك ما كلتيش ليه مش  
عارفة تنامي ليه.. مزاجك مقريف ليه.. مخنوقة ليه.. الاسئلة  
دي كنت محتاجها منك انت مش من حد تاني.

مراد حاوط وشيها بايده: والله ما كنت اقصد اي حاجة من اللي  
قولتيها.. دي الظروف الي مريت بيها مؤخرا هي الي دفعنتي  
لكدا.. هي اللي خلتنني اتصرف كدا.. انا عمري ما اقصد اتجاهلك

يا بسارة ابداء.. هو انتي مشن حاسية انا بحبك قد ايه.. انا فاكرك  
فاهمني ومقدراني.. بس الظاهر فعلا انا جيت عليكي اوي  
واهملتك اوي والا مكنتيش عملي كدا وخصوصا انك قوية  
وبتستحملي.

بسارة بعياط : لا انا مبقتش قوية ولا حاجة.. انا ضعيفة اوي  
يامراد انا اضعف مما تتخيل... انا محتاجة حضنك بجد محتاجة  
احسن بوجودك حواليا.. واحسن ان عمرك ما تسيبني  
احساس انك هاتسيبني دا بيسيطر عليا من وقت للتاني بس  
اللي كان بيهزمه هو حضنك ليا بليل.. بحسن بالامان  
وبطمئن.. غصب عني افتقدته... فالاحساس دا سيطر عليا  
وعلى تفكيري.

رسالة بسارة لمراد كانت واضحة وصريحة.. كانت بتقوله  
احضني وطمني انك موجود وانك عمرك ما تبعد.. وهو قدر  
يفهم دا بسرعة.. واول ما خلصت كلامها حضنها بسرعة.

مراد : متزعليش مني يا قلبي.. غصب عني.. انا عمري ما اقدر ولا  
اوجعك ولا اهملك... انا موجود اهو وكل لحظة انا معاكي فيها  
ملكك... ولو مشن لقيتيني موجود اجري عليا وادخلي حضني  
غصب... لان دا مكانك انتي مشن مكان حد تاني.

بسارة : وحشني كلامك اوي يامراد... وحشني البليسم اللي  
بيداوي الجروح.

مراد بعد شوية عنها : انا الظاهر كنت بعيد فعلا.

بسارة حضنته بسرعة : لولا الملامة كنت قولتك نفضل كدا  
ومنروحش في حنة... بس انا عاوزك توعدني انك تفضل معايا  
واوعى تهملني تاني.

مراد : اوعدك.. يا حبيبة قلبي.. انا اسف على كل لحظة حسيتي  
فيها بالالم بسببي.. انا بحبك اوي.

سيارة : وانا بحبك اكثر مما تتخيل.

\*\*\*\*\*

في بيت ادهم الجارحي.

ادهم بغيض : بس يا مالك ... بس يا مازن.. دماغي وجعتني.

كاميليا عمالة تضحك وساكتة... ادهم باصلها بغيض وبعدين  
بص لسيلا اللي واقفة بتبص لنفسها في المراية....

ادهم : انتي بتعملي ايه يا سيلا.

سيلا : بتفرج على فستان يا بابي.

ادهم بص لكاميليا : مين منقي الفستان دا.. انتي.

سيلا : لا انا نقيته وتيته وافقت وجابته.

كاميليا : سيلا يالا ادخلي كملي لبسك وخدي مازن ومالك  
معاكي.

سيلا : حاضر.

سيلا اخدتهم وخرجت... وادهم اتكلم بحدة : ازاي ماما او انتي  
تسمحى انها تلبس فستان زي دا.

كاميليا قعدت جنبه واتكلمت بهدوء : اهدى... فيها ايه لما  
تلبسه يعني.

ادهم : قصير ومفتوح من الضهر اوي اوي.. انا مبحبش اعود  
بنتي على اللبس دا .

كاميليا : بس هي صغيرة.. فيها ايه ما تلبس براحتها.  
ادهم : لا لو سمحتوا... تلبس ماشي بس ياريت نعرفها برضوا  
ان البنت مينفعش تلبس كدا.  
كاميليا : سيبها تعيش سنها... كل سن يا ادهم وله احكامه..  
دلوقتي تعمل اللي نفسها فيه.. وكمان سنة نبدا ندرجها  
واحدة واحدة... بس انت كدا ممكن تكون كسرت فرحتها  
بالفستان... وبعدين ماهي بنات مراد وبنت أسير وبنات عمر  
لابسين زيها بس الوان مختلفة..  
ادهم : ماليش دعوة انا ليا دعوة ببنتي وبس.  
كاميليا : غيور انت اوي.  
ادهم غمز لها : هو حضرتك لسي عارفة ولا ايه.  
كاميليا ضحكت : لا عارفة من زمان اوي.  
تابعت كلامها بحماس : بس احسن انك انت وبابا اتصالحو  
... انا كنت مشتتة ما بينكو.  
ادهم : اتصالحنا!!!، انا و مراد على طول كدا ناقر ونقير... اللي  
بيننا مكنش اسمه خصام دا كان نقار بس.  
كاميليا : بس كنت بحس انك مبتحبوش ولا هو بيحبك..  
ادهم : لا انا وهو على طول كده... بنحب نناقر في بعض .  
كاميليا بسعادة : ربنا يخليكو ليا يا ادهم فرحتوني اوي  
باهتمامكو اوي.... انا حاسة اني اصغر من سيلا وانتو بتتخانقو  
عليا.

ادهم : مبسوة اوي انتي صح.؟

كاميليا : اه اوووي.. وجودكو حاليا بيعوضني عن حاجات كثير  
محتاجها.

ادهم : على فكرة انا قادر اعوضك عن كله.. بس ابوكي حاشر  
نفسه بقي.

كاميليا حضنته : مفيش غنى عنك ولا في غنى عنه... كل واحد  
فيكو بيعوضني بشعور واحساس مختلف.

ادهم باس جبينها : واحنا تحت امر البرنسييسة كاميليا.

\*\*\*\*\*

### في بيت أسر الجارحي.

أسر كان بيلبس وفاجأة دخلت هنا.. أسر لف ليها وبرق...

أسر بصدمة : ايه دا يا هنا؟!!

هنا بتلف حوالين نفسها بفرحة : ايه رايك بقي في لون شعري  
الجديد.

أسر : نهار اسود دا لون دا انتي متاكدة .

هنا : اه يا أسر دا لون رمادي تلجي طالع موضة.. المدام الي  
عملتلي شعري قالتلي هايبقى تحفة عليكي.

أسر : ومشيتي ازاي كدا... اكيد بتضحك عليكي.. او نسيت مثلا  
تحط اخر لون.. بصي يا قلبي في حاجة غلط في الموضوع.

هنا : بطل هزاريا أسر بجد.

أسر : منا مش بهزر والله... لا هي ضحكت عليكي اكيد.

هنا بدموع : هو وحش عليا اوي كدا... انا افتكرتك هاتفرح بيه.



أسر في بسره : نهار اسود دا لون بجد ...

أسر كان بيصلها وسياكت .. وهي انفجرت من العياط.

أسر : في ايه يا حبيبتى بس.

هنا : انا مكنتش متوقعة ان هاطلع وحشة اوي كدا.

أسر قرب منها وقعد على ركبته قصادها : لا ياروحي .. مش  
الفكرة انك وحشة ولا حلوة ... الفكرة اني مستغربك .. حاسك  
مش انتي مش عارف اعبرلك انا شايفك ازاي .. حاسس انك  
مش انتي.

هنا مسحت دموعها : طب شكلي بشع يعني.

أسر : انتي شكلك بشع !!!، قطع لسان اي حد يقولك كدا .. انتي  
قمر بس الحكاية اني مستغربك بس.

هنا : طب صارحني وقولي هو انت مش عاجبك يعني اللون.

أسر هز راسه وسبكت ... وبعدها سألها بحماس : طب بصي  
ينفع بعد فترة تبقي تغيريه.

هنا : اه.

أسر : اوك غيريه وانا ابقى اختار لون معاكي، مش انتي بتعملي  
اللون دا ليا .. انا بقى هختار لون حلو وحابب اشوفه عليكي.

هنا : ماشي ..

أسر : بس افرحي بقى بيه واتبسطي الايام دي وبعد كدا  
هانختار لون جديد ... يالا قومي البسي اتاخرنا .. والبسي كله  
وانا قاعد مستنيكي اديكي رأي بقى في كله ..

هنا : ربنا يخليك ليا يا أسر ... اهتمامك دا بيفرحني اوي.

أسر : انا لو مش اهتميت بيكي هاهتهم بمين مثلا... انتي  
القلب يا هنا قلبي..

\*\*\*\*\*

عيلة زين الجارحي كلها وصلت القاعة .. والصحافة اخدت  
ليهم الصور.. الحفل كان كبير ومقام على اعلى مستوى وفيه  
اكبر رجال الاعمال و كبار الوسيط.. وكله قعد في انتظار  
العروس والعريس...

عمر بغيط : ليان ممكن تقعدى بقى.. انتي عمالة تتحركى كثير  
ليه كدا.

ليان : ايه يا حبيبي مش بسلم على ناس انا عارفهم.  
عمر : طب بسلمتي بقى خلاص.. اقعدى جنبى.. انا اصلا مش  
راضى على فستانك دا.

ليان ابتسمت : ليه بقى ماله .

عمر : ضيق الفستان ضيق يا ليان ... انا مردتش اتكلم بس  
علشان مش اضايك واكسر فرحتك انهاردا.

ليان بابتسامه وبخفوت وميلت عليه : انا كنت جايبه وكان  
واسع عليا.. معرفتش ليه وانا بقسيه اضيق كدا.. اظاھر اني  
تخنت.

عمر ابتسم : على فكرة كدا احلى من الاول بكتير... التخن  
عامل شغل عالي.

ليان بخجل : بس يا عمر.

عمر بمكر : طب اقعدى علشان ابس... نادي بنتك اللي لازقة  
في يحيى دي... لارا تعالي هنا.

ليان : سيبها يا عمر دول عيال صغيرة .

عمر بضيق : يا خوفي لما يكبروا .

\*\*\*\*\*

عز كان واقف قدام باب غرفة كارما مستنيها تطلع .. متوتر  
وحاسس انه بيعيش شعور مختلف وجديد... الباب اتفتح  
وظلعت مني واخوات كارما ..

مني : ادخل ثنوف كارما يالا.. وبسرعة علشان باباها واخوها  
جايين .

عز دخل ليها لقاها واقفة مدياله ضررها...

عز بهدوء : كارما .

كارما لفت براحة وكانت جميلة جداً وراقية بفستانها  
ومكياجها وحجابها...

عز وعيونه بتلمع بسعادة وحب : بسم الله ماشاء الله .

كارما : حلوة؟؟

عز قرب منها ومسك ايديها وعطاها بوكيه الورد : اوي... انتي  
جميلة جداً.. تيجي نسبيهم ملطعوين ونهرب انا وانتي .

كارما : لا ما حنا نهرب بعد كدا .

عز : كارما ابوس ايديكي انا عاوز التطورات دي تفضل موجودة  
بعد الفرح .. اوعي قلبي بعد كدا .

كارما بضحك : لا متخفش انا هابهرك .

عز بحماس : بجد.. الله... ماتجيبني...

شاهين قاطع كلامه : ايه يا دا يا عريسان انتو بتتكلمو والناس  
مستنياكو تحت.

كارما بارتباك : لا تعال يا بابا مبنقولش حاجة .

شاهين : يالا بينا....

الفرح ابتدا ومكنش ابدأ فرح هادي... بالعكس كان فرح  
مجنون وعز اتجنن وغنى لكارما...

عز: اللي عنده ضحكة زي ديا والي لون عيونه مش عادية... ييجي  
هنا جنبي ييجي ليا.. واحكيه اللي بثفته بعنيا.. اموت اموت في  
الضحكة دي، اموت اموت في النظرة دي الله الله عيني عليه...

زين كان فرحان بيه وليليان كانت فرحتها متوصفتش...  
اخواته كمان كانوا واقفين جنبه ومعاه ورقصوا معاه.. واللييلة  
كله كان مبسوط وفرحان بيها .

وائل جه عليه : يا ض بطل ... يخربيتك انت مهيب كدا ليه؟! .

عز بضحك : فرحان ياعم.

وائل : ربنا يديمها فرحة ياعم.

نانا دخلت القاعة متوترة وقلقانة... طول عمرها مبتحبش  
التجمعات و الزحمه ... حسست ان كل الناس بتبص عليها..  
وصلت عند كارما.. وكارما اتفاجئت بوجودها...

نانا بهدوء : الف مبروك.. انتي جميلة اوي انهاردا.

كارما بضحك : تصدقي انا كدا عرفت ان حلوة عlishان انتي  
مبتجامليش.

نانا : اصلا كل عروسة بيقي ليه رونق وبريق حلو.

كارما : عقبالك يارب... هاتبقي اجمل عروسة.. انا متاكدة .

نانا بنبرة اشبه لحزن : ان شاء الله.

نانا شافت عز واقف وسط رجالة كتير اتخرجت تروح تسلم  
عليه مشيت وائل شافها جه وراها...

وائل : نانا.

نانا لفت له : نعم.

وائل بابتسامة : كويس اوي انك جيتي الفرحة.. فرحتيني والله.

نانا باستفزاز : انا مش جاية عليشان خاطر.. انا جاية لكارما  
ودكتور عز..

وائل رفع حاجبه : انتي عليكي ردود افعال مشفتهاش على حد.

نانا : طيب اتلاشني بقى... وبعدين اسمي دكتورة نانا .

وائل حط ايده في جيبه واتكلم باستفزاز اكبر : احنا خارج  
الشيغل.. وبعدين ردود افعالك انا مش مضطر اتلاشها انا  
ممكن ارد الي امر منها واللي يخليكي تجري تعيطي او  
متفتحيش بوقك معايا سنة قدام... بس انتي عاملة زي  
الاطفال مبحبش احط تفكيري بتفكيرهم.

نانا بصتله بغیظ حقيقي نفسها تمسك اي حاجة وتكسرهما  
في وشه من غیظها وبروده.

على الجانب الثاني...

زين ميل على ليليان : شفتي وائل والدكتورة نانا ...

ليليان بصتلهم وابتسمت : انت مراقبهم زي.

زين : تفكيرنا بقى واحد.

ليليان : هاتتعبه اوي...بس هي محتاجة حد يطلعها من اللي  
هي فيه ويكون نفسه طويل .

زين : وائل دراس علم نفس ... وهايقدر حالتها... واحتمال  
بعد سنة ولا اتنين تسمعي خبر جوازهم.

\*\*\*\*\*

بعد الفرحة....

في الاوتيل وفي جناح عزو كارما.

كارما وقفت في وسط الاوضة وعز قرب منها وفك طرحتها...  
وحضنها : الف مبروك يا حبيبي... اخيرا بقيتي معايا.

كارما : الله يبارك فيك يا حبيبي.. ممكن اغير الفستان.. والبس  
هدومي.

عز غمز لها : ماشي يالا وانا هاغير كمان .

كارما دخلت الحمام... كانت هتنهار من الخوف.. غيرت  
فستانها ولبست بجمامة... وطلعت عز كان قاعد على طرف  
السرير مستنيها... لقاها لابسة بجمامة رفع حاجبه.

عز : ايه دا يا كوكو.

كارما سندت على الحيطه ومثلت انها دايحة : اه الحقني يا عز.

عز اندفع ناحيتها : مالك فيكي ايه.

كارما : دايحة اوي يا عز... حاسه اني تعبانه وصداع هايموتني.

عز : يمكن دا جوع .

كارما بتعب : لا مش جعانة... دا قلة نوم.

عز بقلق : طب تعالي نامي.. تعالي.

عز نيمها وغطها...

كارما : انت هاتعمل ايه..

عز ببرود : هنام... لاني تعبان بردو .

عز نام جنبها وطفى النور.. وكارما هاتموت وتاكل وجعانة  
ومش عارفة تقوم... اول ما حسيت ان عز راح في النوم... قامت  
تتسحب وخرجت من الاوضة ودخلت اوضة تانية الاكل  
محطوط فيها... ووقفت تاكل.. بجوع ونهم...  
عز وهو واقف وراها : ياترى الاكل حلو يا حبيبيتي.

كارما اتخضت ولفت... عزرز.

عز قرب منها : من اول ما قولتي هابهرك وانا عرفت انك  
بتخططي لحاجة... ليه كدبتني عليا؟!!

كارما بارتباك : اصل انا كنت جعانة.

عز : مش مقتنع.

كارما : كنت خايفة..

عز قرب منها وحضنها : طب مش قولتي ليه... هو انا كنت  
هاجبرك على حاجة؟

كارما : دماغي جابتني اضحك عليك.

عز باس خدها : طب وبكرة هاتضحكي عليا ازاي.

كارما بتوتر : انا جعانة يا عز.

عز باس خدها الثاني : وانا كمان جعان جداً.

كارما : طب ما تاكل معايا.

عز بعد عنها بثوية : اومال انا بعمل ايه.

كارما بخفوت : عز.

عز : والله بحبك.

كارما : وانا والله بحبك وجدا كمان... بس انت بتحبني قد ايه..

عز بهمس وكل كلمة ببوسة : هاقولك حاجة ويمكن  
سمعتها قبل كدا بس هاكرها تاني... ابويا زمان سمي امي  
العشيق وبقت عشقه هو.. ولما يحب يدلعها يقولها عشق  
الزين..

وانا دلوقتي هاسميكي غرامي، انا اغرمت فيكي وقعت في حب  
عنيكي وحبك انتي، انتي وبكل بساطة وبكل لغات العالم دي

انتي غرام العز ♡♡

وسكتت شهرزاد عن الكلام المباح .

الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة الجزيرة الجزيرة الجزيرة  
الجزيرة الجزيرة الجزيرة

انتهت الحلقة الاخيرة.

بقلم / زيزي محمد

قراءة ممتعة

اتمنى تكون النوفيل عجبتموها واتبسطوا فيها خلينا متفقيين  
انها كانت هاتبقى صغيرة وانا كبرت فيها... هي كدا انتهت

معايا ♡♡



وهانزلكوا بعدها بيوم او اتنين نوفيلا مصلحه ثم عشق يزيد  
المهدي هاتحبوه اوي ♡ ♡ ♡ ♡ ♡ ♡ ♡ ♡ ♡ ♡ وهانزلها

كامله مرة واحدة

شكرا لكل حد كان بيفرحني وبيعمل ريقو